

ЎЗБЕКИСТОН РЕСПУБЛИКАСИ
ҚОНУНЧИЛИК
ТЎПЛАМИ

22-сон
(1094)
2023 йил
июнь

Ўзбекистон Республикаси қонунчилик тўплами беш бўлимдан иборат:

биринчи бўлимда Ўзбекистон Республикаси қонунлари ва Ўзбекистон Республикаси Олий Мажлиси палаталарининг қарорлари эълон қилинади;

иккинчи бўлимда Ўзбекистон Республикаси Президентининг фармон ва қарорлари эълон қилинади;

учинчи бўлимда Вазирлар Маҳкамасининг қарорлари эълон қилинади;

тўртинчи бўлимда Ўзбекистон Республикаси Конституциявий судининг қарорлари эълон қилинади;

бешинчи бўлимда вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуқий ҳужжатлари эълон қилинади.

МУНДАРИЖА

Иккинчи бўлим

182. «Экология ва атроф-муҳитни муҳофаза қилиш соҳасини трансформация қилиш ва ваколатли давлат органи фаолиятини ташкил этиш чора-тадбирлари тўғрисида» Ўзбекистон Республикаси Президентининг 2023 йил 31 майдаги ПФ–81-сон Фармони
183. «Аҳолига сифатли ижтимоий хизмат ва ёрдам кўрсатиш ҳамда унинг самарали назорат тизимини йўлга қўйиш бўйича комплекс чора-тадбирлар тўғрисида» Ўзбекистон Республикаси Президентининг 2023 йил 1 июндаги ПФ–82-сон Фармони [Кўчирма]
184. «Экология, атроф-муҳитни муҳофаза қилиш ва иқлим ўзгариши вазирлиги фаолиятини самарали ташкил этиш чора-тадбирлари тўғрисида» Ўзбекистон Республикаси Президентининг 2023 йил 31 майдаги ПҚ–171-сон қарори
185. «Маъмурий ислохотлар доирасида маданий мерос соҳасида давлат бошқа-

рувини самарали ташкил қилиш чора-тадбирлари тўғрисида» Ўзбекистон Республикаси Президентининг 2023 йил 1 июндаги ПҚ–177-сон қарори

Бешинчи бўлим

186. Ўзбекистон Республикаси Олий та'лим, fan va innovatsiyalar vazirligining 2023-yil 24-maydagi 5-q/q-son hamda Adliya vazirligining 2023-yil 27-maydagi 2-son “Toshkent davlat yuridik universitetida o'qitishning modul tizimi sharoitlarida talabalar bilimini nazorat qilish tartibi va baholash mezonlari to'g'risidagi nizomni tasdiqlash haqida”gi qarorga o'zgartirish va qo'shimchalar kiritish to'g'risida”gi qarori (*Ўзбекистон Республикаси Адлия вазирлиги томонидан 2023-йил 29-майда ро'ухатдан о'tkazildi, ро'ухат рақами 2780-5*)
187. Ўзбекистон Республикаси иқтисодиёт ва молия вазирининг 2023 йил 20 майдаги 14-сон «Алкоголь маҳсулотлари учун энг кам улгуржи-сотиш ва чакана нархларни қайта кўриб чиқиш тўғрисида»ги буйруғи (*Ўзбекистон Республикаси Адлия вазирлиги томонидан 2023 йил 30 майда рўйхатдан ўтказилди, рўйхат рақами 3435*)
188. Ўзбекистон Республикаси Марказий банки бошқарувининг 2023 йил 10 майдаги 11/2-сон ҳамда Иқтисодиёт ва молия вазирлигининг 2023 йил 5 майдаги 11-сон «Хўжалик юритувчи субъектларнинг банк ҳисобварақларидан пул маблағларини ҳисобдан чиқариш тартиби тўғрисидаги йўриқномани тасдиқлаш ҳақида»ги қарорга ўзгартиришлар ва қўшимча киритиш тўғрисида»ги қарори (*Ўзбекистон Республикаси Адлия вазирлиги томонидан 2023 йил 30 майда рўйхатдан ўтказилди, рўйхат рақами 2342-11*)
189. Ўзбекистон Республикаси адлия вазирининг 2023 йил 29 майдаги 7-мх-сон «Электрон ҳисоблаш машиналари учун яратилган дастурлар ва маълумотлар базасини расмий рўйхатдан ўтказиш қондаларини тасдиқлаш тўғрисида»ги буйруғи (*Ўзбекистон Республикаси Адлия вазирлиги томонидан 2023 йил 30 майда рўйхатдан ўтказилди, рўйхат рақами 3436*)
190. Ўзбекистон Республикаси соғлиқни сақлаш вазирининг 2023 йил 25 майдаги 13-сон «Алоҳида ҳолатларда тиббиёт муассасасида беморлар томонидан олиб келинган дори воситалари ва тиббий буюмларни ишлатишга рухсат бериш тартиби тўғрисидаги низомни тасдиқлаш ҳақида»ги буйруғи (*Ўзбекистон Республикаси Адлия вазирлиги томонидан 2023 йил 30 майда рўйхатдан ўтказилди, рўйхат рақами 3437*)
191. Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитасининг 2023 йил 23 майдаги 04/05-05/01-сон «Табий монополия субъектларининг давлат реестрини тузиш ва юритиш тартиби тўғрисидаги низомнинг 2-бандига ўзгартириш киритиш ҳақида»ги қарори (*Ўзбекистон Республикаси Адлия*

вазирлиги томонидан 2023 йил 31 майда рўйхатдан ўтказилди, рўйхат рақами 2147-3)

192. Ўзбекистон Республикаси рақобатни ривожлантириш ва истеъмолчилар ҳуқуқларини ҳимоя қилиш қўмитасининг 2023 йил 25 майдаги 06/05-05/01-сон «Истеъмолчиларнинг ҳуқуқларини ҳимоя қилиш ва реклама тўғрисидаги қонунчилик ҳужжатлари талабларига риоя этилиши юзасидан таҳлил (ўрганиш, кўрик) ўтказиш тартиби тўғрисидаги йўриқноманинг 1-бандига ўзгартириш киритиш ҳақида»ги қарори (*Ўзбекистон Республикаси Адлия вазирлиги томонидан 2023 йил 31 майда рўйхатдан ўтказилди, рўйхат рақами 2196-3)*)
193. Ўзбекистон Республикаси Мудофаа вазирлигининг 2023 йил 22 майдаги 10-сон, Ички ишлар вазирлигининг 2023 йил 20 майдаги 27-сон, Иқтисодиёт ва молия вазирлигининг 2023 йил 16 майдаги 13-сон «Ядро полигонларида ва бошқа радиация-ядро объектларида хизматни ўтаган, Ўзбекистон Республикаси ҳудудида яшаётган фуқаролар рўйхатини шакллантириш тартиби тўғрисидаги йўриқномага ўзгартиришлар киритиш ҳақида»ги қарори (*Ўзбекистон Республикаси Адлия вазирлиги томонидан 2023 йил 31 майда рўйхатдан ўтказилди, рўйхат рақами 2749-2)*)
194. Ўзбекистон Республикаси Мудофаа вазирлигининг 2023 йил 24 майдаги 12-сон ва Олий таълим, фан ва инновациялар вазирлигининг 2023 йил 23 майдаги 4-қ/қ-сон «Ўзбекистон Республикаси олий таълим муассасаларига «Чақириққача ҳарбий таълим» йўналиши бўйича қабул қилишда касбий (ижодий) имтиҳон ўтказиш тартиби тўғрисидаги низомнинг 17-бандига ўзгартириш киритиш ҳақида»ги қарори (*Ўзбекистон Республикаси Адлия вазирлиги томонидан 2023 йил 31 майда рўйхатдан ўтказилди, рўйхат рақами 2995-2)*)
195. Ўзбекистон Республикаси ички ишлар вазирининг 2023 йил 19 майдаги 263-сон «Маъмурий қамоққа олинган шахсларни қабул қилиш ва сақлаш учун мўлжалланган махсус қабулхоналар ҳудудидан маъмурий қамоққа олинган шахсларнинг четга чиқиш тартиби тўғрисидаги низомга ўзгартиришлар киритиш ҳақида»ги буйруғи (*Ўзбекистон Республикаси Адлия вазирлиги томонидан 2023 йил 31 майда рўйхатдан ўтказилди, рўйхат рақами 3026-1)*)
196. Ўзбекистон Республикаси соғлиқни сақлаш вазирининг 2023 йил 30 майдаги 15-сон «Давлат тиббий сугуртаси жамғармаси орқали молиялаштириладиган республика даражасидаги давлат стационар тиббиёт муассасаларида беморларни дори воситалари ва тиббий буюмлар билан таъминлаш тартиби тўғрисидаги низомни тасдиқлаш тўғрисида»ги буйруғи (*Ўзбекистон Республикаси Адлия вазирлиги томонидан 2023 йил 31 майда рўйхатдан ўтказилди, рўйхат рақами 3438)*)
197. Ўзбекистон Республикаси Мудофаа вазирлигининг 2023 йил 13 майдаги 8-сон, Камбағалликни қисқартириш ва бандлик вазирлигининг 2023 йил

12 майдаги 10-2023/ққ-сон, Олий таълим, фан ва инновациялар вазирлигининг 2023 йил 3 майдаги 2-қ/қ-сон, Қурилиш ва уй-жой коммунал хўжалиги вазирлигининг 2023 йил 1 майдаги 2-сон ва Транспорт вазирлигининг 2023 йил 5 майдаги 3-сон «Қурилиш соҳаси малакали мутахассисларини тайёрлаш марказларига фуқароларни қабул қилиш ва ўқитиш тартиби тўғрисидаги низомга ўзгартиришлар киритиш ҳақида»ги қарори (*Ўзбекистон Республикаси Адлия вазирлиги томонидан 2023 йил 2 июнда рўйхатдан ўтказилди, рўйхат рақами 3371-1*)

Вазирликлар, давлат қўмиталари ва идораларнинг норматив-ҳуқуқий ҳужжатларини давлат рўйхатидан ўтказиш ҳолати тўғрисидаги маълумот

ИККИНЧИ БЎЛИМ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

182 Экология ва атроф-муҳитни муҳофаза қилиш соҳасини трансформация қилиш ва ваколатли давлат органи фаолиятини ташкил этиш чора-тадбирлари тўғрисида*

Сўнгги йилларда мамлакатимизда экологик хавфсизликни таъминлаш, экологик вазиятни яхшилаш, чиқиндиларнинг инсонлар соғлиғига зарарли таъсирини олдини олиш, табиий ресурслардан оқилона фойдаланиш, санитария ва экологик ҳолат сифатини ошириш учун қулай шароитлар яратиш бўйича комплекс чора-тадбирлар изчил амалга оширилмоқда.

Бутун мамлакат миқёсида «Яшил макон» умуммиллий лойиҳаси амалга оширилмоқда, давлат ўрмон фондига кирмайдиган дарахтлар қимматбаҳо навларининг кесилишига муддатсиз мораторий амал қилмоқда.

Шу билан бирга, республикада ҳудуд раҳбарлари, экология ва атроф-муҳитни ҳамда ҳуқуқни муҳофаза қилиш органларининг эътиборсизлиги натижасида соҳада ўтган даврда жиддий камчиликларга йўл қўйилган, айрим ҳолларда эса табиатга ва жамиятга тиклаб бўлмас даражада зарар етказилган. Хусусан:

ҳудудларда, айниқса шаҳарларда ҳаво ифлосланиши бўйича ҳолат тобора ёмонлашиб бормоқда, атмосферага чиқариладиган ташланмаларнинг юкини камайтириш бўйича тизимли ишлар йўлга қўйилмаган;

дарахтлар ва буталарни кесилишига эълон қилинган мораторий даврида 44 мингга яқин, шундан 9,5 мингга яқин қимматбаҳо дарахтлар ноқонуний кесилиши натижасида табиатга 36 миллиард сўмлик зарар етказилган;

дарахтларнинг илдиз тизимларини бетон ва асфальт билан қоплаш, уларга турли электр чироқ ва реклама мосламаларини илиб қўйиш дарахтларнинг жиддий шикастланишига сабаб бўлмоқда;

жамиятда ҳайвонларга, шу жумладан уй ҳайвонлари ва қаровсиз ҳайвонларга шафқатсиз муносабатда бўлиш ҳолатлари кўпайиб бормоқда, уларни идентификация, чиплаш, вакцинация ва стерилизация қилишнинг замонавий тизими мавжуд эмас;

муҳофаза этиладиган табиий ҳудудларда чорва моллари назоратсиз ва тизимсиз боқилиши ҳолатларининг ортиб бориши, ер ости сувларидан илмий асосларсиз фойдаланиш экотизимларнинг бузилишига, катта ер майдонлари деградациясининг ортишига ҳамда уларнинг чўлланишига олиб келмоқда, оқибатда иқлим ўзгаришининг таъсири кучаймоқда, инсонлар ҳаёти ва соғлиғига хавф туғилмоқда;

* Ушбу Фармон «Қонунчилик маълумотлари миллий базаси»да 2023 йил 2 июнда эълон қилинган.

2022 йилда экологик ҳуқуқбузарликлар юзасидан 27 та ҳолат бўйича жиноий иш кўзғатилган бўлиб, уларнинг барчаси бўйича энгил молиявий жарима жазоси қўлланилган ҳолос;

мавжуд полигонларнинг ҳолати экологик ва санитария талабларига жавоб бермаслиги ҳамда улар фаолиятида қайта ишлаш ва утилизация технологиялари жорий қилинмаганлиги уларнинг келгусида экологик фожаи даражасидаги муаммога айланиш хавфини келтириб чиқармоқда.

Рақамли технологиялар асосида замонавий экологик мониторинг механизмини яратиш, экологик маданиятни янада ошириш, биохилма-хилликни асраш ва чиқиндилар билан боғлиқ ишларни тартибга солиш, дарахт, буталарни экиш ва яшил ҳудудларни ташкил қилиш ҳамда уларни муҳофаза қилишнинг янги тартибларини жорий қилиш орқали экологик вазиятни тубдан яхшилаш, шунингдек, Ўзбекистон Республикаси Президентининг 2023 йил 25 январдаги «Республика ижро этувчи ҳокимият органлари фаолиятини самарали йўлга қўйишга доир биринчи навбатдаги ташкилий чора-тадбирлар тўғрисида»ги ПФ–14-сон Фармони ижросини таъминлаш мақсадида:

1. Ушбу Фармон билан юклатиладиган янги вазифа ва функцияларни инобатга олиб, Табиат ресурслари вазирлиги Экология, атроф-муҳитни муҳофаза қилиш ва иқлим ўзгариши вазирлиги (кейинги ўринларда — Вазирлик) деб қайта номлансин.

2. Вазирлик Бош прокуратура, Ички ишлар вазирлиги билан биргаликда 2023 йил 1 сентябрга қадар қўйидагиларни назарда тутувчи норматив-ҳуқуқий ҳужжатлар лойиҳаларини Вазирлар Маҳкамасига киритсин:

а) экология ва атроф-муҳитга зарар етказиш, ўсимлик ва ҳайвонот дунёси объектларини нобуд қилиш ёки уларга шикаст етказиш билан боғлиқ жиноятларни оғир жиноятлар тоифасига киритиш;

б) давлат ўрмон фондига кирмайдиган дарахтлар ва буталар қимматбаҳо навларининг кесилишига қўйилган мораторий талабларини бузганлик учун маъмурий жарималар миқдорини 5 бараварга ошириш. Бунда, қўшимча равишда ноқонуний кесилган дарахт ўрнига компенсациявий дарахт кўчатларини айнан дарахт кесилган жойга экиш мажбуриятини белгилаш ҳамда юридик шахсларга нисбатан базавий ҳисоблаш миқдорининг 100 бараваридан 300 бараваригача бўлган миқдорда молиявий жарималар қўллашни жорий этиш;

в) Ўзбекистон Республикаси Қизил китобига киритилган ҳайвонларнинг ноқонуний овланиши оқибатида ҳайвонот дунёсига етказилган зарар учун ундириш суммаларини 10 бараварга ҳамда ўсимликларни ўсишдан тўхташ даражасигача шикастлантириш ёки йўқ қилиш билан уларга етказилган зарар учун ундириш суммаларини 5 бараварга ошириш;

г) саноат, маиший ва бошқа чиқиндиларни тўплаш, ташиш, жойлаштириш, зарарсизлантириш, сақлаш, утилизация қилиш, қайта ишлаш ва реализация қилиш чоғида табиатни муҳофаза қилиш талабларини бузиш, шунингдек, қаттиқ маиший чиқиндиларни ва қурилиш чиқиндиларини белгиланмаган жойларга ташлаш ҳамда суюқ маиший чиқиндиларни тўққанлик учун маъмурий жарималар миқдорини 10 бараварга оширган ҳолда қўллаш.

Бунда, қўшимча равишда юридик шахсларга нисбатан базавий ҳисоблаш миқдорининг 100 бараваридан 300 бараваригача бўлган миқдорда молиявий жарималар қўллашни жорий этиш;

д) сувларни ифлослантириш ёки булғатиш, сувтўплагич иншоотларида сувни муҳофаза қилиш режимини бузиш, шунингдек, сув объектларига оқинди сувларни оқизишга йўл қўйиш шартлари тўғрисидаги талабларни бузганлик учун маъмурий жарималар миқдорини 5 бараварга ошириш;

е) ўрмон фонди:

ерларини ноқонуний бериш ва улардан фойдаланиш бўйича алоҳида маъмурий ва жиноий жавобгарликни белгилаш;

ерларида ноқонуний бино-иншоотлар ва иморатларни қуриш бўйича алоҳида жиноят таркибини киритиш ҳамда унинг санкцияларини суғориладиган ерларни ўзбошимчалик билан эгаллаб олганлик учун белгиланган санкцияларга тенглаштириш;

ж) ҳайвонларга нисбатан шафқатсиз муносабатда бўлганлик учун маъмурий жарималар миқдорини 10 бараварга ошириш ва ушбу ҳуқуқбузарликни содир этган шахсларни ҳайвонларни боқиш ҳуқуқидан маҳрум этиш;

з) Ўзбекистон Республикаси ҳудудида атроф табиий муҳит ифлослантирилганлиги ҳамда чиқиндилар жойлаштирилганлиги учун компенсация тўловларини белгилаш ва қўллаш тартибини қонун даражасида тартибга солиш ҳамда берилган имтиёзларни бекор қилиш;

и) барча ўсимлик ва ҳайвонот дунёсидан фойдаланиш квоталарини ўрнатиш масаласини қонун даражасида тартибга солиш.

3. 2023 йил 1 июлдан бошлаб Ўзбекистон Республикасида «Жамоатчилик экология назоратчиси» тизими жорий қилинсин ҳамда қўйидагилар назоратчиларнинг ҳуқуқ ва мажбуриятлари этиб белгилансин:

экологик ҳуқуқбузарликни аниқлаш, тегишли далолатномани расмийлаштириш ва Эконазорат платформасига киритиш;

фаолиятини амалга оширишда махсус билим ва кўникмаларни олиш учун бепул таълим олиш ва малакасини ошириш;

аниқланган ҳуқуқбузарликларга нисбатан қўрилган чоралар юзасидан ахборот олиш, ҳуқуқбузарга жазо тайинлаш билан боғлиқ жараёнларда иштирок этиш;

самарали фаолият учун қонунчиликда белгиланган тартибда ва миқдорда ҳақ олиш.

Жамоатчилик экология назоратчилари ҳуқуқбузарликни аниқлаш ва уни расмийлаштириш жараёнида шаффофликни таъминлаш, коррупцияга йўл қўймаслик ҳамда маълумотларнинг ҳаққоний тайёрланишига мажбурдирлар.

4. Экология, атроф-муҳитни муҳофаза қилиш ва ўрмон хўжалиги соҳасидаги қонунчиликка риоя этилиши ва унинг ижроси устидан назоратга масъул бўлган Бош прокурор ўринбосари лавозими киритилсин.

5. Бош прокуратуранинг ташкилий-штат тузилмасида қўшимча 6 та штат бирлигидан иборат бўлган Экология, атроф-муҳитни муҳофаза қилиш ва ўрмон хўжалиги соҳасидаги қонунчилик ижроси устидан назорат бошқармаси (кейинги ўринларда — Бошқарма) ташкил этилсин.

Белгилансинки:

Қорақалпоғистон Республикаси, Тошкент ва Жиззах вилоятларидаги табиати муҳофаза қилиш бўйича ҳудудий махсус прокуратуралар фаолияти Бошқарма томонидан мувофиқлаштирилади;

Қорақалпоғистон Республикаси, вилоятлар ва Тошкент шаҳри прокуратураларига экология, атроф-муҳитни муҳофаза қилиш ва ўрмон хўжалиги соҳасидаги қонунчилик ижроси устидан назорат йўналишида жами 70 та штат бирликлари ажратилади;

Бош прокуратура тизимида жорий этилаётган 77 та штат бирлиги Вазирлик тизимининг умумий штат бирликларини мақбуллаштириш ҳисобига ажратилади.

6. Вазирлик тузилмасида алоҳида юридик шахс мақомига эга бўлмаган Давлат экологик назорат инспекцияси (кейинги ўринларда — Инспекция) ташкил этилсин.

Муҳофаза этиладиган табиий ҳудудларнинг қўриқлов ходимлари ҳамда ўрмон ва ўрмон-ов хўжаликларидаги давлат инспекторлари (ўрмон инспекторлари) штат бирликлари Инспекцияга ўтказилсин.

7. Белгилаб қўйилсинки:

Инспекция ўз фаолиятида экология, атроф-муҳитни муҳофаза қилиш ва иқлим ўзгариши вазирлиги — Давлат бош экология инспекторига бўйсунди ва унинг олдида ҳисобдор бўлади;

Инспекция бошлиғи экология, атроф-муҳитни муҳофаза қилиш ва иқлим ўзгариши вазирлиги — Давлат бош экология инспектори тақдимномасига биноан Вазирлар Маҳкамаси томонидан лавозимга тайинланади ва лавозимидан озод этилади;

Инспекция бошлиғи мақоми, меҳнатга ҳақ тўлаш, тиббий ва транспорт хизмати кўрсатиш шарт-шароитларига кўра вазир ўринбосарига тенглаштирилади;

Инспекция давлат экологик назоратини амалга оширишда унга нисбатан Вазирликнинг қонунчиликда белгиланган вазифалари, ваколатлари ва ҳуқуқлари татбиқ этилади;

Инспекция ходимларининг иш режими ва юкламалари ҳудуд майдони ва аҳолининг сонидан келиб чиққан ҳолда Вазирлар Маҳкамаси томонидан белгиланади;

республика ижро этувчи ҳокимият органлари, ҳуқуқни муҳофаза қилувчи ва назорат қилувчи органлар томонидан Инспекция ходимлари зиммасига уларнинг ваколатига кирмайдиган вазифаларнинг юкланиши тақиқланади;

Инспекцияга тегишли автотранспорт воситалари «ЕСО» давлат рақамларининг махсус сериясига эга бўлади;

республика ижро этувчи ҳокимият органлари, ҳуқуқни муҳофаза қилувчи ва назорат қилувчи органлар Инспекцияга унинг зиммасига юклатилган вазифа ва функцияларни бажаришда ҳар томонлама кўмаклашиши шарт;

Инспекция зиммасига юклатилган вазифаларни бажариш учун зарур бўлган ахборот, ҳужжатлар ва бошқа материаллар унинг қонуний талабига кўра бепул тақдим этилади;

Инспекция томонидан тадбиркорлик субъектларига тегишли ҳудудларда табиатни муҳофаза қилиш, шу жумладан, атмосфера ҳавоси, ер, ер ости бойликлари, сув ресурслари, ҳайвонот ва ўсимлик дунёсини муҳофаза қилиш, чиқиндилар билан боғлиқ қонунчиликка риоя қилиш бўйича экологик мониторинг доирасида ўтказиладиган тадбирлар тадбиркорлик фаолиятини текшириш ҳисобланмайди ҳамда улар мансабдор шахслар ва давлат органлари билан келишилмайди.

8. Республиканинг туман ва шаҳарларида атроф табиий муҳит давлат мониторинги тизимини тубдан такомиллаштириш, салбий таъсирнинг юзага келишини прогнозлаш механизмининг қўйидаги тартиблари ўрнатилсин:

а) республика ҳудудлари бўйича:

2023 йил 1 декабрга қадар туманларда (шаҳарларда) атмосфера ҳавоси ифлосланиши фон мониторингини амалга ошириш учун автоматлашган кичик станциялар 1-иловага* мувофиқ харид қилинади ва ўрнатилади. Бунда:

кичик станциялар Вазирлик томонидан тасдиқланган техник талаблар ва ҳудудларга жойлаштириш хариталари асосида Гидрометеорология хизмати агентлиги томонидан ўрнатилади;

харидлар республика бюджетидан Қорақалпоғистон Республикаси республика бюджети ва вилоятлар маҳаллий бюджетларига ажратиладиган суда маблағлари ҳисобидан амалга оширилади;

б) 2024 йил 1 январдан бошлаб Қорақалпоғистон Республикаси, вилоятлар ва Тошкент шаҳри ҳудудида ўрнатиладиган автоматлашган кичик станциялар маълумотлари атроф табиий муҳит давлат мониторинги тизимининг ягона геоахборот маълумотлар базасига интеграция қилиш орқали визуаллаштирилиб, расмий веб-сайтларда реал вақт режимида мунтазам янгилаб борилади;

в) 2025 йил якунига қадар республика ҳудуди бўйича атмосфера ҳавосининг табиий ифлосланиши юқори бўлган ҳудудларни прогнозлаш ва аҳолини барвақт огоҳлантириш тизими синов тариқасида жорий этилади.

9. Атроф табиий муҳитни ифлослантирувчи манбаларнинг мониторингини сифатли олиб бориш учун Вазирлар Маҳкамаси томонидан тасдиқланган графикка асосан 2024 йил якунига қадар атроф-муҳитга таъсири бўйича I тоифага кирувчи хўжалик юритувчи субъектларга, 2025 йил якунига қадар — II тоифага кирувчи хўжалик юритувчи субъектларга қўйидаги мажбуриятлар юклатилсин:

атмосфера ҳавосига устувор турғун (ташқиллаштирилган) ифлослантирувчи манбалардан чиқадиган ташланмаларни таҳлил қилувчи автоматик мониторинг станцияларини ўрнатиш;

юқори самарадорликка эга чанг-газ тозалаш ускуналари ва локал сув тозалаш иншоотларини ўрнатиш ҳамда мавжудларини модернизация қилиш;

хўжалик юритувчи субъектларнинг санитар ҳимоя зоналарини автомат стационар кузатув постлари билан жиҳозлаш.

Белгилансинки:

чанг-газ тозалаш ускуналари, локал сув тозалаш иншоотлари ва автома-

* 1-илова «Қонунчилик маълумотлари миллий базаси»да эълон қилинган.

тик мониторинг тизимларини ўрнатиш учун хўжалик юритувчи субъектларга халқаро молиявий институтларнинг маблағлари ҳисобидан тижорат банклари орқали 100 млн АҚШ доллари миқдорида кредит линияси очилади;

2023 йил 1 июлдан бошлаб мазкур бандда кўзда тутилган ускуналарни ўрнатган (ёки шартномага асосан 15 фоиздан ортиқ тўловларни амалга оширган) корхоналарга атроф табиий муҳитни ифлослантирганлиги ва чиқиндиларни жойлаштирганлиги учун компенсация тўловларини тенг улушларда 36 ой давомида бўлиб-бўлиб тўлашга рухсат этилади;

мазкур Фармоннинг ушбу бандида кўзда тутилган ускуналарни ўрнатмаган хўжалик юритувчи субъектларга нисбатан атроф-муҳитни ифлослантирганлик учун компенсация тўловлари 5 бараварга оширилган ҳолда қўлланилади;

2024 йил 1 январдан бошлаб атроф-муҳитга таъсири бўйича I тоифага ва II тоифага кирувчи янги объектларни лойиҳалаштиришда юқори самарадорликка эга чанг-газ тозалаш ускуналари ва (ёки) локал сув тозалаш иншоотлари ўрнатилиши кўзда тутилмаган лойиҳаларни давлат экологик ва шаҳарсозлик экспертизаларидан ўтказиш ҳамда қурилиши тугалланган объектларни, уларни ўрнатмаган ҳолда фойдаланишга қабул қилиш ман этилади.

10. Белгилансинки, чанг-газ тозалаш ускуналари, локал сув тозалаш иншоотлари ва автоматик мониторинг станцияларини ўрнатиш учун кичик тадбиркорлик субъектларига Тадбиркорлик фаолиятини қўллаб-қувватлаш давлат жамғармаси маблағлари ҳисобидан:

ускуналарни харид қилиш ва ўрнатиш учун 2026 йил 1 январга қадар жалб қилинадиган кредит суммаси 5 млрд сўмдан ошмайдиган, фоиз ставкаси Марказий банк асосий ставкасининг 1,5 бараваридан ошмаган тижорат банкларининг миллий валютадаги кредитлари бўйича асосий ставкадан ошган, бироқ асосий ставканинг 30 фоизидан кўп бўлмаган (IV ва V тоифадаги туманлар (шаҳарлар) бўйича 40 фоизидан кўп бўлмаган) қисмини қоплаш учун уч йил муддатгача «2+1» тамойили асосида компенсация тақдим этилади;

2026 йил 1 январга қадар жалб қилинадиган тижорат банкларининг кредитлари бўйича кредит суммасининг 50 фоизигача (IV ва V тоифадаги туманлар (шаҳарлар) бўйича 75 фоизигача), бироқ 2,5 млрд сўмдан ошмаган миқдорда кафилликлар берилади.

11. Бирлашган Миллатлар Ташкилотининг 2030 йилгача бўлган даврда барқарор ривожланишнинг тоза сув ва санитария, иқлим ўзгариши оқибатлари билан курашиш, барқарор шаҳарлар ва аҳоли пунктлари, экотизимни сақлаш каби мақсадларига эришиш учун республиканинг иқтисодиёт тармоқлари ҳамда ҳудудларни экологик баҳолаш тизими жорий қилинсин.

Бунда, 2024 йил якунига қадар Вазирлик, Иқтисодиёт ва молия вазирлиги, ҳокимликлар томонидан халқаро тажриба асосида республиканинг барча ҳудудларини экологик баҳолаш бўйича индикаторлар асосида «eco-indicator.uz» рейтинги шакллантирилади ва ҳар бир ҳудуднинг экологик паспорти эълон қилинади.

Қорақалпоғистон Республикаси Вазирлар Кенгаши, вилоятлар, Тошкент

шаҳри ҳамда туман ва шаҳарлар ҳокимликлари 2024 йил 1 июнга қадар ҳар бир ҳудуднинг 2030 йилгача мўлжалланган экологик «мастер-режа»сини маҳаллий ва хорижий экспертларни жалб қилган ҳолда ишлаб чиқсин ҳамда тегишлича Қорақалпоғистон Республикаси Жўқорғи Кенгеси, халқ депутатлари маҳаллий Кенгашларига тасдиқлаш учун киритсин. Бунда:

экологик «мастер-режа» Вазирлик билан келишилган ҳолда шакллантирилади ва жамоатчилик муҳокамасидан ўтказилади;

ҳудудлар раҳбарлари экологик «мастер-режа» ижроси ва унинг натижадорлиги юзасидан ҳар чорақда халқ депутатлари маҳаллий Кенгашлари, жамоатчилик олдидан ҳисобот бериб боради ва Вазирликка амалга оширилган ишлар тўғрисида ахборот киритади;

экологик «мастер-режа»ларни ишлаб чиқиш ва амалга ошириш билан боғлиқ харажатлар маҳаллий бюджет маблағлари ҳисобидан молиялаштирилади.

Белгилансинки, Вазирлик таклифига асосан «мастер-режа» ижроси ва унинг натижадорлиги бўйича Қорақалпоғистон Республикаси Вазирлар Кенгаши Раиси, вилоят, шаҳар ва туманлар ҳокимлари ҳамда ушбу масалага масъул шахсларга нисбатан мукофотлаш ёки интизомий жазо чорасини кўриш учун асос бўлади.

12. Вазирликнинг Миллий табиий мерос объектлари рўйхатини жорий этиш тўғрисидаги таклифига розилик берилсин.

Вазирлик:

2024 йил 1 январга қадар республиканинг миллий аҳамиятга эга табиат объектларини, шу жумладан ноёб ва такрорланмас экотизимлар, биохилма-хиллик турлари ва табиий ландшафтларни хатловдан ўтказсин ҳамда Миллий табиий мерос объектлари рўйхатини тасдиқлаб, эълон қилсин ва доимий равишда янгилаб борсин;

2024 йил 1 январдан бошлаб Халқаро табиатни муҳофаза қилиш иттифоқи (IUCN), ЮНЕСКО ва ФАО билан биргаликда ҳамкорлик дастурини амалга оширган ҳолда, халқаро репрезентатив рўйхатларга Ўзбекистон табиий мерос объектлари номинацияларини тақдим этиш чораларини кўриб борсин.

13. Вазирликнинг республиканинг яшиллик даражасини ошириш ва кўкаламзорлаштириш бўйича тадбирларни ташкиллаштириш, «Яшил макон» умуммиллий лойиҳасини самарали амалга ошириш ҳамда ўрмончилик ва ўрмон кўчатчилигини ривожлантиришда қуйидагича тубдан янги тизимни жорий қилиш тўғрисидаги таклифи маъқуллансин:

а) 2024 йилдан бошлаб ҳар йили 500 миллиард сўм ажратилиши таъминланади ва маблағлар:

«яшил белбоғ», «яшил боғ» ва «яшил жамоат парк»лар ҳамда «яшил қопламалар» — ҳимоя ўрмонзорларини барпо этиш ва доимий фойдаланувчига топширилгунга қадар сақлаб туриш;

табиий шарт-шароитлардан келиб чиққан ҳолда, асосий темир йўл ва магистрал автойўллар бўйида дарахт кўчатларини экиш;

ҳар бир туман ва шаҳарда 5 гектардан кам бўлмаган майдонларда боғлар барпо этиш;

дарахт кўчатларини экиш, ер участкаларини тайёрлаш ва лойиҳалаштириш ишларини амалга ошириш;

уруғчиликни ривожлантиришда оналик плантацияларни кенгайтириш, бу орқали сифатли уруғ ва қаламчаларни тайёрлаш;

ўрмончилик ва ўрмон кўчатчилигини ривожлантириш, шу жумладан, ёпиқ илдизли тизими билан тувакда етиштириш усулини қўллаш ва дарахт туридан келиб чиқиб, камида уч йил давомида парваришлаш;

суғориш тизимларини ташкил этиш ва сув чиқариш қудуқларини ўрнатишга сарфланади;

б) ҳар йили шаклланадиган ва тасдиқланадиган йиллик Ўзбекистон Республикасининг манзилли кўкаламзорлаштириш инвестиция дастури амалга оширилади. Бунда дастур:

тадбирларнинг асосий параметрлари ҳамда йил учун мақсадли мўлжаллар;

дарахт кўчатлари экиладиган автомобиль ва темир йўллар ёқаларининг манзилли рўйхати;

соҳа ва тармоқлар, ҳудудлар, ташкилотлар кесимида манзилли рўйхатлар;

тадбирларни амалга оширишнинг аниқ молиявий механизмлари ва манбаларини ўз ичига олади;

в) манзилли кўкаламзорлаштириш инвестиция дастурида белгиланган тадбирларни амалга оширишда:

бюртмачи, лойиҳачи ва пудратчи қонунчиликда белгиланган тартибда аниқланади;

Вазирлик томонидан экологик экспертиза ўтказилади;

дарахт кўчатларини экиш, суғориш, парвариш қилиш, «яшил боғлар», «яшил жамоат парклари», «яшил қалқон» ва «яшил қоплама» ҳимоя ўрмонзорларини ташкил этиш давлат харидлари тўғрисидаги қонунчиликка мувофиқ амалга оширилади;

г) 2023 йил якунига қадар ҳар бир давлат ташкилоти ва ҳокимликнинг тегишлича бюджетдан ташқари ва маҳаллий бюджет маблағлари ҳисобидан ўз боғлари ташкил этилади ҳамда уч йил давомида парваришланади. Бунда:

ташкилотларнинг боғлари туманлар (шаҳарлар) марказий ҳудудларида 50 сотихдан 2 гектаргача бўлган майдонларда;

боғларни барпо этиш «Яшиллойиҳа» лойиҳалаш институти ва Давлат экологик экспертизаси маркази томонидан ишлаб чиқиладиган лойиҳа-смета ҳужжатлари асосида амалга оширилади;

давлат ташкилоти ва ҳокимликларнинг барпо этиладиган боғлари учун ер майдонларини аниқлаш ва маблағларни ажратиш Вазирлар Маҳкамаси томонидан белгиланади;

д) 2023 йил 1 сентябрдан бошлаб ҳар бир йирик саноат корхонаси (атроф-муҳитга таъсири бўйича I ва II тоифага кирувчи) томонидан ўз ва туташ ҳудудларида Вазирлик билан келишилган лойиҳа асосида уч йил давомида «яшил белбоғ»лар барпо этилади;

е) Вазирлик ва унинг тизимидаги ташкилотлар республика ҳаво ҳудуди-

дан фойдаланишда учувчисиз учадиган аппаратлар парвози учун аризалар (буюртманомалар)ни кўриб чиқиш ва тасдиқлаш, шунингдек, учириш билан боғлиқ бошқа тўловлардан озод этилади.

14. Кўчатчилик соҳасида профессионал меҳнат бозорини яратиш, ишсизликни камайтириш ва норасмий бандлик улушини қисқартириш учун шундай тартиб ўрнатилсинки, унга мувофиқ 2024 йил 1 январдан бошлаб:

уй шароитида ёки касаначилик асосида дарахт ва бута кўчатларини (нихол) етиштириш фаолияти ўзини ўзи банд қилган шахслар шуғулланиши мумкин бўлган фаолият (ишлар, хизматлар) ҳисобланади;

синов тариқасида ўрмон хўжаликлари ҳудудида кўчат етиштириш, экилган кўчатларни парваришлаш, ўрмонзорлар барпо этиш ишлари аутсорсинг асосида жисмоний ва юридик шахсларни жалб этган ҳолда амалга оширилади;

ўрмон хўжаликларида кўчат етиштирувчи питомникларни ташкил этиш мақсадида, хўжаликлар ҳудудларининг узоқ муддатли ижарага бериладиган участкалари Вазирлик томонидан белгиланади;

давлат ўрмон фонди участкалари фақат «E-auksion» платформаси орқали ижарага берилади;

Жамоатчилик экология назоратчиларига улар томонидан базавий ҳисоблаш миқдорининг 50 фоизи миқдорида Бюджетдан ташқари пенсия жамғармасига ижтимоий солиқ тўланган тақдирда, қонунчиликда ўзини ўзи банд қилган шахслар учун жорий қилинган пенсияни ҳисоблаш учун иш стажини ҳисобга олиш тартиби татбиқ этилади.

Белгилансинки, бошқа соҳаларда меҳнат шартномасига асосан банд бўлган шахслар бир вақтнинг ўзида уй шароитида кўчат (нихол) етиштириш ёки Жамоатчилик экология назоратчиси фаолияти билан шуғулланишлари мумкин.

15. Белгилансинки, республикада қаттиқ маиший чиқиндилар билан боғлиқ ишлар «Ноль чиқинди» (Zero waste) тамойиллари асосида янги тартиб ва механизмлар орқали амалга оширилади. Бунда, қуйидагиларга алоҳида эътибор қаратилади:

чиқиндиларни маиший чиқинди турларига қараб, алоҳида-алоҳида тўплаш ва олиб чиқиб кетиш;

янгидан ҳосил бўлаётган чиқиндиларни полигонларга йўналтирмасдан, максимал даражада қайта ишлаш (Recycling) ёки куйдириш, соҳага айланма (циркуляр) иқтисодиёт амалиётини жорий қилиш;

барча мавжуд полигонлардаги чиқиндиларнинг босқичма-босқич тўлиқ қайта ишланиши ва куйдирилишини таъминлаш;

чиқиндиларни куйдириш натижасида олинадиган иссиқлик ёки электр энергиясининг ўз эҳтиёжидан ортиқ бўлган қисмини аҳоли ва ишлаб чиқариш эҳтиёжлари учун мавжуд энергетика ва коммуникация тармоқларига тўлов эвазига, шу жумладан «яшил тариф» қўлланган ҳолда йўналтириш;

ушбу тизимнинг самарадорлигини ошириш мақсадида Давлат бюджетидан «яшил субсидиялар» ажратиш тизимини жорий этиш.

Вазирлик 2023 йил 1 сентябрга қадар маиший чиқиндиларнинг комплекс бошқаруви бўйича дастур лойиҳасини Вазирлар Маҳкамасига киритсин.

16. Вазирлик, Қурилиш ва уй-жой коммунал хўжалиги вазирлиги, Андижон ва Сурхондарё вилоятлари ҳокимликларининг 2023 йил 1 сентябрдан бошлаб бир йил муддатга Асака тумани, Бухоро ва Термиз шаҳарларида чиқиндиларни тўплаш, олиб чиқиб кетиш ва қайта ишлаш билан шуғулланувчи тадбиркорлик субъектлари томонидан кўп квартирали уйларни бошқариш фаолиятини амалга ошириш бўйича эксперимент ўтказиш тўғрисидаги таклифига розилик берилсин.

17. Шундай тартиб ўрнатилсинки, унга мувофиқ:

а) 2023 йил 1 августдан бошлаб хавф-хатарлик даражаси II — IV тоифа бўлган янги қурилиш объектларининг:

лойиҳа ҳужжатларининг архитектура қисми Вазирликнинг ҳудудий бўлинмалари билан келишилади;

смета қийматини шакллантиришда қурилиш чиқиндиларини олиб чиқиб кетиш харажатлари ҳам кўзда тутилади;

қурилиш-монтаж ишларини бошлаш учун белгиланган тартибда рўйхатдан ўтказишда қурилиш чиқиндиларини олиб чиқиб кетиш ва полигонларга жойлаштириш бўйича шартнома тузиш мажбурияти белгиланади;

б) давлат экологик экспертизаси хулосаси белгиланган тартибда Давлат экологик экспертизаси маркази раҳбари ҳамда унинг вилоятлар ва Тошкент шаҳри филиаллари раҳбарлари томонидан тасдиқланади, шунингдек, Вазирликнинг расмий веб-сайтида эълон қилинади (махсус ва ҳарбий объектлар бундан мустасно);

в) 2024 йил 1 январдан бошлаб хавф-хатарлик даражаси III-IV тоифа бўлган барча янги қурилиш объектлари лойиҳалари, шу жумладан, гидротехника иншоотлари лойиҳалари қурилиш зонасидаги иқлим билан боғлиқ хатарларни ҳисобга олиш бўйича Гидрометеорология хизмати агентлиги томонидан бериладиган мониторинг маълумотлари асосида амалга оширилади;

г) 2024 йил 1 январдан бошлаб атроф-муҳитга таъсири бўйича I — IV тоифаларга кирувчи хўжалик юритувчи субъектларнинг фаолиятини белгиланган тартибда давлат экологик экспертизасидан ўтказиш жараёнида Вазирлик томонидан углерод нейтраллигини таъминлаш бўйича мақсадли кўрсаткичлар белгиланади. Бунда:

фаолият туридан келиб чиқиб, атроф-муҳитга таъсирни баҳолаш материалларида ишлаб чиқариш натижасида ҳосил бўладиган иссиқхона газлари миқдори ҳамда углерод изини (carbon footprint) камайтиришнинг аниқ кўрсаткичлари лойиҳа паспорти билан белгиланади;

белгиланган кўрсаткичлар асосида углерод изини камайтириш бўйича давлат экологик экспертизаси хулосасида хўжалик юритувчи субъектлар томонидан амалга оширилиши мажбурий бўлган чора-тадбирлар ишлаб чиқилади;

давлат экологик экспертизаси хулосасида белгиланган чора-тадбирларнинг бажарилиши юзасидан мониторинг олиб борилади, унинг натижалари қонунчиликда белгиланган тартибда жарима ва қўшимча компенсация тўловларини қўллашга асос бўлади;

давлат экологик экспертизаси хулосаси ва унинг бажарилиши юзасидан

олиб борилган ишлар бўйича ахборот Вазирликнинг расмий веб-сайтида эълон қилинади;

д) 2024 йилдан бошлаб марказлашган инвестиция лойиҳалари ҳамда атроф-муҳитга таъсири бўйича I-II тоифага кирувчи фаолият турларига оид марказлашмаган инвестиция лойиҳалари белгиланган тартибда давлат экологик экспертизадан ўтказилади;

е) 2024 йил 1 январдан бошлаб эксперимент тариқасида Хукумат томонидан белгиланадиган тартибга мувофиқ атроф-муҳитга таъсири бўйича III-IV-тоифага кирувчи фаолият турларига оид лойиҳалар нодавлат ташкилотлари томонидан экологик экспертизасидан ўтказилиши мумкин;

ж) 2023 йил 1 июлдан бошлаб чиқинди полигонларини хусусийлаштириш тақиқланади. Бунда, чиқинди полигонлари худудларини чиқиндиларни қайта ишлаш билан шуғулланувчи ташкилотларга ижарага бериш, уларни тозалаш ҳамда бўшатилган ер участкаларини реализация қилиш Вазирлик томонидан амалга оширилади.

18. Вазирлик 2024 йил 1 январгача технологик жараёнларнинг экологик меъёрларга ва талабларга мувофиқлигини баҳолашга асосланган «яшил сертификатлаш» ҳамда маҳсулотлар ва хизматларни экологик маркировкалаш тизимини йўлга қўйишни назарда тутувчи норматив-ҳуқуқий ҳужжат лойиҳасини киритсин.

19. Вазирлик, Энергетика вазирлиги ҳамда Инвестициялар, саноат ва савдо вазирлигининг 2023 йил 1 декабрдан бошлаб республикада электромобилларни тез қувватлантириш станцияларини барпо этишни жадаллаштиришга қаратилган қўйдаги таклифлари қўллаб-қувватлансин:

Нукус шаҳри, вилоятларнинг маъмурий марказлари ва вилоят бўйсунувида бўлган шаҳарлар худудларидаги автомобилларга ёқилғи қўйиш шохобчалари, сифими 100 автомобилдан ортиқ бўлган автотураргоҳлар ҳамда бозорлар худудида;

«Ўзбекистон туризм магистрالي» туризм транспорт коридори автомагистраль йўлларида жойлашган автомобилларга ёқилғи қўйиш шохобчалари, савдо ва кўнгилочар марказлари худудида камида 2 каналли 60 кВт ва ундан юқори қувватли электромобилларни қувватлантириш станцияларини барпо этишнинг мажбурий тартибини ўрнатиш.

Белгилансинки, Экология жамғармаси ҳисобидан «Ўзбекистон туризм магистрالي» туризм транспорт коридорининг чўл ва саҳро қисмида қуёш электр станцияларини қурган ҳолда биринчи 50 та электромобилларни тез қувватлантириш станцияларини барпо этиш учун ҳар бир лойиҳага 100 млн сўмдан маблағлар субсидия сифатида ажратилади.

20. Вазирлик 2023 йил 1 июлдан бошлаб аҳоли ва кенг жамоатчилик орасида атроф-муҳитни ҳимоялаш ва соғлом турмуш тарзини тарғиб этишга қаратилган «Чиқиндиларни оммавий йиғиш» (ЎзПлоггинг) умуммиллий ҳаракатини ташкил этсин. Бунда:

сектор раҳбарлари ушбу тадбирларни юқори савияда ташкил этиш, тадбирларга кенг жамоатчилик ва экофаолларни жалб этишга масъул бўлади;

жамоат парклари, яшил боғлар, тоғли худудлар, сув ҳавзалари атрофи

ва бошқа атроф-муҳитга таъсири катта объектларда хайрия югуриш марафонлари, атроф-муҳитда пиёда (Плалкинг) ва велосипедда сайр қилиш (Пликинг) вақтларида чиқиндиларни саралаб йиғиш кунлари ўтказилади;

саралаб йиғиш кунларида мусобақалар ўтказилиб, босиб ўтилган масофа ва саралаб йиғилган чиқиндилар ҳажми асосида ғолиблар аниқланади ва Вазирлик томонидан рағбатлантирилади.

21. Республика таълим муассасаларида ёшларнинг табиатга бўлган меҳрини уйғотиш, уларни табиат ҳимоячиси сифатида тарбиялаш мақсадида Вазирлик, Олий таълим, фан ва инновациялар вазирлиги ҳамда Мактабгача ва мактаб таълими вазирлигига қуйидаги вазифалар юклатилади:

«Ёш экологлар» ҳаракати доирасида туман, шаҳар ва республика даражасида атроф-муҳит муаммолари юзасидан «Табиатга меҳр» инновацион ва интеллектуал лойиҳалар танловини ўтказиш;

оммавий ахборот воситаларида «Табиат мадҳияси» (муסיқа ва матни) учун танлов эълон қилиш ва ғолибларни аниқлаш;

табиатни асраб-авайлаш борасида бутун жаҳон ва мамлакатимизда нишонланадиган муҳим экологик саналарга бағишлаб тадбирларни ташкил этиш ва унда «Ёш экологлар» ҳаракати фаолларини рағбатлантириш;

ёш экологлар сафини кенгайтириш мақсадида «Ёш экологлар» ҳаракати қурултойини ташкил этиш, тарихий шаҳарларда (Тошкент, Самарқанд, Навоий, Бухоро, Хоразм) йирик анжуманларни ташкил этиш;

табиатга доир инновацион лойиҳа ва натижадор таклифларга эга салоҳиятли ёшлар учун «Ёш экологлар» ҳаракати кўкрак нишонини таъсис этиш орқали ёшлар жамоасини шакллантириш;

мумтаълим мактабларининг Миллий ўқув дастурига (табиий фанлар, физика, биология, география, кимё фанлари доирасида) жами 132 соатлик «экосоат» дарсларини киритиш.

22. Вазирлик Қурилиш ва уй-жой коммунал хўжалиги вазирлиги билан биргаликда шаҳарларда ичимлик сувидан оқилона фойдаланиш, аҳолининг сувни тежаш ва унинг ифлосланишини камайтиришга қаратилган қуйидаги тартибни жорий этсин:

а) 2024 йил 1 январдан бошлаб Нукус шаҳрида:

ичимлик сувидан фойдаланиш бўйича кўп қаватли уйлар ўртасида «Тежамкор уй» ва «Тежамкор хонадон» рейтинг тизимини ишга тушириш;

йил якунига кўра, энг кам сув ишлатган 20 та хонадон ҳамда хонадонларининг 50 фоизидан ортиғи белгиланган меъёрлардан кам сув ишлатган 20 та кўп қаватли уйларни рағбатлантириш;

ғолиб хонадон ва уйларга Вазирликнинг бюджетдан ташқари жамғармаси маблағлари ҳисобидан қуёш панеллари ёки уй атрофини ёритиш мосламаларини бепул ўрнатиб бериш;

б) мазкур тажрибани 2025 йилдан бошлаб Тошкент шаҳри ва барча вилоят марказларида маҳаллий бюджет маблағлари ҳисобидан жорий қилиш.

23. Марказий Осиё атроф-муҳит ва иқлим ўзгаришини ўрганиш университети (Green University) ташкил этилсин.

Бунда, Университетга ўқув адабиётларини сотиб олиш, илмий тадқиқот-

ларни ҳамда инновацион ишларни олиб бориш фаолиятини молиялаштириш учун Вазирликнинг бюджетдан ташқари жамғармасига келиб тушадиган маблағларнинг 5 фоизидан кам бўлмаган миқдорда маблағлар ажратиб борилади.

24. Вазирлик экотуризм, тоғ, ов ва сафар туризм соҳасини янада ривожлантириш, ўрмон хўжаликлари ва миллий табиат боғларининг (қўриқхонага айлантирилган зоналар бундан мустасно) имкониятларидан самарали фойдаланиш ҳамда тегишли инфратузилма объектларини барпо этиш, хорижий ва маҳаллий сайёҳларга муносиб шарт-шароит яратиш ва хизмат кўрсатилишини таъминлаш бўйича масъул орган этиб белгилансин.

Вазирлик ҳамда Маданият ва туризм вазирлигининг қўйидагиларни назарда тутувчи «Табиатга саёҳат» экотуризмни ривожлантириш миллий дастурини (кейинги ўринларда — Миллий дастур) амалга ошириш тўғрисидаги таклифи қўллаб-қувватлансин:

хар бир давлат қўриқхоналари буфер зоналари, миллий табиат боғлари, питомниклар, ўрмон ва ўрмон-ов хўжаликлари, тоғли ва чўл худудлари ҳамда сув объектларининг сувни муҳофаза қилиш зоналарида (кейинги ўринларда — экохудудлар) туризм хизматлари турларини кенгайтириш ва инфратузилмасини ривожлантириш;

экохудудларнинг брендини яратиш ва унинг асосида тарғибот кампанияларини ташкил этиш;

экохудудларга инвестицияларни жалб қилган ҳолда «пикник» зоналар, манзарали томоша қилиш майдончалари, экоуйлар мажмуаси, юрта, «глэмпинг» ва кемпинг лагерлари ҳамда ташриф марказлари (visitor center) ташкил этиш;

тадбиркорлик субъектларини жалб қилган ҳолда осма дор йўллари, электромоторли қайиқ, қорда ҳаракатланишга мўлжалланган махсус транспорт воситалари ва квадроцикллар, «банжи-жампинг» ва «зиплайн» аттракционлар, аэростатлар, «рафтинг» ва «флайбординг», филдирак устидаги уйлар ва ер усти транспорт воситалари каби туризм хизматларини йўлга қўйиш;

ёввойи ҳайвонларни сақлаш ва кўпайтириш бўйича ихтисослаштирилган питомникларни ташкил этиш;

тоғли ва чўл худудларда экстремал туризмни ривожлантириш;

экохудудларда янги туризм хизматларини (шу жумладан, Planting Tour, Plogging Tour ва бошқалар) ва экоакцияларни ташкил қилиш.

Белгилансинки, Вазирлик ушбу бандда кўрсатилган тадбирларни ҳамда экохудудларда кичик экотуризм кластерларини ташкил этиш, уларни ривожлантириш мастер-режалари ва режалаштирилаётган инвестицион лойиҳаларнинг техник-иқтисодий асослари ишлаб чиқилишини Экология жамғармаси маблағлари ҳисобидан молиялаштириш ҳуқуқига эга.

25. Белгилаб қўйилсинки, экология, атроф-муҳитни муҳофаза қилиш ва иқлим ўзгариши соҳасида нодавлат нотижорат ташкилотлар фаолиятини қўллаб-қувватлаш мақсадида Вазирлик:

нодавлат нотижорат ташкилотларнинг лойиҳаларини амалга ошириш учун белгиланган тартибда ижтимоий буюртмалар бериб боради;

ижтимоий буюртмалар доирасида Экология жамғармасидан маблағлар ажратиб боради ҳамда ўз расмий веб-сайтига бу ҳақда эълон жойлаштиради; ажратилган маблағлар доирасида амалга оширилган ишлар натижаларининг умумий муҳокамасини ташкил этади ва уларни ишлаб чиқариш жараёнига татбиқ этиш чораларини кўради.

Вазирлик уч ой муддатда ушбу бандда назарда тутилган маблағларни ажратиш бўйича низомни ишлаб чиқсин ва тасдиқласин.

26. Вазирлик 2023 йил 1 июлгача қўйидагиларни назарда тутувчи Республикада ташкил этиладиган экологик акциялар махсус платформасини ишга туширсин:

атроф-муҳитни асрашга оид ташкил этилиши режалаштирилган акциялар ва лойиҳалар тўғрисидаги маълумотларни жойлаштириб бориш;

эковолонтерларнинг акциялар ва лойиҳаларни ташкил этишга қўмаклашиши ва уларни ўтказиш бўйича аризаларини кўриб чиқиш ҳамда Вазирлик фаолиятига қўмаклашиши бўйича маълумотларни киритиш;

фаол волонтерларни рағбатлантириш тартиби ва волонтерлар жалб этиладиган йўналишлар рўйхатини жойлаштириш.

27. Ўзбекистон Республикаси Президентининг айрим ҳужжатларига 2-иловага* мувофиқ ўзгартириш ва қўшимчалар киритилсин.

28. Ўзбекистон Республикаси Президентининг айрим ҳужжатлари 3-иловага мувофиқ ўз кучини йўқотган деб ҳисоблансин.

29. Вазирлик Адлия вазирлиги билан биргаликда икки ой муддатда қонунчилик ҳужжатларига ушбу Фармондан келиб чиқадиган ўзгартириш ва қўшимчаларни назарда тутувчи тегишли норматив-ҳуқуқий ҳужжатлар лойиҳаларини Вазирлар Маҳкамасига киритсин.

30. Мазкур Фармоннинг ижросини самарали ташкил қилишга масъул ва шахсий жавобгар этиб экология, атроф-муҳитни муҳофаза қилиш ва иқлим ўзгариши вазири белгилансин.

Фармон ижросини муҳокама қилиб бориш, ижро учун масъул идоралар фаолиятини мувофиқлаштириш ва назорат қилиш Ўзбекистон Республикаси Бош вазири А.Н. Арипов зиммасига юклансин.

Ўзбекистон Республикаси
Президенти

Ш. МИРЗИЁЕВ

Тошкент ш.,
2023 йил 31 май,
ПФ–81-сон

* 2-илова «Қонунчилик маълумотлари миллий базаси»да эълон қилинган.

Ўзбекистон Республикаси
Президентининг 2023 йил 31 майдаги
ПФ–81-сон Фармониغا
3-ИЛОВА

**Ўзбекистон Республикаси Президентининг ўз кучини йўқотган
деб топилаётган айрим ҳужжатлари
РЎЙХАТИ**

1. Ўзбекистон Республикаси Президентининг 2017 йил 21 апрелдаги «Экология ва атроф-муҳитни муҳофаза қилиш соҳасида давлат бошқаруви тизимини такомиллаштириш тўғрисида»ги ПФ–5024-сон Фармонининг 1, 3 ва 4-бандлари ўз кучини йўқотган деб ҳисоблансин.

2. Ўзбекистон Республикаси Президентининг 2018 йил 22 ноябрдаги «Қаттиқ майший чикиндиларни тўплаш ва олиб чиқиш учун тўловларни тўлаш тизимини тубдан такомиллаштириш чора-тадбирлари тўғрисида»ги ПФ–5580-сон Фармонининг 2-банди «г» кичик банди ўз кучини йўқотган деб ҳисоблансин.

3. Ўзбекистон Республикаси Президентининг 2017 йил 11 майдаги «Ўзбекистон Республикаси Ўрмон хўжалиги давлат қўмитаси фаолиятини ташкил этиш тўғрисида»ги ПҚ–2966-сон қарори 1 — 3-бандлари ва қарорга 1 — 4 ва 6-иловалар ўз кучини йўқотган деб ҳисоблансин.

4. Ўзбекистон Республикаси Президентининг 2020 йил 17 ноябрдаги «Ўзбекистон Республикаси гидрометеорология хизмати фаолиятини янада такомиллаштириш чора-тадбирлари тўғрисида»ги ПҚ–4896-сон қарорининг 7-банди иккинчи хатбошиси, 8-банди ва қарорга 4 — 6-иловалар ўз кучини йўқотган деб ҳисоблансин.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ФАРМОНИ

183 Аҳолига сифатли ижтимоий хизмат ва ёрдам кўрсатиш ҳамда унинг самарали назорат тизimini йўлга қўйиш бўйича комплекс чора-тадбирлар тўғрисида*

[Кўчирма]

Сўнгги йилларда аҳолининг ижтимоий ҳимоясини кучайтириш, давлат томонидан фуқароларга ижтимоий хизмат кўрсатиш кўлами ва турларини кенгайтириш бўйича тизимли ишлар амалга оширилмоқда.

Жумладан, ижтимоий дастурларни молиялаштириш харажатлари ЯИМга нисбатан 2 бараварга ошиб, кам таъминланган нафақа олувчи оилалар қамрови 5 баробарга кўпайди ҳамда ногиронлиги бўлган шахслар ва ногиронлиги бўлган болаларнинг парвариши билан банд бўлганлар учун янги нафақа турлари жорий этилди.

Янги таҳрирда қабул қилинган Конституцияда меҳнатга лаёқатсиз ва ёлғиз кексалар, ногиронлиги бўлган шахслар ҳамда аҳолининг ижтимоий жиҳатдан эҳтиёжманд бошқа тоифаларининг ҳуқуқлари давлат ҳимоясида бўлишининг белгиланганлиги мазкур соҳани ягона ёндашув асосида ислох қилиш зарурлигини тақозо этмоқда.

Хусусан, давлатнинг ногиронлиги бўлган шахсларнинг ишга жойлашиши ва таълим олишига кўмаклашиши бўйича конституциявий мажбуриятлари бажарилишини таъминлаш мақсадида мазкур йўналишда амалга оширилаётган чора-тадбирларни самарали мувофиқлаштириш тизими жорий этилиши талаб этилмоқда.

Янги таҳрирдаги Конституцияда эълон қилинган «ижтимоий давлат» таъминловчи инновацияларни олиб олиш ҳолда, фуқароларнинг ижтимоий ҳимояга оид ҳуқуқларини ва манфаатларини сўзсиз таъминлаш, аҳолига ижтимоий хизматларни кўрсатиш сифатини тубдан ошириш ҳамда мазкур соҳага илғор халқаро стандартларга асосланган мутлақо янги бошқарув тизimini жорий этиш мақсадида:

1. Қўйидагилар давлат томонидан аҳолини манзилли ҳимоя қилишнинг асосий йўналишлари этиб белгилансин:

комплекс ёндашув асосида профессионал ижтимоий ҳимоя тизimini жорий қилиш;

ижтимоий ҳимоя тизimini самарадорлиги ва манзиллилигини ошириш орқали аҳолининг кўмакка муҳтож қатлами ижтимоийлашувини таъминлаш;

ижтимоий ҳимояни маҳалла даражасигача ташкил этиш, оғир ҳаётий аҳволга тушиб қолган аҳолига индивидуал ёндашувга мувофиқ ижтимоий хизмат ва ёрдам кўрсатишни йўлга қўйиш;

аҳолининг ижтимоий суғурта механизмлари билан қамраб олинишини кенгайтириш;

* Ушбу Фармон «Қонунчилик маълумотлари миллий базаси»да 2023 йил 5 июнда эълон қилинган.

хавф гуруҳларига тушиб қолган оилаларни аниқлаш ва комплекс ижтимоий хизматлар кўрсатиш орқали уларнинг оғир ижтимоий аҳволга тушиб қолишининг олдини олиш;

ногиронлиги бўлган шахсларнинг ҳаёт кечириши учун қулай муҳит яратиш.

2. Ўзбекистон Республикаси Президенти ҳузурида Ижтимоий ҳимоя миллий агентлиги (кейинги ўринларда — Агентлик), шунингдек, унинг Қорақалпоғистон Республикаси, вилоятлар ва Тошкент шаҳар бошқармалари ҳамда туман (шаҳар)ларда «Инсон» ижтимоий хизматлар марказлари ташкил этилсин.

3. Қуйидагилар:

Ўзбекистон Республикаси Президенти ҳузуридаги Ижтимоий ҳимоя миллий агентлиги фаолиятининг устувор йўналишлари 1-иловага мувофиқ;

Ўзбекистон Республикаси Президенти ҳузуридаги Ижтимоий ҳимоя миллий агентлиги томонидан вазирлик ва идораларнинг мувофиқлаштирилган ва мониторинг қилинадиган фаолият йўналишлари 2-иловага* мувофиқ тасдиқлансин.

4. Қуйидагилар Агентлик тузилмасига ўтказилсин:

а) 2023 йил 15 июндан бошлаб Камбағалликни қисқартириш ва бандлик вазирлиги тизимидан:

Тиббий-ижтимоий экспертиза инспекцияси ва унинг ҳудудий бўлинмалари;

Ногиронлиги бўлган шахсларни реабилитация қилиш ва протезлаш миллий маркази ҳамда унинг ҳудудий марказлари;

Аёлларни реабилитация қилиш ва мослаштириш республика маркази ҳамда унинг ҳудудий бўлимлари;

Одам савдоси жабрдийдаларига ёрдам бериш бўйича республика реабилитация маркази;

кексалар ва ногиронлиги бўлган шахслар учун «Мурувват» ва «Саховат» интернат-уйлари;

Уруш ва меҳнат фахрийлари учун республика пансионати;

кексалар, ногиронлиги бўлган шахслар, уруш ва меҳнат фахрийлари учун санаторийлар;

б) 2024 йил 1 январдан бошлаб:

Соғлиқни сақлаш вазирлиги тизимидан болалар уйлари;

Мактабгача ва мактаб таълими вазирлиги тизимидан меҳрибонлик уйлари;

маҳаллий ижро этувчи ҳокимият органлари тизимидан вояга етмаганлар билан ишлаш секторлари ҳамда оилавий болалар уйлари;

в) 2024 йил 1 августдан бошлаб:

Мактабгача ва мактаб таълими вазирлиги тизимидан алоҳида таълим эҳтиёжлари бўлган болалар учун ихтисослаштирилган мактаблар ва мактаб-интернатлар, кўп тармоқли ихтисослаштирилган мактабгача таълим ташкилотлари ҳамда ихтисослаштирилган ўқув-тарбия муассасалари;

* 2-илова «Қонунчилик маълумотлари миллий базаси»да эълон қилинган.

Олий таълим, фан ва инновациялар вазирлиги тизимидан имкониятлари чекланган шахслар учун ихтисослаштирилган касб-хунар мактаблари;

г) 2025 йил 1 январдан бошлаб:

Ички ишлар вазирлиги тизимидан муайян яшаш жойига эга бўлмаган шахсларни реабилитация қилиш марказлари;

Иқтисодиёт ва молия вазирлиги тизимидан Ижтимоий суғурта жамғармаси.

Ўзбекистон Миллий паралимпия кўмитасининг Паралимпиячиларнинг матонат мактабини 2023 йил 15 июндан Агентлик тузилмасига ўтказиш ҳамда Паралимпия спорт турлари бўйича мутахассисларни тайёрлаш институтининг фаолиятини ҳамкорликда мувофиқлаштириш бўйича таклифи маъқуллансин.

Белгилансинки, мазкур бандда кўрсатилган ташкилотлар ва таркибий тузилмалар амалдаги молиялаштириш манбалари, штат бирликлари, ҳуқуқ ва мажбуриятлари, мол-мулки ҳамда бошқа товар-моддий бойликлари билан биргаликда тўлалигича Агентлик тузилмасига ўтказилади.

5. Ижтимоий хизматларни маҳалла даражасида ташкил этиш мақсадида 2023 йил 1 июлдан бошлаб Агентликнинг туман (шаҳар)лардаги «Инсон» ижтимоий хизматлар марказларида ижтимоий ходимлар гуруҳлари ташкил этилсин ва қуйидагилар уларнинг асосий вазифалари этиб белгилансин:

ҳар бир хонадон аҳволини ўрганиб, оилалардаги ҳақиқий ҳолатни ҳамда уларнинг ижтимоий хизматлар ва ёрдамга бўлган эҳтиёжини аниқлаш;

оилаларнинг иқтисодий-ижтимоий ҳолати ва эҳтиёжларини ўрганиш натижасида уларнинг ижтимоий паспортларини шакллантириш;

эҳтиёжманд аҳоли билан, шу жумладан кейс-менежмент усулини қўлланган ҳолда самарали иш ташкил қилиш, улардан ижтимоий хизматлар ва ёрдам олиш бўйича буюртмалар қабул қилиш, заруратга қараб буюртмаларни масъул вазирлик ва идораларга юбориш;

оғир аҳволга тушиб қолган ва оғир аҳволга тушиб қолиш хавфи юқори бўлган оилаларни мунтазам равишда мониторинг қилиб бориш, улар учун ижтимоий хизмат ва ёрдамларни ташкил этиш.

6. Белгилансинки:

Агентлик аҳолини ижтимоий ҳимоя қилиш ва ижтимоий хизматлар кўрсатиш соҳасидаги ягона давлат сиёсатини ишлаб чиқиш ва амалга ошириш бўйича ваколатли давлат органи ҳисобланади;

Агентлик ўз фаолиятини бошқа давлат органлари ва ташкилотлари, уларнинг мансабдор шахсларидан мустақил равишда амалга оширади.

7. Агентлик ҳузурида қуйидагилар ташкил этилсин:

Ижтимоий инспекция ҳамда унинг Қорақалпоғистон Республикаси, вилоятлар ва Тошкент шаҳри бошқармалари;

Ижтимоий ҳимоя тизими ходимларининг малакасини ошириш маркази;

Ижтимоий ҳимояни ривожлантириш институти;

Тиббий-ижтимоий экспертиза инспекцияси ва унинг бўлинмалари негизда Агентлик марказий аппарати таркибида Ногиронлиги бўлган шахсларнинг функционаллигини баҳолаш бошқармаси ҳамда унинг ҳудудий бўлимлари.

8. Ўз вазифаларини амалга оширишда Агентликка қуйидаги ҳуқуқлар берилсин:

ваколатли давлат органларига аҳолини ижтимоий ҳимоя қилиш бўйича дастурлар талабларини бажармаганлиги учун қонунчилик ҳужжатларида белгиланган чора-тадбирларни қўллаш бўйича тақдимномалар киритиш;

ўз ваколатлари доирасида умуммажбурий бўлган норматив-ҳуқуқий ҳужжатлар қабул қилиш;

ўз ваколоти доирасида маъмурий жавобгарликни келтириб чиқарадиган ҳолатлар юзасидан маъмурий ҳуқуқбузарликлар тўғрисида баённомалар тузиш;

ўзига юклатилган вазифаларни амалга ошириш учун давлат органлари ва ташкилотларининг маълумотлар базасидан реал вақт режимда фойдаланиш;

давлат органлари ва ташкилотларидан зарур статистик, таҳлилий ҳамда бошқа маълумотларни сўраш ва олиш;

ижтимоий ҳимояга муҳтож қатлам вакиллари учун давлат олий таълим муассасаларига давлат гранти асосида имтиёзли тарзда ўқишга қабул қилиш параметрларини белгилаш;

ўз ваколатлари доирасида маслаҳат-кенгаш органлари ва эксперт комиссияларини ташкил этиш;

ўзига юклатилган вазифаларни амалга ошириш мақсадида махсус касбий билимларни талаб этадиган масалаларни кўриб чиқиш учун давлат органлари ва ташкилотларининг мутахассисларини жалб этиш;

ижтимоий ҳимоя тизимини ривожлантириш бўйича халқаро ҳамкорлар, халқаро ташкилотлар ва экспертлар билан ҳамкорлик юзасидан ва бошқа шартномаларни тузиш.

9. Ўзбекистон Республикаси Президенти Администрацияси тузилмасида:

Ўзбекистон Республикаси Президентининг ижтимоий ҳимоя масалалари бўйича маслаҳатчиси — Ўзбекистон Республикаси Президенти ҳузуридаги Ижтимоий ҳимоя миллий агентлиги директори лавозими киритилсин;

Ижтимоий ҳимоя масалалари бўйича шуъба ташкил этилсин.

10. Агентлик:

а) 2023 йил 15 июлга қадар ЮНИСЕФнинг экспертларини жалб қилган ҳолда ва уларнинг дастурларига мувофиқ ижтимоий ходимларни қайта тайёрлаш ва уларнинг малакасини ошириш тизимини йўлга қўйсин.

Бунда, хорижий ва маҳаллий малакали экспертларни жалб қилган ҳолда аҳолига маҳалла даражасида профессионал ижтимоий хизмат кўрсатиш мутахассисларини тайёрлашга эътибор қаратсин;

б) 2023 йил 1 августга қадар Олий таълим, фан ва инновациялар вазирлиги билан биргаликда олий таълим муассасаларининг бакалавриат ва магистратурасида ижтимоий ходимларни ўқитиш дастурларини қайта кўриб чиқсин;

в) 2023 йил 15 августга қадар аҳолини ижтимоий хизматлар ва ижтимоий ёрдам кўрсатиш дастурлари бўйича, шу жумладан уларнинг мобил

алоқа воситаларига маълумот юбориш орқали хабардор қилиш амалиётини жорий этсин;

г) 2023 йил 1 сентябрга қадар ногиронлиги бўлган шахслар учун қулай муҳитни ташкил қилиш бўйича таклиф киритсин;

д) қуйидагиларни:

2023 йил 1 июлга қадар аҳолига ижтимоий хизматлар ва ёрдам кўрсатиш вазифалари Агентликка ўтказилиши муносабати билан бошқа вазирлик ва идоралар, шу жумладан маҳалла даражасида фаолият юритаётган тузилмаларнинг такрорловчи функцияларини бекор қилишга оид норматив-ҳуқуқий ҳужжат лойиҳасини;

2023 йил 1 августга қадар Камбағалликни қисқартириш ва бандлик вазирлиги ҳамда Иқтисодиёт ва молия вазирлиги билан биргаликда аҳолининг ижтимоий муаммоларини маҳалла даражасида ҳал этишга қаратилган профессионал хизмат кўрсатиш тизимини жорий этиш бўйича чора-тадбирлар дастурини;

2023 йил 1 сентябрга қадар манфаатдор вазирлик ва идоралар билан биргаликда Агентлик тузилмасига ўтказилган ижтимоий муассасалар ва ташкилотларнинг фаолиятини такомиллаштириш ҳамда ривожлантириш бўйича таклифларни;

2024 йил 1 январга қадар меҳнатга лаёқатли аҳолини ижтимоий суғурта механизмлари билан қамраб олиш даражасини оширишга оид таклифларни Ўзбекистон Республикаси Президенти Администрациясига киритсин;

е) 2024 йил 1 январга қадар:

давлат томонидан кафолатланган ижтимоий хизматларни кўрсатиш стандартларини ҳамда уларнинг ижросини мониторинг қилиш мезонларини;

ногиронлиги бўлган шахсларни уйда парваришлаш билан банд бўлган оила аъзоларига кўмаклашиш бўйича ижтимоий ҳимоя механизмларини ишлаб чиқсин;

ж) нодавлат нотижорат ташкилотлари ва фуқаролик жамиятининг бошқа институтлари билан ҳамкорликда ижтимоий шериклик лойиҳалари амалга оширилишини йўлга қўйсин;

з) ижтимоий ҳимоя соҳасидаги муаммо ва таклифларни муҳокама қилиш, янги лойиҳаларни ишлаб чиқиш бўйича жамоатчилик вакиллари билан иборат кенгаш ташкил этсин.

11. Агентлик Рақамли технологиялар вазирлиги, Адлия вазирлиги, Иқтисодиёт ва молия вазирлиги, Камбағалликни қисқартириш ва бандлик вазирлиги, Соғлиқни сақлаш вазирлиги ҳамда Мактабгача ва мактаб таълими вазирлиги билан биргаликда 2023 йил 1 октябрга қадар «Ягона миллий ижтимоий ҳимоя» ахборот тизимини ишга туширсин унинг зарур идоравий ахборот тизимлари ва маълумотлар базалари билан интеграциясини ва доимий такомиллаштириб борилишини таъминласин.

12. Белгилансинки:

а) 2023 йил 1 октябрдан бошлаб:

«Ижтимоий ҳимоя ягона реестри» ахборот тизими Агентлик тасарруфига ўтказилади;

аҳолига кўрсатиладиган барча турдаги ижтимоий хизматлар ва ёрдамлар, шу жумладан кам таъминланган оилалар болалари учун нафақа ва моддий ёрдамлар бўйича аризалар «Ягона миллий ижтимоий ҳимоя» ахборот тизими орқали қабул қилинади;

б) «Ягона миллий ижтимоий ҳимоя» ахборот тизимини жорий этиш доирасида:

Агентлик сўровига асосан «Рақамли Ўзбекистон — 2030» стратегиясини амалга ошириш бўйича мувофиқлаштириш комиссияси томонидан вазирлик ва идораларнинг электрон маълумотлар базалари интеграцияси таъминланади;

аҳолига ижтимоий хизматлар ва ёрдам кўрсатиш, фуқаролардан мурожаатларни қабул қилиш, кўриб чиқиш учун электрон тарзда мутасадди вазирлик ва идораларга юбориш ҳамда жараёни мониторинг қилиш асосида амалга оширилади;

мазкур бандда назарда тутилган электрон ахборот базалари маълумотлари асосида ҳар бир фуқаронинг иқтисодий-ижтимоий ҳолати, эҳтиёжлари ва мавжуд имкониятларини акс эттирадиган ижтимоий паспортлар жорий этилади;

2024 йил 1 январдан бошлаб «Меҳр дафтари», «Саховат ва кўмак», «Ёшлар дафтари» ва «Аёллар дафтари» орқали кўрсатиладиган ижтимоий ёрдам ва кўмаклар қамраб олинади.

13. Ўзбекистон Республикаси Президенти ҳузурида Ижтимоий ҳимоя миллий агентлиги фаолиятини ташкил этиш ҳамда ижтимоий хизматлар ва ёрдам кўрсатиш тизимини ривожлантириш бўйича 2023 — 2025 йилларга мўлжалланган чора-тадбирлари дастури 3-иловага* мувофиқ тасдиқлансин.

14. Ҳар ҳафтанинг жума куни «Меҳр ва саховат куни» сифатида белгиланиб, барча давлат органлари ва ташкилотлари эҳтиёжманд аҳоли, ногиронлиги бўлган шахслар ҳамда ёлғиз кексалар ҳолидан хабар олиш, уларга гамхўрлик қилиш ҳамда хайрия тадбирларини ўтказсин.

15. Агентлик ҳузурида 2023 йил 1 октябрдан бошлаб Ижтимоий ҳимоя давлат жамғармаси ташкил этилсин ҳамда жамғарма маблағларининг харажатлари йўналишлари 4-иловага мувофиқ тасдиқлансин.

16. Агентлик 2023 йил 1 сентябрга қадар Ижтимоий ҳимоя давлат жамғармаси тўғрисидаги Низомни тасдиқлаш учун Вазирлар Маҳкамасига киритсин.

Бунда, Ижтимоий ҳимоя давлат жамғармаси маблағларини олувчилар ҳамда молиялаштириш манбаи кесимида маълумотлар шаклланиши ва харажат қилинишининг очиқлиги ва шаффофлигини таъминлаш механизминини жорий этиш кўзда тутилсин.

17. Ўзбекистон Республикаси Президентининг айрим фармонларига 5-иловага** мувофиқ қўшимча ва ўзгартиришлар киритилсин.

18. Мазкур Фармоннинг ижросини назорат қилиш Ўзбекистон Респуб-

* 3-илова «Қонунчилик маълумотлари миллий базаси»да эълон қилинган.

** 5-илова берилмайди

ликаси Президенти Администрацияси раҳбари С.У. Умурзаков зиммасига юклансин.

**Ўзбекистон Республикаси
Президенти**

Ш. МИРЗИЁЕВ

Тошкент ш.,
2023 йил 1 июнь,
ПФ–82-сон

Ўзбекистон Республикаси
Президентининг 2023 йил 1 июндаги
ПФ–82-сон Фармониغا
1-ИЛОВА

**Ўзбекистон Республикаси Президенти ҳузурида Ижтимоий
ҳимоя миллий агентлигининг асосий фаолият йўналишлари**

**I. Аҳолини ижтимоий ҳимоя қилиш соҳасида давлат
сиёсати ва чора-тадбирларини ишлаб чиқиш ва амалга
ошириш йўналишида:**

аҳолини ижтимоий ҳимоя қилиш соҳасида ягона давлат сиёсатини ишлаб
чиқиш ва уни амалга ошириш;

ижтимоий ҳимояга муҳтож шахслар ва оилалар бўйича ижтимоий ёрдам
дастурларини ишлаб чиқиш;

кафолатланган ижтимоий хизматлар стандартларини ишлаб чиқиш, улар-
нинг амалга оширилишини мониторинг қилиш;

аҳолининг турли гуруҳлари билан ишлайдиган профессионал «ижтимоий
иш» хизматини ташкил этиш;

ижтимоий шерикликни кенгайтириш, нодавлат сектор ва маҳаллий ҳам-
жамиятларни турли хил хизматлар кўрсатиш ва аҳолининг заиф қатлам-
ларини қўллаб-қувватлашга янада фаол жалб қилиш учун рағбатлантириш
чораларини яратиш;

соҳани рақамлаштириш орқали ижтимоий ҳимоя тизими шаффофлигини
таъминлаш ва жараёнларни аҳоли учун қулай тарзда ташкил қилиш.

**II. Ногиронлиги бўлган шахслар билан ишлаш
tizimini такомиллаштириш йўналишида:**

ногиронликни баҳолаш ва аниқлашнинг тиббий моделдан ижтимоий мо-
делига босқичма-босқич ўтишни таъминлаш;

ногиронлиги бўлган шахсларни юқори сифатли протез-ортопедия маҳсу-
лотлари ва реабилитациянинг техник воситалари билан таъминлаш;

ногиронлиги бўлган шахсларни реабилитация ва абилитация қилиш соҳа-
сини ривожлантириш ва соҳага замонавий технологияларни жорий қилиш;

жамиятда ижтимоий мослашув ва интеграция учун шароит яратиш, ногиронлиги бўлган шахсларни бандлигини таъминлашга кўмаклашиш, инклюзивликни таъминланишини мувофиқлаштириш ҳамда уларга қулай муҳит шакллантирилганлигини назорат қилиш;

ижтимоий ҳимояга муҳтож шахслар, шу жумладан ногиронлиги бўлган шахсларга нисбатан жамият онгида соғлом фикрни шакллантириш;

ногиронлиги бўлган шахсларнинг мустақил ҳаёт кечиришини қўллаб-қувватлаш бўйича чора-тадбирларни амалга ошириш, уларга уй шароитида ижтимоий хизматларини ташкил қилиш;

ногиронлиги бўлган шахслар билан ишлайдиган ихтисослаштирилган интернат, таълим муассасалари ва реабилитация марказлари фаолиятини такомиллаштириш.

III. Вояга етмаган болаларни ҳимоя қилиш йўналишида:

болаларга нисбатан зўравонликнинг олдини олиш дастурларини ишлаб чиқиш ва амалга ошириш;

васийлик ва ҳомийлик тизимини такомиллаштириш, шу жумладан оилага асосланган болаларни парвариш қилишнинг муқобил шакллари ривожлантириш;

фарзанд асраб олиш тизимини такомиллаштириш;

ижтимоий ҳимояга муҳтож болалар ҳуқуқлари, эркинликлари ва манфаатларини ҳимоя қилишни ташкил этиш;

ҳимояга муҳтож болаларни даволашни ташкил қилиш тизимини такомиллаштириш.

IV. Аёлларни ҳимоя қилиш тизимини такомиллаштириш йўналишида:

аёлларни зўравонлик ва жинсий зўравонлик таъқибидан ҳимоя қилишда профессионал ёрдам кўрсатишни ташкил этиш;

зўравонликдан азият чеккан аёлларни қўллаб-қувватлаш, шу жумладан бошпана (шелтер) ва реабилитация марказлари ишини ташкил қилиш.

V. Оғир ҳаётий вазиятга тушиб қолган оилалар билан ишлаш йўналишида:

оилаларга ижтимоий хизмат ва ёрдам кўрсатиш, болаларни оилалардан ажратишнинг олдини олиш, ота-оналарнинг кўникмаларини ривожлантириш;

оғир ҳаётий вазиятда бўлган ҳомиладор аёллар, ёлғиз ота-оналар ва ёш болали оилаларни қўллаб-қувватлаш тизимини ташкил қилиш;

оғир ҳаётий вазиятларда бўлган оилалар фарзандлари учун ижтимоий хизматларни ривожлантириш;

паллиатив ёрдамни ташкил қилиш.

VI. Ёшлар билан ишлаш йўналишида:

психосоциал хизмат кўрсатиш тизимини ташкил қилиш;
алоҳида таълим эҳтиёжлари бўлган болалар учун ихтисослаштирилган таълим муассасалари битирувчиларини турли ташкилотлар томонидан тақдим қилинган ижтимоий хизматлар, йўлланма ва сўровлари асосида психологик саломатлик, зарур кўникма ва таълим олиш, касбга, ишга ва тадбиркорлик қилишга йўналтириш тизимини йўлга қўйиш.

VII. Якка ёлғиз ва кексалар билан ишлаш йўналишида:

уйда парвариш қилиш ва қўллаб-қувватлаш хизматларини ташкил қилиш;
қариялар уйлари ва бошқа муассасалар негизида профессионал хизмат кўрсатиш тизимини ташкил қилиш;
зўравонликдан ҳимоя қилиш.

VIII. Ижтимоий таъминот дастурлари йўналишида:

ижтимоий суғурта тизимида ягона давлат сиёсатини юритиш;
аҳолини ижтимоий суғурта тизимига жалб қилиш бўйича рағбатлантирувчи механизмларини ишлаб чиқиш.

Ўзбекистон Республикаси
Президентининг 2023 йил 1 июндаги
ПФ–82-сон Фармониغا
4-ИЛОВА

Ижтимоий ҳимоя миллий агентлиги ҳузуридаги Ижтимоий ҳимоя давлат жамғармаси маблағларининг харажатлари йўналишлари**а) 2023 йил 1 октябрдан бошлаб:**

«Мурувват» ва «Саховат» интернат-уйларида, кексалар, ногиронлиги бўлган шахслар, уруш ва меҳнат фахрийлари учун санаторийлар ҳамда пансионатларда ижтимоий хизматларни ташкил этиш;

аҳолини протез-ортопедия буюмлари ва реабилитация техник воситалари билан таъминлаш;

протез-ортопедия буюмлари ва реабилитация техник воситалари ишлаб чиқаришни модернизация қилиш ва технологик янгилаш дастурлари ва лойиҳаларини молиялаштириш;

ногиронлиги бўлган шахсларни реабилитация қилиш марказлари фаолиятини ташкил этиш ва такомиллаштириш;

ногиронлиги бўлган шахсларнинг имтиёзли ҳамда бепул стационар даво-ланишини таъминлаш;

ногиронлиги бўлган шахсларни ўқув, дидактик ва бошқа муқобил материаллар билан таъминлаш;

ногиронлиги бўлган шахсларни маданий тадбирлар ва спортга жалб этиш; ногиронлиги бўлган шахсларнинг транспорт, озиқ-овқат маҳсулотлари ҳамда дори-дармон воситаларини сотиб олиш харажатларини қисман қоплаш;

ногиронларни иш билан таъминловчи корхоналарни субсидиялаш;

ногиронлиги бўлган шахслар учун ихтисослаштирилган иш жойларини ташкил этиш харажатларини қоплаш;

ногиронлиги бўлган шахслар учун тенг имкониятлар ва қулай муҳит яратишга қаратилган дастур ва чора-тадбирларни молиялаштириш;

Агентлик ва унинг таркибий бўлинмалари ва хизматларининг моддий-техника базасини такомиллаштириш, шу жумладан асбоб-ускуналар, инвентарь, автотранспорт воситалари, диагностика воситалари, ихтисослаштирилган тиббий-реабилитация ускуналари ҳамда ўқув материаллари ва бошқаларни харид қилиш;

Агентлик ходимларини моддий рағбатлантириш ва ижтимоий ҳимоя қилиш, шартнома асосида жалб қилинадиган юқори малакали, шу жумладан хорижий мутахассисларнинг харажатларини (меҳнатга ҳақ тўлаш, яшаш, транспорт харажатлари ва бошқалар) молиялаштириш, ходимларни тайёрлаш, қайта тайёрлаш, малакасини ошириш ва стажировкадан ўтказиш, конференциялар, семинарлар ва бошқа тадбирлар, шу жумладан чет элда ўтказиладиган тадбирларни ташкил қилиш ва иштирок этиш билан боғлиқ бошқа тадбирлар;

107 қисқа рақамли туну кун фаолият кўрсатадиган хизматни ташкил этиш ва такомиллаштириш;

«Ижтимоий карта»ларни жорий этиш бўйича тадбирларни молиялаштириш;

халқаро маслаҳатчилар, консалтинг ва тадқиқот компанияларини ёллаш-ни молиялаштириш, илғор хорижий тажрибани ўрганиш ва жорий этиш чора-тадбирлари;

жойларда ижтимоий хизматларни ташкил этиш;

ногиронлиги бўлган шахслар ва ҳаракатланиш имконияти чекланган шахслар учун, шунингдек, аҳолининг бошқа ижтимоий ҳимояга муҳтож қатламларига «Ижтимоий такси» хизматини ташкил этиш ва такомиллаштириш;

ижтимоий ҳимоя соҳасини автоматлаштириш ва рақамлаштириш тадбирларини молиялаштириш;

ногиронларнинг функционал имкониятларини баҳолаш хизматини ташкил этиш, шу жумладан, уларнинг моддий-техника базасини яхшилаш бўйича лойиҳа ва дастурларни молиялаштириш;

кам таъминланган оилаларга болалар нафақалари ва моддий ёрдамлар тўлаш;

бир марталик ёрдам пуллари тўлаш;

б) 2024 йил 1 январдан бошлаб:

ёшга доир, ногиронлик ва боқувчисини йўқотганлик нафақаларини тўлаш;

ногиронлиги бўлган болаларни парваришлаётган оналар учун нафақаларни тўлаш;

бола туғилиши учун бериладиган нафақалар (суюнчи пули)ни тўлаш;

дафн маросими харажатларини қоплаш;

етим ва чин етим болаларни уй-жой билан таъминлаш;

Меҳрибонлик уйлари ва болалар уйлари фаолиятини ташкил этиш ва такомиллаштириш;

вояга етмаган болаларга ижтимоий-ҳуқуқий ёрдам кўрсатиш хизматларини молиялаштириш;

«Меҳр дафтари»га киритилган етим ва ота-она қарамоғисиз қолган болаларга ёрдам кўрсатиш;

етим ва чин етимларни озиқ-овқат, кийим-кечак ва санитария-гигиена воситалари билан таъминлаш;

ижтимоий ҳимояга муҳтож оилаларнинг иқтидорли болаларини қўллаб-қувватлаш билан боғлиқ тадбирлар харажатларини қоплаш;

етим ва чин етим болаларнинг соғлигини сақлаш, саломатлигини тиклаш, уларни ҳаётга тайёрлаш, таълим бериш, касб-хунарга йўналтириш ва ишга жойлаштириш тадбирларини ташкил этиш;

жиноят содир этган ва жиноий жавобгарликнинг энг кичик ёшига етмаган болаларга психологик ёрдам кўрсатиш, уларни касбга ўқитиш ва тарбиялаш тадбирларини ташкил этиш;

қаровсиз ва бошпанасиз қолган болалар, зўравонлик қурбони бўлган болалар, жиноят қурбонлари ва гувоҳлари, жиноят содир этган ва жиноий жавобгарлик ёшига етган ҳамда фуқаролик процессида иштирок этаётган болаларнинг ижтимоий ва ҳуқуқий ҳимоясини ташкил этиш;

вояга етмаганларга ижтимоий-ҳуқуқий ёрдам кўрсатиш марказлари ва республика таълим муассасаларининг лойиҳа ва дастурларини молиялаштириш;

оилаларда (ҳомийликка олинган) тарбияланаётган ҳар бир етим болалар ва ота-она қарамоғидан маҳрум бўлган болаларнинг ижтимоий ҳимоясини ташкил этиш;

в) 2024 йил 1 июлдан бошлаб:

ижтимоий ҳимояга муҳтож оилаларнинг 18 ёшга тўлмаган фарзандларига алоҳида таълим эҳтиёжлари бўлган болалар учун ихтисослаштирилган мактаблар ва мактаб-интернатларда овқатлантириш харажатларини қоплаш;

ижтимоий ҳимояга муҳтож оилаларнинг фарзандларига давлат мактабгача таълим ташкилотлари хизматлари учун ҳақ тўлаш харажатларини қоплаш;

ижтимоий ҳимояга муҳтож оилаларнинг фарзандларини кийим-кечак, ўқув қуроллари, дарсликлар, иш юритиш материаллари билан таъминлаш;

эҳтиёжманд аҳоли қатламига тиббий, психологик ва бошқа хизматлар кўрсатиш;

уй-жойга муҳтож, ота-онасидан ёки улардан биридан маҳрум бўлган вояга етган қизлар, шунингдек ёлғиз она, ёлғиз ота ёки ўзгалар қарамоғида бўлган чин етимларни уй-жой билан таъминлаш;

«Аёллар дафтари»га киритилган хотин-қизларга моддий ёрдамлар тўлаш, ижтимоий ҳимояга муҳтож хотин-қизларга юридик ёрдам ва давлат божини тўлаш харажатларини қоплаш;

ОИВ инфекцияси ва бошқа ҳаёт учун хавfli ва сурункали ноёб (орфан) касалликлар билан касалланган 18 ёшгача бўлган болаларга моддий ёрдам кўрсатиш;

«Ёшлар дафтари»га киритилган ёшларга бир марталик моддий ёрдам пули тўлаш;

оғир ижтимоий аҳволдаги оилаларга бир марталик моддий ёрдам ва субсидиялар бериш, уларнинг куз-қиш мавсумида коммунал тўловлари ва иси-тиш ёқилғисини харид қилиш харажатларини қисман қоплаш;

ижтимоий ҳимояга муҳтож шахсларнинг ўқиш ва даволаниш билан боғлиқ харажатларини қисман қоплаш;

ижтимоий ҳимояга муҳтож шахсларнинг жамоат транспортдан фойдаланиш харажатларини қоплаш.

г) 2025 йил 1 январдан бошлаб:

Ижтимоий сугурта жамғармаси маблағлари ҳисобидан ҳомиладорлик ва туғиш нафақаларини тўлаш;

паллиатив ёрдам кўрсатиш марказлари ва шелтерлар фаолиятини ташкил этиш бўйича лойиҳалар ва дастурларни молиялаштириш, шунингдек, доимий яшаш жойига эга бўлмаган шахсларни реабилитация қилиш, ижтимоий ошхоналар ташкил этиш;

алоҳида таълим эҳтиёжлари бўлган шахсларнинг ҳаёт тарзини яхшилаш ва уларга хизмат кўрсатиш мақсадида кўп тармоқли ихтисослаштирилган мактабгача таълим ташкилотлари, «Имкон» реабилитация марказига эга кўп тармоқли ихтисослаштирилган мактабгача таълим ташкилотлари, алоҳида таълим эҳтиёжлари бўлган болалар учун ихтисослаштирилган мактаблар ва мактаб-интернатлар, имкониятлари чекланган шахслар учун ихтисослаштирилган касб-ҳунар мактаблари лойиҳалари ва қўллаб-қувватлаш дастурларини молиялаштириш.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ҚАРОРИ**184 Экология, атроф-муҳитни муҳофаза қилиш ва иқлим ўзгариши вазирлиги фаолиятини самарали ташкил этиш чора-тадбирлари тўғрисида***

Ўзбекистон Республикаси Президентининг 2023 йил 31 майдаги «Экология ва атроф-муҳитни муҳофаза қилиш соҳасини трансформация қилиш ва ваколатли давлат органи фаолиятини ташкил этиш чора-тадбирлари тўғрисида»ги ПФ–81-сон Фармониға мувофиқ:

1. Қуйидагилар:

Экология, атроф-муҳитни муҳофаза қилиш ва иқлим ўзгариши вазирлиги фаолиятининг устувор йўналишлари 1-иловаға мувофиқ;

Экология, атроф-муҳитни муҳофаза қилиш ва иқлим ўзгариши вазирлиги тизимиға ўтказилаётган ташкилотлар фаолиятини ташкил қилиш жадвали 2-иловаға** мувофиқ;

Экология, атроф-муҳитни муҳофаза қилиш ва иқлим ўзгариши вазирлиги тизимида янги ташкил қилинаётган тузилмалар фаолиятини йўлга қўйиш жадвали 2а-иловаға** мувофиқ;

Экология, атроф-муҳитни муҳофаза қилиш ва иқлим ўзгариши вазирлиги тизимидаги қайта ташкил қилинаётган тузилмалар фаолиятини йўлга қўйиш жадвали 2б-иловаға** мувофиқ;

Экология, атроф-муҳитни муҳофаза қилиш ва иқлим ўзгариши вазирлигининг ташкилий тузилмаси 3-иловаға** мувофиқ;

Экология ва атроф-муҳитни муҳофаза қилиш соҳасидаги ислохотларни чуқурлаштириш ва тизим фаолиятини трансформация қилиш бўйича «Йўл харитаси» 4-иловаға** мувофиқ;

Экология, атроф-муҳит муҳофазаси, ўрмон хўжалиги ва гидрометеорология соҳаларидаги норматив-ҳуқуқий ҳужжатларни ишлаб чиқиш режаси 5-иловаға** мувофиқ тасдиқлансин.

Экология, атроф-муҳитни муҳофаза қилиш ва иқлим ўзгариши вазирлиги (кейинги ўринларда — Вазирлик) томонидан қайта ташкил этилаётган, тугатилаётган, ўзгартирилаётган ва бошқа ташкилотлар тизимиға ўтказилаётган ташкилотларға бириктирилган қўчмас мулк объектлари, транспорт воситаларига ва бошқа мол-мулкка бўлган ҳуқуқлар тегишли йиғимлар ва бошқа тўловлар ундирилмаган ҳолда қайта расмийлаштирилсин.

2. Атроф табиий муҳит давлат мониторинги ишларини амалға ошириш учун Вазирлик тузилмасида юридик шахс ташкил этмаган ҳолда Ситуацион марказ ташкил этилсин.

Белгилансинки, гидрометеорологик ахборотни олиш, тўплаш ва тарқатишда замонавий ахборот ҳамда сунъий йўлдош технологияларини жорий

* Ушбу қарор «Қонунчилик маълумотлари миллий базаси»да 2023 йил 2 июнда эълон қилинган.

** 2 — 5-иловалар «Қонунчилик маълумотлари миллий базаси»да эълон қилинган.

этиш учун Вазирликнинг бюджетдан ташқари жамғармасининг ҳар йили 3 фоиздан кўп бўлмаган миқдордаги маблағлари ажратиб борилади.

3. Париж битими (Париж, 2015 йил 12 декабрь) доирасида қабул қилинган мажбуриятларни бажариш, 2030 йилгача бўлган даврда барқарор ривожланиш соҳасидаги вазифаларга эришиш ҳамда яшил трансформация, шу жумладан, «яшил сертификат» ва экологик маркировкалаш тизимларини жорий этишга масъул бўлган Вазирликнинг умумий штатлари доирасида давлат муассасаси шаклидаги Яшил трансформация ва иқлим ўзгаришига мослашиш миллий маркази ташкил этилсин.

4. Вазирликнинг қуйидаги таклифларига розилик берилсин:

а) 2023 йил 1 июлга қадар «Тоза ҳудуд» давлат унитар корхоналари ва ободонлаштириш бошқармаларига тегишли қаттиқ маиший чиқинди полигонлари Вазирлик тасарруфига ўтказилади ҳамда шу билан боғлиқ эгалик ҳуқуқини, шу жумладан, кадастр ҳужжатларини расмийлаштириш бепул амалга оширилади;

б) чиқинди чиқарувчи ташкилотлар бино ва иншоотларни қуриш, реконструкция ва (ёки) монтаж қилиш, таъмирлаш, ободонлаштириш, шунингдек, бузиш ишлари бошланган даврдан бошлаб ушбу тадбирлар тугаллангунга қадар қурилиш чиқиндилари бўйича ҳисоботни белгиланган тартибда кейинги ойнинг 5-санасига қадар Вазирликнинг ҳудудий бўлинмаларига топширади;

в) 2025 йил 1 январга қадар тиббиёт муассасалари, ветеринария ва фармацевтика соҳаси ташкилотларининг чиқиндилари бўйича қуйидаги тартиб босқичма-босқич жорий этилади:

чиқиндиларни йиғиш ва сақлаш соҳа ташкилотлари томонидан;

ушбу чиқиндиларни олиб чиқиб кетиш ва утилизация қилиш санитар тозалаш корхоналари томонидан марказлашган ҳолда амалга оширилади;

г) 2026 йил 1 августдан бошлаб босқичма-босқич ушбу қарорнинг 6-7-иловаларида* белгиланган товарларга нисбатан фойдаланиш хусусиятини йўқотганидан сўнг атроф-муҳитга зарар етказувчи айрим қадоклаш материаллари ва товарларни ишлаб чиқарувчи (экспорт қилинадиган товарлар бундан мустасно) ҳамда республика ҳудудига импорт қилувчиларнинг «кенгайтирилган мажбурияти» тизими жорий этилади;

д) 2023 йил 1 июлдан бошлаб қаттиқ маиший чиқиндиларни тўплаш, олиб чиқиб кетиш бўйича аҳолига кўрсатилган хизматлар учун вужудга келган дебитор қарздорликни мажбурий тартибда ундириш учун суд органларига даъво аризалари санитар тозалаш хизматларини кўрсатувчи корхоналар томонидан киритилади.

5. Вазирлик уч ой муддатда Андижон, Бухоро ва Сурхондарё вилоятларида экологик вазиятни яхшилаш, ресурслардан оқилона фойдаланиш ва чиқиндисиз ҳудудга айлантиришга қаратилган норматив-ҳуқуқий ҳужжатлар лойиҳаларини ишлаб чиқсин ва белгиланган тартибда киритсин.

6. 2024 йил 1 январдан бошлаб Бўстонлик ва Зомин туманларидаги туристик-рекреацион зоналарда экологик тоза ҳудуд режими татбиқ этилсин.

7. Вазирлик Бош прокуратура, бошқа манфаатдор вазирлик ва идора-

* 6-7-иловалар «Қонунчилик маълумотлари миллий базаси»да эълон қилинган.

лар билан биргаликда уч ой муддатда қуйидагиларни назарда тутувчи қонун лойиҳасини ишлаб чиқсин ва белгиланган тартибда киритсин:

а) экологик тоза ҳудуд режимини жорий қилиш юзасидан:

бир марталик пластик маҳсулотлар, шу жумладан, стаканлар, пластик найчалар, музқаймоқ таёқчалари, пахта таёқчалари, қадоқлаш плёнкаси ва айрим турдаги полиэтилен пакетларини олиб кириш, сотиш ва ишлаб чиқаришни тақиқлаш;

қишлоқ хўжалигида органик ўғитлардан фойдаланишни рағбатлантириш;

фаолияти натижасида оқова сув ҳосил қилувчи хўжалик юритувчи субъектларни марказлаштирилган оқова сув тизимига улаш ёки муқобил тозалаш ускуналари билан жиҳозлаш мажбуриятини киритиш. Бунда, ушбу мажбуриятни бажармаган жисмоний шахсларга нисбатан базавий ҳисоблаш миқдорининг 50 бараваридан 100 бараваригача, юридик шахсларга нисбатан — базавий ҳисоблаш миқдорининг 100 бараваридан 300 бараваригача бўлган миқдорда молиявий жарималар қўллаш;

автотранспорт воситалари билан кириш учун экологик йиғим ундириш, бундан электромобиллар, махсус транспорт воситалари ва экологик тоза ҳудуд режими жорий қилинган ҳудудда яшовчи фуқароларнинг автотранспорт воситалари мустасно;

экологик тоза ҳудуд режими татбиқ этиладиган ҳудудларнинг ташкил этилиши ҳамда бошқа шартлари ва талабларини белгилаш;

б) республика ҳудудида қалинлиги 100 микрондан кам бўлган полимер плёнкали пакетларни (юқори зичликдаги полиэтилен (HDPE), ўрта зичликдаги полиэтилен (MDPE), паст зичликдаги полиэтилен (LDPE), ўрамли паст зичликдаги полиэтилен (LLDPE), кўп қаватли полиэтилен (COEX) ишлаб чиқариш ва реализация қилишни тақиқлаш юзасидан. Бунда:

ушбу тартиб экспорт учун ишлаб чиқариладиган, тутқичсиз ва товарларнинг ажралмас қисми ҳисобланган, хўжаликда фойдаланиш учун рулонларда сотиладиган полимер плёнкали пакетлар, шунингдек, биологик чирийдиган полимер материаллардан тайёрланган пакетларга татбиқ этилмайди;

мазкур кичик банд талабларини бузиш табиий муҳитга зарарли таъсир кўрсатиш оқибатларини бартараф этиш чораларини кўрмаганлик сифатида баҳоланади ҳамда маъмурий жавобгарликка тортишга сабаб бўлади. Бунда чиқиндиларнинг атроф-муҳитга зарари миқдори табиий муҳитга етказилган зарарни ҳисоблаш тартиби асосида аниқланади;

в) республикада сув, ер ресурслари ва ер ости бойликларини муҳофаза қилиш мақсадида Тошкент шаҳар ва вилоят марказларида сув айланма тизими мавжуд бўлмаган автомобиль ювиш шохобчалари фаолиятини ҳамда янги автомобиль ювиш янги шохобчаларини ташкил этишни тақиқлаш.

8. Белгилаб қўйилсинки, 2023 йил 1 июлдан бошлаб:

Вазирликнинг бюджетдан ташқари жамғармаси маблағлари 8-иловада* белгиланган манбалардан шакллантирилади;

филдиракли транспорт воситалари, ўзиюрар машиналар ва уларнинг тир-

* 8-илова «Қонунчилик маълумотлари миллий базаси»да эълон қилинган.

камалари учун утилизация йиғимининг 26 фоизи Вазирликнинг бюджетдан ташқари жамғармасига йўналтирилади.

9. Мамлакатимиз аҳолисининг орасида экологик онг ва экологик маданият тўғрисидаги тушунчаларни мустаҳкамлаш ва ривожлантириш мақсадида экология, атроф-муҳитни муҳофаза қилиш ва иқлим ўзгариши масалаларига бағишланган муҳим саналар бўйича тадбирлар 9-иловага* мувофиқ календарь режа асосида республика бўйлаб юқори савияда ташкил этилсин.

Белгилансинки, ушбу тадбирларни ўтказишга тегишли республика ва маҳаллий ижро этувчи ҳокимият органларининг биринчи раҳбарлари шахсан масъул ҳисобланади.

10. Вазирлик 10-иловага* мувофиқ халқаро шартномалар ва халқаро ташкилотлар билан ўзаро ҳамкорлик қилиш ва мувофиқлаштириш бўйича ваколатли орган этиб белгилансин.

11. Экология, атроф-муҳитни муҳофаза қилиш, ўрмон хўжалиги ва гидрометеорология соҳаларида амалга ошириладиган истиқболли бегараз кўмак (грант) лойиҳалари рўйхати 11-иловага* мувофиқ тасдиқлансин.

Бунда, қўшимча келишувларсиз экология, атроф-муҳитни муҳофаза қилиш ва иқлим ўзгариши вазирга ҳамда унинг ўринбосарларига ушбу халқаро тадбирларда иштирок этишга рухсат берилади.

12. Қўйидагилар:

2023 — 2025 йилларда экология, атроф-муҳитни муҳофаза қилиш ва иқлим ўзгариши соҳаларидаги тизимли равишда ўтказиладиган халқаро конференциялар, ассамблеялар ва тадбирлар рўйхати 12-иловага* мувофиқ;

Экология, атроф-муҳитни муҳофаза қилиш, ўрмон хўжалиги ва гидрометеорология соҳаларида тўғридан-тўғри инвестициялар ҳамда халқаро молия институтларининг кредитлари ҳисобидан молиялаштириладиган истиқболли лойиҳалар 12а-иловага* мувофиқ;

Экология, атроф-муҳитни муҳофаза қилиш, ўрмон хўжалиги ва гидрометеорология соҳаларида амалга ошириш тавсия қилинадиган инновацион бизнес ғоя ва стартап лойиҳалари рўйхати 12б-иловага* мувофиқ тасдиқлансин.

13. Вазирлик 2023 йил 1 июлга қадар умумий овқатланиш соҳасида озиқ-овқат чиқиндилари ҳосил бўлишини камайтириш ва ортиқча исрофгарчиликларнинг олдини олиш ҳамда БМТ Озиқ-овқат ва қишлоқ хўжалиги ташкилоти (ФАО) тавсияларини (Global Initiative on Food Loss and Waste Reduction) жорий этиш мақсадида қўйидагиларни назарда тутувчи «Оқилона истеъмол» дастурини ишлаб чиқиб, Вазирлар Маҳкамасига киритсин:

давлат органлари томонидан ташкил этиладиган тадбирларда озиқ-овқат истеъмолининг оқилона меъёрини белгилаш, ортиқча истеъмолни камайтириш, шу жумладан, бир шахсга бир марталик овқатланиш миқдорини белгилаш;

умумий овқатланиш соҳасида хўжалик юритувчи субъектлар ва истеъмолчиларнинг озиқ-овқат маҳсулотларига нисбатан масъулиятини ошириш; аҳоли ўртасида тўғри овқатланиш одатларини шакллантириш ва ортиқча

* 9 — 12б-иловалар «Қонунчилик маълумотлари миллий базаси»да эълон қилинган.

исрофгарчиликнинг олдини олиш ҳамда меъёридан ортиқ истеъмолни тарғиб қилишни чеклаш;

исрофгарчиликка йўл қўйган шахсларга нисбатан молиявий чоралар кўриш ва назорат механизмларини ўрнатиш.

14. Вазирлик Иқтисодиёт ва молия вазирлиги ҳамда Рақамли технологиялар вазирлиги билан биргаликда давлат органлари ва ташкилотларида қоғоздан фойдаланишни кескин камайтириш, айрим йўналишларда фаолиятни тўлиқ рақамлаштириш орқали қоғоздан тўлиқ воз кечиш бўйича назорат ўрнатишга масъул этиб белгилансин.

15. Вазирлик Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари ҳамда Ички ишлар вазирлиги билан биргаликда волонтерларни жалб қилган ҳолда 2023 йил 1 июлдан бошлаб бир ой давомида ҳудудларда дарахтларнинг илдиз тизимларини бетон ва асфальт қопламаларидан, уларни турли чироқ мосламаларидан, реклама баннери ва шитларидан бўшатишга қаратилган «Дарахтга нафас беринг» оммавий тадбирини ўтказсин.

Ахборот ва оммавий коммуникациялар агентлиги, Ўзбекистон Миллий телерадиокомпанияси, Ўзбекистон Миллий ахборот агентлиги Вазирлик билан биргаликда доимий равишда аҳоли ўртасида дарахтларга бундай зарар етказиш тегишли жавобгарликка тортишга асос бўлиши тўғрисидаги ижтимоий роликлар ва оммавий ахборот воситаларида чиқишлар орқали тушунтириш ишларини кучайтирсин.

16. Инвестициялар, саноат ва савдо вазирлиги Вазирлик билан биргаликда: экология, ўрмон хўжалиги ва гидрометеорология соҳаларига 2023 йилда 20 млн АҚШ доллари, 2024 йилдан бошлаб ҳар йили 100 миллион АҚШ доллари миқдоридан кам бўлмаган хорижий инвестицияларни жалб қилсин. Бунда, Инвестициялар, саноат ва савдо вазирлигидан тегишли ходим Вазирликка амалий ёрдам бериш учун бириктирилади;

чанг-газ тозалаш ускуналари, локал сув тозалаш иншоотлари ва автоматик мониторинг тизимларини ўрнатиш учун хўжалик юритувчи субъектларга халқаро молиявий институтларнинг маблағлари ҳисобидан тижорат банклари орқали 100 млн АҚШ доллари миқдорида кредит линияси очилишини таъминласин.

17. Вазирлик бир ой муддатда 2022 — 2026 йилларда Оролбўйи минтақасини барқарор ривожлантириш, инновациялар ва яшил технологияларни кенг жорий этиш бўйича қуйидаги асосий йўналишларни белгилашни назарда тутувчи миллий дастур лойиҳаси бўйича ахборот киритсин:

яшил қопламалар — ҳимоя ўрмонзорларини барпо этишни изчил давом эттириш ҳамда муҳофаза этиладиган табиий ҳудудларни тизимли ривожлантириш;

илмий ва инновацион фаолият учун замонавий инфратузилмани яратиш, илм-фан ва ишлаб чиқариш интеграциясини мустаҳкамлаш;

қишлоқ хўжалиги маҳсулотларини етиштириш, қайта ишлаш ва бошқа турдаги ишлаб чиқариш тармоқларини ривожлантириш, қайта тикланувчи ва муқобил энергия манбаларидан фойдаланиш;

аҳоли саломатлигини тиклаш, экологик туризмни ривожлантириш имкониятларини кенгайтириш;

донор мамлакатлар, халқаро ташкилотлар, молия институтлари, жамғармалар ва компаниялар маблағларини кенг жалб қилиш бўйича халқаро алоқаларни янада кучайтириш.

18. Вазирлик марказий аппарати ва унинг тизимидаги ташкилотларни юқори малакали ва рақобатбардош кадрлар билан тўлдириш ҳамда кадрлар қўнимсизлигининг олдини олиш мақсадида:

а) 2023 йил 1 июлдан бошлаб бюджетдан ташқари ҳамда иш ҳақи фонди доирасида бюджет маблағлари ҳисобидан:

халқаро рейтинг ташкилотларининг биринчи 500 талик рўйхатига кирган хорижий олий таълим ташкилотларини тамомлаган (нострификация бўлган дипломга эга) шахсларга — лавозим маошининг 30 фоизи;

илмий даражага (PhD, DSc) (тизимдаги илм-фан ва таълим соҳасидаги ташкилот ходимлари бундан мустасно) эга шахсларга — лавозим маошининг 60 фоизгача (PhD — 30 фоиз, DSc — 60 фоиз) миқдорида қўшимча устама тўлансин;

б) 2023 йил 1 июлдан бошлаб муҳофаза этиладиган табиий ҳудудлар илмий ходимларига, шунингдек, Доривор ўсимликларни етиштириш ва қайта ишлаш илмий-ишлаб чиқариш маркази илмий ходимларига Фанлар академияси илмий ташкилотларининг тегишли лавозимлари учун белгиланган меҳнатга ҳақ тўлаш миқдорлари ва шартлари татбиқ этилсин;

в) Вазирлик, Қорақалпоғистон Республикаси Экология, атроф-муҳитни муҳофаза қилиш ва иқлим ўзгариши вазирлиги ҳамда ҳудудий бошқармалари ходимларига чегара ҳудудларига кириш ҳуқуқини берувчи махсус гувоҳнома (давлат белгиси ва муҳрига эга бўлган — жетон ва ID-карта) берилади.

Бунда, Давлат хавфсизлик хизмати ҳамда Иқтисодиёт ва молия вазирлиги ҳузуридаги Божхона қўмитаси махсус гувоҳномага эга бўлган Вазирлик тизимидаги ходимларнинг республика чегара ҳудудларига эркин кириб чиқishiни таъминласин.

19. 2024 йил 1 мартдан бошлаб экологик тоза ҳудуд режими жорий қилинган ҳудудлардаги фуқаролар йиғинларига «экомахалла», «экоқишлоқ» ва «экоовул» мақоми берилади. Бунда, фуқаролар йиғинига тегишли ҳудудда:

электр энергияси қуёш батареяларига алмаштирилади;

йўналишли электробус ҳаракатланиши йўлга қўйилади;

«яшил боғ» ва «яшил жамоат парк»лар ташкил этилади;

савдо шохобчаларида пластик пакетлар савдоси тақиқланади;

маиший чиқиндиларни саралаш, шунингдек, қайта ишланадиган чиқиндиларни қабул қилиш учун фондоматлар ўрнатилади;

«экомахалла», «экоқишлоқ» ва «экоовул» мақоми ҳудудда яшовчи фуқаролар розилиги билан Вазирлик томонидан берилади.

20. Ахборот ва оммавий коммуникациялар агентлиги, Ўзбекистон Миллий телерадиокомпанияси, Ўзбекистон Миллий ахборот агентлиги Вазирлик, маҳаллий давлат ҳокимияти органлари билан биргаликда экспертлар ва жамоатчилик вакилларини жалб қилган ҳолда экология, атроф-муҳитни

муҳофаза қилиш ва иқлим ўзгариши соҳаларида амалга ошириладиган кенг қўламли ислохотларнинг мазмуни ва аҳамиятини оммавий ахборот воситаларида кенг ёритиб борсин. Бунда:

а) аҳоли ва кенг жамоатчилик орасида:

атроф-муҳитга зарар етказмаслик, табиат ресурсларидан оқилона фойдаланиш, келажак авлодга экологик муаммолардан холи бўлган шарт-шароит яратиб бериш ҳар бир фуқаронинг бурчи эканлиги;

иқтисодиётнинг саноат, қурилиш, ишлаб чиқариш, хизмат кўрсатиш ва бошқа тармоқларида «яшил» технологияларни қўллаш орқали табиатга етказиладиган зарарни камайтириш имкониятлари;

жамоат транспортининг афзалликлари, шахсий автотранспортдан фойдаланишни камайтириш ва бунинг оқибатида келгусида экологик ҳолатнинг тубдан яхшиланиши;

маиший чиқиндиларни тўғри таснифлаш, саралаш ҳамда иккиламчи хомашё сифатида ажратган ҳолда қайта ишлаш учун топшириш, атроф-муҳит тозалигига ҳар бир фуқаронинг масъул эканлиги;

дарахтларни экиш, парваришлаш ва улар ноқонуний кесилишининг олдини олишга қаратилган амалий тадбирлар, «Яшил макон» умуммиллий лойиҳаси доирасида амалга ошириладиган ишларнинг натижаси;

она табиатга меҳр билан ёндашиш, уни асраб-авайлаш, умумий ва шахсий масъулият ҳиссини уйғотиш ҳамда шакллантиришга доир турли кўрсатув, анжуманлар, давра суҳбатлари кенг ёритиб борилишини таъминлашга;

б) вазирлик ва идораларда «Яшил макон» умуммиллий лойиҳасининг ижроси ва уларнинг қўшаётган амалий ҳиссаси, тадбиркорлик субъектларида сув ресурсларидан оқилона фойдаланиш учун «яшил» технологияларни жорий этиш, маиший, қурилиш ҳамда бошқа турдаги чиқиндиларни камайтириш ва қайта ишлаш орқали бизнеснинг жамият олдига ролини кучайтириш юзасидан брифинглар ўтказилишига алоҳида эътибор қаратилсин.

21. Вазирлик мамлакатимизда атроф-муҳитни муҳофаза қилиш, она табиат ресурсларидан самарали ва оқилона фойдаланиш, кундалик ва иш фаолияти давомида уларга зарар етказмаслик зарурлиги, ушбу соҳадаги ҳуқуқбузарликлар учун қўлланиладиган жавобгарлик чораларининг мазмун-моҳиятини акс эттирувчи Ўзбекистоннинг «Экологик бренди»ни яратсин ҳамда қисқа метражли роликлар ва ҳужжатли фильмлар яратиш ишларини ташкил этсин.

Белгилансинки, телерадиоканалларда эфирга узатиладиган мазкур роликлар ижтимоий реклама сифатида таснифланади ҳамда қонунчиликда белгиланган меъёрларга мувофиқ намойиш этилади.

22. Ўзбекистон Республикасининг ягона ташқи экология сиёсатини юритиш, экологик брендини тарғиб қилиш, халқаро ташкилотлар ва хорижий мамлакатлар билан самарали ҳамкорликни ўрнатиш мақсадида мавжуд штат бирликлари доирасида:

Ташқи ишлар вазирлигида 3 та штат бирлигидан иборат бўлган Экологик дипломатия бўлими;

Вазирлик, Сув хўжалиги вазирлиги, Қишлоқ хўжалиги вазирлиги ҳамда

Тоғ-кон саноати ва геология вазирлигида 1 — 3 та штат бирлигидан иборат бўлган экологик дипломатияга масъул тузилмалар ташкил қилинсин.

23. Шундай тартиб ўрнатилсинки, унга кўра:

а) 2024 йил 1 январдан бошлаб инвесторларнинг йўловчи ташувчи янги дор йўлларини тегишли хавфсизлик даражасини таъминлаган ҳолда қуриш ва жиҳозлаш учун йўналтирилган харажатларининг бир қисми уларни 2025 йил 31 декабрга қадар фойдаланишга топшириш ва узунлиги бир томонга камида 500 метр бўлиши шарти билан ҳар бир 500 метр йўл учун Ўзбекистон Республикаси Давлат бюджети маблағлари ҳисобидан 1 миллиард сўм миқдорида қопланади. Бунда, йўловчи ташувчи янги дор йўлларини қуриш ва жиҳозлаш бўйича дастлабки 20 та лойихага йўналтирилган инвесторлар харажатларининг бир қисми қопланади;

б) 2026 йил 1 январга қадар:

республика ҳудудига олиб кириладиган дор (осма) йўлларни, тоғ-чанғи кўтаргичлар, фуникулёрлар ва бошқа ўхшаш объектлар ва иншоотларни қуриш, қайта таъмирлаш ва жиҳозлаш учун асбоб-ускуналар, механизмлар ва эҳтиёт қисмлар, шунингдек, фондомат, «банжи-жампинг» ва «зиплайн» аттракционлари, «рафтинг» ва «флайбординг» учун ускуналар, фотоовлашда қўлланиладиган жиҳоз ва асбоб-ускуналар, бошқариладиган (дирижабль, ҳаво шари) ва бошқарилмайдиган (эркин учиш) аэростатлар, гондолалар, «buggy car», файтон ҳамда электромоторли қайиқ, қорда ҳаракатланишга мўлжалланган махсус транспорт воситалари (ТИФ ТН коди 8703 10) ва квадроцикллар божхона тўловларини тўлашдан (қўшилган қиймат солиғи ва божхона расмийлаштируви учун йиғимидан ташқари) озод қилинади;

тиббиёт чиқиндилари билан боғлиқ ишларни амалга ошириш соҳасида фаолият юритаётган ташкилотлар республикада ишлаб чиқарилмайдиган, ўрнатилган тартибда тасдиқланадиган рўйхатлар асосида олиб кириладиган махсус техника, технологик ускуналар, эҳтиёт қисмлар ва бутловчи буюмлар учун божхона тўловларини тўлашдан (қўшилган қиймат солиғи ва божхона расмийлаштируви йиғимидан ташқари) озод қилинади;

2024 йил 1 январдан бошлаб экохудоудларда Вазирлик ҳамда Қурилиш ва уй-жой коммунал хўжалиги вазирлигининг намунавий лойиҳалари бўйича санитария-гигиена шохобчаларини қуриш ва уларнинг фаолиятини ташкил этишни амалга оширувчи юридик шахсларга мазкур фаолият тури бўйича юридик шахслар томонидан тўланган фойда солиғи, ер солиғи ва мол-мулк солиғининг 75 фоизи тегишли бюджетлардан қайтариб берилади.

Вазирлик Иқтисодиёт ва молия вазирлиги ҳамда Маданият ва туризм вазирлиги билан биргаликда 2024 йил 1 январга қадар инвесторларнинг йўловчи ташувчи янги дор йўлларини тегишли хавфсизлик даражасини таъминлаган ҳолда қуриш ва жиҳозлаш учун йўналтирилган харажатларининг бир қисмини қоплаб бериш тартибини ишлаб чиқсин.

24. Давлат экологик назорати ва кўрсатилаётган давлат хизматлари сифатини яхшилаш ҳамда коррупциявий хавфларни барвақт аниқлаш ва камайтириш чораларини кўриш мақсадида табиатни муҳофаза қилиш соҳасида «сирли мижоз» институти жорий этилсин.

Вазирлик бир ой муддатда ушбу тизимни жорий этиш чораларини кўрсин.

25. Вазирлик Қурилиш ва уй-жой коммунал хўжалиги вазирлиги, Иқтисодиёт ва молия вазирлиги, Давлат активларини бошқариш агентлиги ва Тошкент шаҳри ҳокимлиги билан биргаликда уч ой муддатда Янги Тошкент ҳудудида Вазирлик ва унинг тизимидаги ташкилотлар, шу жумладан, Марказий Осиё атроф-муҳит ва иқлим ўзгаришини ўрганиш университетини ягона маъмурий мажмуа қурган ҳолда жойлаштиришни назарда тутувчи норматив-ҳуқуқий ҳужжат лойиҳасини киритсин. Бунда:

а) Вазирлик биносининг лойиҳалаштирилиши Экология жамғармаси маблағлари ҳисобидан амалга оширилади;

б) Вазирлик биносини фойдаланишга тайёр ҳолда топшириш билан боғлиқ қурилиш харажатлари қўйидаги манбалар ҳисобидан қопланади:

ижтимоий ва ишлаб чиқариш инфратузилмасини ривожлантириш дастурида белгиланадиган маблағлар;

Вазирлик ва унинг тизимидаги ташкилотларнинг кўчирилиши натижасида бўшайдиган биноларни аукцион савдолари орқали сотишдан тушган маблағларнинг 100 фоизи (баҳолаш ва савдога чиқариш харажатларидан ташқари);

Ўзбекистон Республикаси Президентининг 2023 йил 24 мартдаги «Иқтисодиётда давлат иштирокини қисқартиришнинг қўшимча чора-тадбирлари тўғрисида»ги ПҚ–102-сон қарорига асосан Тошкент шаҳри, Яккасарой тумани, Ш. Руставели кўчаси, 13а-уйда манзилида жойлашган Атроф-муҳитни муҳофаза қилиш соҳасида ихтисослаштирилган тахлилий назорат маркази маъмурий биноси сотилишидан тушган маблағлар;

Экология жамғармаси маблағлари ва қонунчиликда тақиқланмаган бошқа манбалар;

в) Университет ва Ўзбекистон давлат табиат музейи биноларини фойдаланишга тайёр ҳолда топшириш билан боғлиқ қурилиш харажатлари 2024 йилга мўлжалланган Ўзбекистон Республикасининг ижтимоий ва ишлаб чиқариш инфратузилмасини ривожлантириш дастурига киритилган ҳолда молиялаштирилади;

г) мажмуа билан боғлиқ шаҳарсозлик ҳужжатлари Янги Тошкент ҳудудининг бош режаси лойиҳаси доирасида ва у билан тўлиқ уйғунлаштирган ҳолда ишлаб чиқилади;

д) Университет ётоқхонаси биносини фойдаланишга тайёр ҳолда топшириш билан боғлиқ харажатлар давлат-хусусий шериклик шартлари асосида молиялаштирилади;

е) мажмуада «Санъат ва табиат» жамоатчилик маркази, турли галереялар ва экспозициялар ҳамда экомехмонхона жойлаштирилади, шунингдек, экологик тоза маҳсулотлар савдосига мўлжалланган савдо дўконлари фаолияти йўлга қўйилади.

26. Вазирлик манфаатдор вазирликлар ва идоралар билан биргаликда икки ой муддатда қонунчилик ҳужжатларига ушбу қарордан келиб чиқадиган ўзгартириш ва қўшимчаларни назарда тутувчи тегишли норматив-ҳуқуқий ҳужжатлар лойиҳаларини Вазирлар Маҳкамасига киритсин.

27. Мазкур қарорнинг ижросини самарали ташкил қилишга масъул ва шахсий жавобгар этиб экология, атроф-муҳитни муҳофаза қилиш ва иқлим ўзгариши вазири белгилансин.

Қарор ижросини муҳокама қилиб бориш, ижро учун масъул идоралар фаолиятини мувофиқлаштириш ва назорат қилиш Ўзбекистон Республикаси Бош вазири А.Н. Арипов зиммасига юклансин.

Ўзбекистон Республикаси

Президенти

Ш. МИРЗИЁЕВ

Тошкент ш.,
2023 йил 31 май,
ПҚ–171-сон

Ўзбекистон Республикаси
Президентининг 2023 йил 31 майдаги
ПҚ–171-сон қарорига
1-ИЛОВА

Экология, атроф-муҳитни муҳофаза қилиш ва иқлим ўзгариши вазирлиги фаолиятининг устувор йўналишлари

Қуйидагилар Экология, атроф-муҳитни муҳофаза қилиш ва иқлим ўзгариши вазирлиги фаолиятининг устувор йўналишлари хисобланади:

а) табиатни муҳофаза қилиш, табиий ресурслардан оқилона фойдаланиш, уларни қайта тиклаш, чиқиндилар билан боғлиқ ишларни амалга ошириш ва иқлим ўзгариши соҳасида ягона давлат сиёсатини ишлаб чиқиш ва амалга ошириш;

б) табиатни муҳофаза қилиш, жумладан, атмосфера ҳавоси, ер, ер ости бойликлари, сув, ўрмонлар, муҳофаза этиладиган табиий ҳудудлар, ҳайвонот ва ўсимлик дунёсини муҳофаза қилиш, чиқиндилар билан боғлиқ ишларни амалга оширишда давлат экологик назоратини юритиш;

в) ўрмонларни муҳофаза қилиш, ҳимоя қилиш, кўпайтириш, қайта тиклаш, уларнинг маҳсулдорлигини ошириш ва улардан оқилона фойдаланилишини таъминлаш;

г) гидрометеорология хизматини ташкил этиш, иқлим ўзгариши ва атроф табиий муҳит ифлосланиши мониторингини юритиш;

д) табиатни муҳофаза қилиш борасида фуқаролик жамияти институтлари ҳамда жамоатчилик билан ҳамкорликни ривожлантириш, экологик тарбия, тарғибот, таълим ва илмий тадқиқотларни қўллаб-қувватлаш ишларини тизимли ташкил этиш;

е) «яшил» ўсиш тамойилларини жорий этиш, атроф-муҳитга зарарли ташланмаларни қисқартириш ҳамда инсон фаолиятининг табиатга салбий таъсирини камайтириш;

ж) табиатни муҳофаза қилишга рақамли технологияларни жорий этиш,

мониторинг юритишда инсон омилини қисқартириш ва автоматлаштириш тизимини йўлга қўйиш;

з) экотуризм, ов ва сафари туризм соҳасини янада ривожлантириш, ўрмон хўжаликлари ва миллий табиат боғларининг (қўриқхонага айлантирилган зоналар бундан мустасно) имкониятларидан самарали фойдаланиш ҳамда тегишли инфратузилма объектларини яратиш, хорижий ва ички сайёҳларга муносиб шарт-шароит яратиш ва уларга хизмат кўрсатилишини таъминлаш;

и) табиатни муҳофаза қилиш ва табиий ресурслардан оқилона фойдаланиш соҳасидаги қонунчилик талаблари бузилишининг олдини олиш, уни аниқлаш ва унга чек қўйиш учун таъсирчан чораларни қўллаш;

к) атроф-муҳит ҳолатини кузатиб бориш, атроф-муҳитнинг ифлосланишига, табиий ресурслардан нооқилона фойдаланилишига олиб келиши, фуқароларнинг ҳаёти ва соғлиғига таҳдид солиши мумкин бўлган вазиятларни аниқлаш;

л) амалга оширилаётган хўжалик фаолияти ва бошқа фаолиятнинг табиатни муҳофаза қилиш стандартлари, нормалари, қоидалари ва бошқа норматив-ҳуқуқий ҳужжатлар талабларига мувофиқлигини назорат қилиш ва қонуний чоралар кўриш;

м) юридик ва жисмоний шахсларнинг табиатни муҳофаза қилиш ҳамда табиий ресурслардан оқилона фойдаланиш соҳасидаги ҳуқуқлари ва қонуний манфаатларига риоя этилишини, улар томонидан мажбуриятлар бажарилишини таъминлаш;

н) ўрмонлардан оқилона фойдаланиш устидан назоратни ўрнатиш, табиатни муҳофаза қилиш соҳасидаги муносабатларни тартибга солиш, ўрмонларнинг ер устида ва авиация ёрдамида қўриқланишини ташкил этишни назорат қилиш;

ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ҚАРОРИ**185** Маъмурий ислохотлар доирасида маданий мерос соҳасида давлат бошқарувини самарали ташкил қилиш чора-тадбирлари тўғрисида*

Ўзбекистон Республикаси Президентининг 2023 йил 25 январдаги «Республика ижро этувчи ҳокимият органлари фаолиятини самарали йўлга қўйишга доир биринчи навбатдаги ташкилий чора-тадбирлар тўғрисида»-ги ПФ–14-сон Фармони ижросини таъминлаш мақсадида:

1. Қуйидагилар:

Маданий мерос агентлиги фаолиятининг асосий йўналишлари 1-иловага мувофиқ;

Маданий мерос агентлигининг ташкилий тузилмаси 2-иловага** мувофиқ;

Маданий мерос агентлигининг хусусий секторга бериладиган функциялари рўйхати 3-иловага** мувофиқ;

Маданий мерос соҳасида ислохотларни чуқурлаштириш ва тизим фаолиятини трансформация қилиш бўйича «Йўл харитаси» 4-иловага** мувофиқ тасдиқлансин.

2. Фаолияти тугатилган Туризм ва маданий мерос вазирлиги ҳузурида бўлган давлат муассасаси шаклидаги қуйидаги ташкилотлар Маданий мерос агентлиги (кейинги ўринларда — Агентлик) тизимига ўтказилсин:

Маданий мерос объектлари реставрацияси дирекцияси;

Маданий мерос объектларини асраш ва туризм ҳудудларининг мастер-режалари бўйича лойиҳалаштириш институти Маданий мерос илмий-тадқиқот институти деб қайта номланган ҳолда.

3. Қуйидагиларнинг фаолияти тугатилиб, уларнинг ваколат ва функциялари Агентликка ўтказилсин:

2017 — 2027 йилларда давлат музейлари фаолиятини такомиллаштириш ва моддий-техника базасини мустаҳкамлаш бўйича комплекс чора-тадбирлар дастури бажарилишини мувофиқлаштириш бўйича республика комиссияси;

Музейлар фаолиятини такомиллаштириш ва қўллаб-қувватлаш бўйича республика ишчи гуруҳи.

4. Белгилансинки, моддий маданий мерос объектлари ва музейлар соҳасида давлат назоратини кучайтириш ҳамда улардан оқилона фойдаланиш мақсадида:

а) Агентлик ва унинг ҳудудий бошқармалари томонидан ўтказиладиган текширувлар бўйича:

текширув ўтказишни келишиш учун буюртма ваколатли орган ва унинг ҳудудий бўлинмалари томонидан буюртма берилган кунда кўриб чиқилади;

«хавфни таҳлил этиш» тизими натижаларига асосан ўтказиладиган тек-

* Ушбу қарор «Қонунчилик маълумотлари миллий базаси»да 2023 йил 6 июнда эълон қилинган.

** 2 — 4-иловалар «Қонунчилик маълумотлари миллий базаси»да эълон қилинган.

ширувларни унинг бошланиши ҳақида тадбиркорлик субъектига хабарнома бермаган ҳолда ўтказишга рухсат берилади;

б) тегишли шартномаларга асосан унда белгилаб қўйилган аниқ муддатлар ёки ҳолатларда, бироқ ҳар чоракда камида бир марта моддий маданий мерос объектларининг муҳофаза қилиниши, сақланиши ҳамда улардан оқилана фойдаланилишида жисмоний ва юридик шахслар, шу жумладан тадбиркорлик субъектлари томонидан қонунчилик ҳужжатларига риоя қилиниши Агентлик ва унинг ҳудудий бошқармалари томонидан мажбурий тартибда текширилади ҳамда бундай текширувларнинг ўтказилишини ваколатли орган билан келишиш талаб этилмайди;

в) ободонлаштириш ҳамда зарур ҳолатда сақлаш бўйича инвестиция мажбуриятини олган ҳолда ижарага бериладиган моддий маданий мерос объектлари ва уларга туташ ҳудудлар рўйхатининг фақат Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари томонидан шакллантирилиши ва тақдим этилиши тартиби бекор қилиниб, ушбу таклифларни барча ташаббускор жисмоний ва юридик шахслар томонидан тақдим этиш тартиби жорий этилади.

5. Маданият ва санъатни ривожлантириш жамғармаси (кейинги ўринларда — Жамғарма) кенгаши фаолияти ва унинг ижрочи директори лавозими тугатилиб, Жамғарма раиси лавозими жорий қилинсин.

Бунда, ушбу Жамғарманинг режалаштирилган лойиҳалар бўйича кейинги йил учун даромад ва харажатлар сметаси Ўзбекистон Республикасининг Бош вазирини томонидан ҳар йили 25 декабргача тасдиқланади.

Белгилаб қўйилсинки:

а) Жамғарма раиси:

Ўзбекистон Республикаси Президенти томонидан лавозимга тайинланади ва лавозимидан озод этилади;

ЮНЕСКО ишлари бўйича Ўзбекистон Республикаси Миллий комиссияси раиси ҳисобланади;

мақоми, меҳнатга ҳақ тўлаш, тиббий ва транспорт хизмати кўрсатиш шарт-шароитларига кўра вазирга тенглаштирилади;

б) Жамғарма:

Агентликка маданий мерос соҳасида давлат сиёсатини амалга оширишга қўмаклашади, шунингдек, Агентлик ва унинг тизимидаги ташкилотлар фаолиятини ривожлантириш, ишини самарали ташкил этиш, уларга юклатилган вазифалар ва функциялар тўлиқ бажарилиши бўйича тавсиялар беради;

норматив-ҳуқуқий ҳужжатлар лойиҳаларини, шунингдек, Жамғармага юкланган вазифалар ва функцияларни бажариш билан боғлиқ бўлган бошқа ҳужжатларни белгиланган тартибда Вазирлар Маҳкамаси ва Президент Администрациясига киритади;

в) Агентлик директори жамоатчилик асосида Жамғарма раисининг ўринбосари ҳисобланади ҳамда у Агентлик фаолиятига оид масалаларни Жамғарма раиси билан бамаслаҳат ҳолда олиб боради.

6. Агентликнинг жами 217 та бошқарув штат бирлигидан 10 та штат бирлиги Жамғармага ўтказилсин.

7. Шундай тартиб ўрнатилсинки, унга мувофиқ:

моддий маданий мерос объектларида асрашга доир ишларни амалга ошириш, шунингдек, археология ишлари учун Давлат бюджети ҳисобидан ажратилган маблағлар доирасида музей ашёлари ва музей коллекцияларини реставрация ва тиклаш ҳамда рақамлаштириш ишларини амалга оширишга рухсат берилади;

Давлат бюджети маблағлари ҳисобидан асрашга доир ишлар амалга оширилмайдиган моддий маданий мерос кўчмас мулк объектларининг ҳар йиллик манзилли рўйхати Агентлик директори томонидан тасдиқланади;

Агентликнинг ҳисоб-китобларига асосан моддий маданий мерос объектларини муҳофаза қилиш, асраш ва улардан фойдаланиш ишларини амалга ошириш билан боғлиқ харажатлар учун ҳар йили Қорақалпоғистон Республикаси республика бюджети, вилоятлар вилоят бюджетлари ва Тошкент шаҳри шаҳар бюджети манбалари ҳисобидан маблағ ажратилади;

2023 йилдан бошлаб Давлат бюджетидан маданий мерос объектларида асрашга доир ишларни амалга ошириш ва уларнинг муҳофазасини таъминлаш, уларни реставрация қилиш ва тиклаш, шунингдек, археология ишлар учун ажратилмайдиган маблағларнинг йил давомида фойдаланилмаган қисми Агентлик ҳузуридаги Маданий мерос жамғармасига бюджет трансфери сифатида ажратилади;

Агентлик тизимидаги музей директорларига Агентлик билан келишилган ҳолда, уларга ажратилган Давлат бюджети маблағлари доирасида, иқтисод қилинган маблағларни қайта тақсимлаш ҳисобидан музей ходимларига қўшимча ойлик рағбатлантириш устамалари белгилаш ваколати берилади. Бунда, рағбатлантириш миқдори Агентлик томонидан тасдиқланган давлат музейлари ходимларини қўшимча рағбатлантириш тартибига мувофиқ белгиланади.

8. Агентликка, истисно тариқасида, Маданий мерос объектлари реставрацияси дирекцияси, Маданий мерос илмий-тадқиқот институти ва Яхё Фуломов номидаги Самарқанд археология институти билан:

маданий мерос объектларида асрашга доир ишлар ва археологик тадқиқотлар учун чекланмаган қийматда тўғридан-тўғри шартномалар тузишга;

тузилган шартномалар бўйича бажариладиган пудрат ишлари учун 50 фоиз аванс тўлашга рухсат берилсин.

9. Тошкент шаҳри, Тарас Шевченко кўчаси, 1-уй манзилида жойлашган:

а) бино ва иншоотлар тегишли ҳудуди билан биргаликда оператив бошқариш ҳуқуқи асосида Жамғармага берилсин;

б) бинога қуйидагилар текин фойдаланиш ҳуқуқи асосида жойлаштирилсин:

Агентлик;

Маданий мерос объектлари реставрацияси дирекцияси;

ЮНЕСКО ишлари бўйича Ўзбекистон Республикаси Миллий комиссияси котибияти.

Маданият ва туризм вазирлиги Жамғарма билан биргаликда бир ҳафта муддатда ушбу бандда кўрсатилган манзилдаги объектни топшириш-қабул қилиш ишларини белгиланган тартибда амалга оширсин.

Жамғарма Агентлик билан биргаликда бинони сақлаш ва ундан самарали фойдаланиш бўйича зарур чораларни кўрсин.

10. Агентлик Жамғарма ва Адлия вазирлиги билан биргаликда икки ой муддатда қонунчилик ҳужжатларига ушбу қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

11. Мазкур қарорнинг ижросини самарали ташкил қилишга масъул ва шахсий жавобгар этиб Маданият ва санъатни ривожлантириш жамғармаси раиси ва Маданий мерос агентлиги директори белгилансин.

Қарор ижросини муҳокама қилиб бориш, масъул ташкилотлар фаолиятини мувофиқлаштириш ва назорат қилиш Ўзбекистон Республикасининг Бош вазири А.Н. Арипов зиммасига юклансин.

Ўзбекистон Республикаси
Президенти

Ш. МИРЗИЁЕВ

Тошкент ш.,
2023 йил 1 июнь,
ПҚ-177-сон

Ўзбекистон Республикаси
Президентининг 2023 йил 1 июндаги
ПҚ-177-сон қарорига
1-ИЛОВА

**Маданий мерос агентлиги фаолиятининг асосий
йўналишлари**

Қуйидагилар Маданий мерос агентлиги фаолиятининг асосий йўналишлари ҳисобланади:

а) моддий маданий мерос ва музейлар соҳасида ягона давлат сиёсатини амалга ошириш, унда иштирок этувчи давлат органларининг ушбу йўналишдаги фаолиятини мувофиқлаштириш;

б) моддий маданий мерос объектлари, маданий бойликлар, музей ашёлари ва коллекцияларини аниқлаш, уларнинг давлат ҳисобини юритиш ҳамда соҳада таъсирчан давлат назоратини амалга ошириш;

в) моддий маданий мерос ва музейлар соҳасига замонавий ахборот технологияларини кенг жорий этиш, уларга оид маълумотларнинг барча учун очик бўлишини таъминлаш;

г) маданий меросимизнинг жаҳон маданий маконига интеграциялашувига кўмаклашиш ва уларни кенг оммалаштириш;

д) моддий маданий мерос объектларидан оқилона фойдаланиш, уларни музейлаштириш, монетизация қилиш, маблағлар ҳисобини юритиш ва уларнинг мақсадли сарфланишини йўлга қўйиш;

е) илмий-тарихий ёндашув асосида моддий маданий мерос объектлари, маданий бойликлар, музей ашёлари ва коллекцияларини реставрация-тиклаш, асрашга доир ишларни амалга ошириш;

ж) илғор хорижий тажрибалар асосида музейларни комплекс ривожлантириш.

БЕШИНЧИ БЎЛИМ**О‘ЗБЕКISTON RESPUBLIKASI
OLIIY TA‘LIM, FAN VA INNOVATSIYALAR VAZIRLIGI
О‘ЗБЕКISTON RESPUBLIKASI ADLIYA VAZIRLIGINING
QARORI****186 “Toshkent davlat yuridik universitetida o‘qitishning modul tizimi sharoitlarida talabalar bilimni nazorat qilish tartibi va baholash mezonlari to‘g‘risidagi nizomni tasdiqlash haqida”gi qarorga o‘zgartirish va qo‘shimchalar kiritish to‘g‘risida***

*O‘zbekiston Respublikasi Adliya vazirligi tomonidan 2023-yil
29-mayda ro‘yxatdan o‘tkazildi, ro‘yxat raqami 2780-5*

O‘zbekiston Respublikasi Prezidentining 2021-yil 23-martdagi PF–6191-son “Aholi va tadbirkorlik subyektlariga davlat xizmatlaridan foydalanishda yanada qulay sharoitlar yaratish, bu borada byurokratik to‘siqlarni qisqartirish bo‘yicha qo‘shimcha chora-tadbirlar to‘g‘risida” Farmoni hamda 2021-yil 24-dekabrda PQ–60-son “Davlat oliy ta‘lim muassasalarining akademik va tashkiliy-boshqaruv mustaqilligini ta‘minlash bo‘yicha qo‘shimcha chora-tadbirlar to‘g‘risida”gi qaroriga muvofiq O‘zbekiston Respublikasi Oliy ta‘lim, fan va innovatsiyalar vazirligi hamda Adliya vazirligi **qaror qiladi:**

1. O‘zbekiston Respublikasi Oliy va o‘rta maxsus ta‘lim vazirligi va Adliya vazirligining 2016-yil 22-apreldagi 1-2016, 4-son “Toshkent davlat yuridik universitetida o‘qitishning modul tizimi sharoitlarida talabalar bilimni nazorat qilish tartibi va baholash mezonlari to‘g‘risidagi nizomni tasdiqlash haqida”gi qaroriga (ro‘yxat raqami 2780, 2016-yil 22-aprel) (O‘zbekiston Respublikasi qonun hujjatlari to‘plami, 2016-y., 16-son, 172-modda) ilovaga muvofiq o‘zgartirish va qo‘shimchalar kiritilsin.

2. Mazkur qaror rasmiy e‘lon qilingan kundan e‘tiboran kuchga kiradi.

**Oliy ta‘lim, fan va
innovatsiyalar vaziri**

I. ABDURAHMONOV

Toshkent sh.,
2023-yil 24-may,
5-q/q-son

* Ushbu qaror «Qonunchilik ma‘lumotlari milliy bazasi»da 2023-yil 1-iyunda e‘lon qilingan.

Adliya vaziri**A. TASHKULOV**

Toshkent sh.,
2023-yil 27-may,
2-son

O‘zbekiston Respublikasi
Oliy ta‘lim, fan va innovatsiyalar vazirligining
2023-yil 24-maydagi 5-q/q-son hamda Adliya
vazirligining 2023-yil 27-maydagi 2-son qaroriga
ILOVA

**“Toshkent davlat yuridik universitetida o‘qitishning modul tizimi
sharoitlarida talabalar bilimini nazorat qilish tartibi va baholash
mezonlari to‘g‘risidagi nizomni tasdiqlash haqida”gi qarorga
kiritilayotgan o‘zgartirish va qo‘shimchalar**

1. Qarorning muqaddimasidagi “O‘zbekiston Respublikasi Prezidentining 2013-yil 28-iyundagi PQ–1990-son “Yuridik kadrlar tayyorlash tizimini yanada takomillashtirish chora-tadbirlari to‘g‘risida”gi qarori ijrosi yuzasidan O‘zbekiston Respublikasi Prezidentining 2011-yil 23-avgustdagi PQ–1602-son “O‘zbekiston Respublikasi Adliya vazirligi faoliyatini yanada takomillashtirish chora-tadbirlari to‘g‘risida”gi qarori” degan so‘zlar “O‘zbekiston Respublikasi Prezidentining 2018-yil 13-apreldagi PQ–3666-son “O‘zbekiston Respublikasi Adliya vazirligi faoliyatini yanada takomillashtirishga doir tashkiliy chora-tadbirlar to‘g‘risida”gi qarori” degan so‘zlar bilan almashtirilsin.

2. Nizomda:

a) muqaddima quyidagi tahrirda bayon etilsin:

“Mazkur Nizom Toshkent davlat yuridik universitetida (bundan buyon matnda Universitet deb yuritiladi) o‘qitishning kredit-modul tizimi sharoitlarida talabalar bilimini nazorat qilish tartibi va baholash mezonlarini belgilaydi.”;

b) 21-bandning ikkinchi xatboshisi va 56-banddagi “O‘quv-uslubiy kengashi” degan so‘zlar “Akademik halollik kengashi” degan so‘zlar bilan almashtirilsin;

d) 22-bandning ikkinchi xatboshisi quyidagi tahrirda bayon etilsin:

“Yakuniy nazorat savollari bo‘yicha ballar miqdori taqsimoti (baho foizi) universitet Akademik halollik kengashi qarori bilan tasdiqlanadi.”;

e) 30-band quyidagi tahrirda bayon etilsin:

“30. Yakuniy nazorat o‘tkazilayotgan auditoriyaga auditoriya rahbari va kuzatuvchilardan boshqa shaxslarning kirishi qat‘iyan taqiqlanadi. Yakuniy nazorat o‘tkazish jarayoni rektor, o‘quv ishlari bo‘yicha prorektor, O‘quv-uslubiy boshqarmasining va Ta‘lim sifatini nazorat qilish bo‘limining rahbarlari hamda xodimlari, shuningdek dekanlar va ularning o‘rinbosarlari tomonidan nazorat qilib turilishi mumkin.”;

f) 31-bandning sakkizinchi xatboshisi quyidagi tahrirda bayon etilsin:

“yakuniy nazorat o‘tkazish qoidalarini buzgan talabalarni elektron ta‘lim platformasida tegishli dalolatnoma tuzgan holda imtihondan chetlashtirish.”;

g) 37¹-bandning birinchi xatboshisi quyidagi tahrirda bayon etilsin:

“37¹. I yoki II guruh nogironligi bo‘lgan talabaning mazkur Nizomda nazarda tutilgan yakuniy nazorat ishlarini kompyuterda bajarish imkoniyati mavjud bo‘lmaganda u yakuniy nazorat davri boshlanishidan kamida ikki hafta oldin o‘quv ishlari bo‘yicha prorektorga murojaat qiladi. Bunda, ushbu talabaning nogironligi to‘g‘risidagi tibbiy ma‘lumotnoma yoki tibbiy-ijtimoiy ekspert komissiyasining xulosasi Universitet tomonidan tegishli davlat organlari va tashkilotlaridan, shu jumladan “Elektron hukumat” tizimi idoralararo integratsiyalashuv platformasi yoki “Ijtimoiy xizmat” elektron platformasi orqali mustaqil ravishda olinadi. Mazkur bandda nazarda tutilgan talabalar yakuniy nazoratni og‘zaki imtihon shaklida komissiyaga topshiradi.”;

h) 40-bandda:

uchinchi xatboshi quyidagi tahrirda bayon etilsin:

“Yakuniy nazorat ishlarini tekshirish yakuniy nazorat imtihonlari yakunlangan kundan boshlab 15 ish kuni ichida amalga oshiriladi. Zaruratga ko‘ra (internet tarmog‘ida yoki elektron ta‘lim platformasida texnik nosozlik yuz berganda) ushbu muddat universitet rektori tomonidan 5 ish kunigacha uzaytirilishi mumkin.”;

quyidagi mazmundagi xatboshi bilan to‘ldirilsin:

“Yakuniy nazorat ishlarini tekshirish muddati yakunlangan kundan boshlab 1 ish kuni ichida natijalar elektron ta‘lim platformasida e‘lon qilinadi.”;

i) 46-bandning to‘rtinchi va beshinchi xatboshilaridagi “O‘quv-uslubiy kengash” degan so‘zlar “Akademik halollik kengashi” degan so‘zlar bilan almashtirilsin;

j) 49-bandda:

ikkinchi xatboshi quyidagi tahrirda bayon etilsin:

“Oraliq nazorat bo‘yicha qo‘yilgan balldan norozi bo‘lgan talabalar baho e‘lon qilingandan boshlab 72 soat davomida elektron ta‘lim platformasi orqali apellyatsiya shikoyati berishlari mumkin. Bunda, talabalar o‘quv dasturidagi baholash mezonlariga asoslanib apellyatsiya shikoyatida o‘qituvchining taqriziga shikoyat bildirishi lozim.”;

quyidagi mazmundagi uchinchi xatboshi bilan to‘ldirilsin:

“Zaruratga ko‘ra (internet tarmog‘ida yoki elektron ta‘lim platformasida texnik nosozlik yuz berganda, talaba betobligi tufayli platformaga apellyatsiya shikoyatini yuklay olmay qolganda) ushbu muddat universitet rektori tomonidan 72 soatgacha uzaytirilishi mumkin.”;

uchinchi — o‘n to‘rtinchi xatboshilar tegishli ravishda to‘rtinchi — o‘n beshinchi xatboshilar deb hisoblansin;

oltinchi xatboshi quyidagi tahrirda bayon etilsin:

“Yakuniy nazorat bo‘yicha qo‘yilgan balldan norozi bo‘lgan talabalar baho e‘lon qilingandan boshlab 72 soat davomida elektron ta‘lim platformasi orqali apellyatsiya shikoyatini berishlari mumkin. Bunda, talabalar o‘quv dasturidagi baholash mezonlariga asoslanib apellyatsiya shikoyatida o‘qituvchining taqriziga shikoyat bildirishi lozim.”;

quyidagi mazmundagi yettinchi xatboshi bilan to‘ldirilsin:

“Zaruratga ko‘ra (internet tarmog‘ida yoki elektron ta‘lim platformasida

texnik nosozlik yuz berganida, talaba betoblighi tufayli platformaga apellyatsiya shikoyatini yuklay olmay qolganda) ushbu muddat universitet rektori tomonidan 72 soatgacha uzaytirilishi mumkin.”;

yettinchi — o'n beshinchi xatboshilar tegishli ravishda sakkizinchi — o'n oltinchi xatboshilar deb hisoblansin;

k) 54-bandda:

“v” kichik bandning birinchi xatboshisidagi “55” raqami “56” raqami bilan almashtirilsin;

“d” kichik bandi to'rtinchi xatboshisidagi “O'quv-uslubiy kengash” degan so'zlar “Akademik halollik kengashi” degan so'zlar bilan almashtirilsin;

l) 61-band quyidagi tahrirda bayon etilsin:

“61. O'quv mashg'ulotlarida kasalligi yoki hujjat bilan tasdiqlangan boshqa uzrli sabablar tufayli (yo'l-transport hodisasi, yaqin qarindoshining vafoti, yaqin qarindoshining yoki talabaning nikoh tuzishi, farzand tug'ilishi, fan, madaniyat va sport sohalaridagi xalqaro hamda respublika tanlovlari va musobaqalarida, harbiy kafedra mashg'ulotlarida ishtirok etganlik, universitetning elektron ta'lim platformasida yuzaga kelgan texnik nosozlik) ishtirok etmagan va shu sababli oraliq yoki yakuniy nazoratni belgilangan muddatda topshirmagan talabaga uning arizasi hamda ilova qilingan asoslantiruvchi hujjatlarga muvofiq fakultet dekani tomonidan o'quv ishlari bo'yicha prorektor bilan kelishilgan holda oraliq yoki yakuniy nazoratni topshirishga ruxsat beriladi.

Bunda, talaba fakultet dekani nomiga oraliq yoki yakuniy nazoratni topshirishga ruxsat berishni so'rab, uzrli sabablar (holatlar) bartaraf etilgan vaqtdan boshlab 15 ish kuni ichida ariza bilan murojaat qilishi lozim.”;

m) 71-banddagi “O'quv-uslubiy kengashda” degan so'zlar “Akademik halollik kengashida” degan so'zlar bilan almashtirilsin;

n) 72-banddagi “O'quv-uslubiy kengashda” degan so'zlar “Akademik halollik kengashida” degan so'zlar bilan almashtirilsin.

ЎЗБЕКИСТОН РЕСПУБЛИКАСИ
ИҚТИСОДИЁТ ВА МОЛИЯ ВАЗИРИНИНГ
БУЙРУҒИ

187 Алкоголь маҳсулотлари учун энг кам улгуржи-сотиш ва чакана нархларни қайта кўриб чиқиш тўғрисида *

*Ўзбекистон Республикаси Адлия вазирлиги томонидан 2023 йил
30 майда рўйхатдан ўтказилди, рўйхат рақами 3435*

Ўзбекистон Республикаси Вазирлар Маҳкамасининг 2009 йил 23 декабрдаги 327-сон «Алкоголли маҳсулотлар учун энг кам улгуржи-сотиш ва чакана нархларни жорий этиш тўғрисида»ги қарорига мувофиқ **буюраман:**

1. Алкоголь маҳсулотлари учун энг кам улгуржи-сотиш ва чакана нархлар қайта кўриб чиқилиб, улар иловага мувофиқ миқдорларда белгилансин.

2. Ўзбекистон Республикаси Молия вазирлигининг 2021 йил 26 ноябрдаги 75-сон ва Давлат солиқ қўмитасининг 2021 йил 19 ноябрдаги 2021-49-сон «Алкоголь маҳсулотлари учун энг кам улгуржи-сотиш ва чакана нархларни қайта кўриб чиқиш тўғрисида»ги қарори (рўйхат рақами 3339, 2021 йил 1 декабрь) (Қонунчилик маълумотлари миллий базаси, 01.12.2021 й., 10/21/3339/1121-сон) ўз қучини йўқотган деб топилсин.

3. Мазкур буйруқ 2023 йил 1 июндан эътиборан кучга киради.

Вазир

Ш. КУДБИЕВ

Тошкент ш.,
2023 йил 20 май,
14-сон

* Ушбу буйруқ «Қонунчилик маълумотлари миллий базаси»да 2023 йил 30 майда эълон қилинган.

Ўзбекистон Республикаси
иқтисодиёт ва молия вазирининг 2023 йил
20 майдаги 14-сон буйруғига
ИЛОВА

**Алкоголь маҳсулотлари* учун энг кам улгуржи-сотиш ва
чакана нархлар**

Сотилаётган товарнинг номи	Ишлаб чиқарувчи корхоналарнинг энг кам улгуржи-сотиш нархи	Энг кам чакана нарх
Вино, 1 литр тайёр маҳсулот учун сўм ҳисобида	14 400	16 400
Коньяк, 1 литр тайёр маҳсулот учун сўм ҳисобида	57 400	66 000
Ароқ ва бошқа алкоголь маҳсулотлари, 1 литр тайёр маҳсулот учун сўм ҳисобида	37 000	43 000

* Пиводан ташқари.

ЎЗБЕКИСТОН РЕСПУБЛИКАСИ
МАРКАЗИЙ БАНКИ БОШҚАРУВИ
ЎЗБЕКИСТОН РЕСПУБЛИКАСИ
ИҚТИСОДИЁТ ВА МОЛИЯ ВАЗИРЛИГИНИНГ
ҚАРОРИ

188 «Хўжалик юритувчи субъектларнинг банк ҳисобварақларидан пул маблағларини ҳисобдан чиқариш тартиби тўғрисидаги йўриқномани тасдиқлаш ҳақида»ги қарорга ўзгартиришлар ва қўшимча киритиш тўғрисида*

*Ўзбекистон Республикаси Адлия вазирлиги томонидан 2023 йил
30 майда рўйхатдан ўтказилди, рўйхат рақами 2342-11*

Ўзбекистон Республикасининг Солиқ кодекси ва Ўзбекистон Республикасининг «Ўзбекистон Республикасининг Марказий банки тўғрисида»ги Қонунига мувофиқ Ўзбекистон Республикаси Марказий банки бошқаруви ҳамда Иқтисодиёт ва молия вазирлиги **қарор қилади:**

1. Ўзбекистон Республикаси Марказий банки бошқаруви, Молия вазирлиги ва Давлат солиқ қўмитасининг 2011 йил 12 декабрдаги 35/4, 82 ва 2011-41-сон «Хўжалик юритувчи субъектларнинг банк ҳисобварақларидан пул маблағларини ҳисобдан чиқариш тартиби тўғрисидаги йўриқномани тасдиқлаш ҳақида»ги қарорига (рўйхат рақами 2342, 2012 йил 15 март) (Ўзбекистон Республикаси қонун ҳужжатлари тўплами, 2012 й., 11-сон, 127-модда) иловага мувофиқ ўзгартиришлар ва қўшимча киритилсин.

2. Мазкур қарор расмий эълон қилинган кундан эътиборан кучга кирилади.

Марказий банк раиси

М. НУРМУРАТОВ

Тошкент ш.,
2023 йил 10 май,
11/2-сон

Иқтисодиёт ва молия вазири

Ш. КУДБИЕВ

Тошкент ш.,
2023 йил 5 май,
11-сон

* Ушбу қарор «Қонунчилик маълумотлари миллий базаси»да 2023 йил 31 майда эълон қилинган.

Ўзбекистон Республикаси
Марказий банки бошқарувининг 2023 йил
10 майдаги 11/2-сон ҳамда Иқтисодиёт ва
молия вазирлигининг 2023 йил 5 майдаги
11-сон қарорига
ИЛОВА

**«Хўжалик юритувчи субъектларнинг банк ҳисобварақларидан
пул маблағларини ҳисобдан чиқариш тартиби тўғрисидаги
йўриқномани тасдиқлаш ҳақида»ги қарорга киритилаётган
ўзгартиришлар ва қўшимча**

1. Қарор муқаддимаси қуйидаги таҳрирда баён этилсин:

«Ўзбекистон Республикасининг Фуқаролик кодекси, Солиқ кодекси, Ўзбекистон Республикасининг «Ўзбекистон Республикасининг Марказий банки тўғрисида»ги, «Банклар ва банк фаолияти тўғрисида»ги қонунларига, Ўзбекистон Республикаси Президентининг 1998 йил 4 февралдаги ПФ–1923-сон «Ҳисоб-китоб механизмини такомиллаштириш ҳамда Ўзбекистон Республикасининг Республика бюджетига, Қорақалпоғистон Республикаси бюджетига, вилоятлар ва Тошкент шаҳар маҳаллий бюджетларига тўловлар тушишини рағбатлантириш чоралари тўғрисида»ги ва 2002 йил 30 мартдаги ПФ–3047-сон «Пул массаси ўсишини чеклаш ва молия интизомига риоя этиш масъулиятини ошириш чора-тадбирлари тўғрисида»ги фармонларига мувофиқ Ўзбекистон Республикаси Марказий банки бошқаруви ҳамда Иқтисодиёт ва молия вазирлиги **қарор қиладилар:**».

2. Йўриқномада:

а) муқаддима қуйидаги таҳрирда баён этилсин:

«Мазкур Йўриқнома хўжалик юритувчи субъектларнинг банк ҳисобварақларидан (бундан буён матнда ҳисобварақ деб юритилади) пул маблағлари уларга қўйилган талабларни қондириш учун етарли бўлмаганда, маблағларни ҳисобдан чиқариш тартибини белгилайди.»;

б) 1-бандда:

иккинчи хатбоши қуйидаги таҳрирда баён этилсин:

«ихтиёрий тугатилаётган хўжалик юритувчи субъектларнинг тугатиш ҳисобварақлари ҳамда тўловга қобилиятсизлик тартиб-таомиллари асосида очилган ҳисобварақларга.»;

тўртинчи хатбошидаги «Молия вазирлиги ва Давлат солиқ қўмитаси» деган сўзлар «Иқтисодиёт ва молия вазирлиги» деган сўзлар билан алмаштирилсин;

бешинчи хатбоши қуйидаги таҳрирда баён этилсин:

«Ўзбекистон Республикаси Вазирлар Маҳкамасининг қарорлари асосида очилган қонунчилик ҳужжатларига мувофиқ ундирувга йўл қўйилмайдиган махсус мақсадли ҳисобварақларга.»;

қуйидаги мазмундаги олтинчи хатбоши билан тўлдирилсин:

«иш ҳақи тўлаш учун банклар томонидан берилган кредитларга нисбатан қўлланилмайди.»;

в) 2-банддаги, 4-банднинг тўртинчи хатбошисидаги «пул-ҳисоб-китоб» деган сўзлар «тўлов» деган сўз билан алмаштирилсин;

г) 3-бандда:

биринчи хатбошидаги «пул-ҳисоб-китоб» деган сўзлар «тўлов» деган сўз билан алмаштирилсин;

иккинчи ва учинчи хатбошилар қўйидаги таҳрирда баён этилсин:

«Хўжалик юритувчи субъектнинг асосий ҳисобварағига давлат ижрочилари томонидан солиқ қарзи бўйича электрон инкассо топшириқномалари қўйилган тақдирда, ушбу инкассо топшириқномалари тўғрисидаги электрон хабарнома банклар томонидан шу куннинг ўзида солиқ органига юборилади.

Солиқ органи кейинги иш кунидан кечиктирмай, ушбу электрон хабарнома асосида ўз инкассо топшириқномаларини банклардан чақириб олади.»;

тўртинчи ва бешинчи хатбошилар чиқариб ташлансин;

д) 4-банднинг иккинчи хатбошиси қўйидаги таҳрирда баён этилсин:

«Мазкур маълумотлар Банк депозиторларининг миллий ахборотлар базаси орқали Иқтисодиёт ва молия вазирлиги ҳузуридаги Солиқ қўмитасига ахборот тариқасида юборилади.»;

е) 5-банднинг «а» кичик банди иккинчи хатбошисидаги «бирга шу ойнинг кейинги декадаси биринчи санасига, жорий ойнинг учинчи декадаси ва кейинчалик эса кейинги ойнинг учинчи санасигача банкка тақдим қилинади» деган сўзлар «бирга бир ойда бир марта банкка тақдим қилинади, ойнинг охириги иш куни бундан мустасно» деган сўзлар билан алмаштирилсин;

ж) 6-банд қўйидаги таҳрирда баён этилсин:

«6. Хўжалик юритувчи субъектнинг миллий валютадаги ҳисобварақларидаги маблағлар қўйилган талабларни қондириш учун етарли бўлмаса, хизмат кўрсатувчи банк солиқ органларининг топшириқномаси асосида мазкур хўжалик юритувчи субъектнинг чет эл валютасидаги ҳисобварағида мавжуд бўлган маблағнинг ушбу талабларни қондириш учун етарли бўлган миқдордаги қисмини кейинги иш кунидан кечиктирмай банк томонидан чет эл валютасининг сўмга нисбатан белгиланган курсда сотади.»;

з) 2-бўлимнинг номидаги «пул-ҳисоб-китоб» деган сўзлар «тўлов» деган сўз билан алмаштирилсин;

и) 11-бандда:

иккинчи хатбошидаги «бошқа мажбурий тўловлари» деган сўзлар «йиғимлар» деган сўз билан алмаштирилсин;

учинчи хатбоши қўйидаги таҳрирда баён этилсин:

«солиқ органининг мажбуриятга эга шахсларнинг ҳисобварақларидан пул маблағларини ҳисобдан чиқариш ва бюджетга ўтказишга доир инкассо топшириқномалари;»;

к) 1-илова ўз кучини йўқотган деб топилсин;

л) 2-иловадаги «ягона ижтимоий тўлов» деган сўзлар «ижтимоий солиқ» деган сўзлар билан алмаштирилсин.

ЎЗБЕКИСТОН РЕСПУБЛИКАСИ АДЛИЯ ВАЗИРИНИНГ
БУЙРУҒИ**189** Электрон ҳисоблаш машиналари учун яратилган дастурлар ва маълумотлар базасини расмий рўйхатдан ўтказиш қоидаларини тасдиқлаш тўғрисида*

*Ўзбекистон Республикаси Адлия вазирлиги томонидан 2023 йил
30 майда рўйхатдан ўтказилди, рўйхат рақами 3436*

Ўзбекистон Республикасининг «Электрон ҳисоблаш машиналари учун яратилган дастурлар ва маълумотлар базаларининг ҳуқуқий ҳимояси тўғрисида»ги Қонунига мувофиқ **бюраман:**

1. Электрон ҳисоблаш машиналари учун яратилган дастурлар ва маълумотлар базасини расмий рўйхатдан ўтказиш қоидалари 1-иловага мувофиқ тасдиқлансин.

2. Айрим идоравий норматив-ҳуқуқий ҳужжатлар 2-иловага мувофиқ ўз кучини йўқотган деб топилсин.

3. Мазкур буйруқ расмий эълон қилинган кундан эътиборан кучга киради.

Вазир**А. ТАШКУЛОВ**

Тошкент ш.,
2023 йил 29 май,
7-мҳ-сон

Ўзбекистон Республикаси
адлия вазирининг 2023 йил 29 майдаги
7-мҳ-сон буйруғига
1-ИЛОВА

**Электрон ҳисоблаш машиналари учун яратилган дастурлар ва
маълумотлар базасини расмий рўйхатдан ўтказиш
ҚОИДАЛАРИ**

Мазкур Қоидалар электрон ҳисоблаш машиналари (бундан буён матнда ЭҲМ деб юритилади) учун яратилган дастурлар ва маълумотлар базасини расмий рўйхатдан ўтказиш учун талабномани тузиш, топшириш ва кўриб чиқиш тартибини белгилайди.

1-боб. Умумий қоидалар

1. Мазкур Қоидаларда қуйидаги асосий тушунчалар қўлланилади:

Ахборот тизими — Ўзбекистон Республикаси Адлия вазирлигининг

* Ушбу буйруқ «Қонунчилик маълумотлари миллий базаси»да 2023 йил 1 июнда эълон қилинган.

«Саноат мулки муҳофазаси портали» бўлиб, бевосита ўзига ва Ўзбекистон Республикаси Ягона интерактив давлат хизматлари портали орқали келиб тушган талабномаларни қабул қилувчи ва улар бўйича тегишли амалларни бажарувчи махсус тизим;

Қонун — Ўзбекистон Республикасининг «Электрон ҳисоблаш машиналари учун яратилган дастурлар ва маълумотлар базаларининг ҳуқуқий ҳимояси тўғрисида»ги Қонуни;

Вазирлик — Ўзбекистон Республикаси Адлия вазирлиги;

Муассаса — Ўзбекистон Республикаси Адлия вазирлиги ҳузуридаги «Интеллектуал мулк маркази» давлат муассасаси;

талабнома — ЭҲМ учун яратилган дастур ёки маълумотлар базасини расмий рўйхатдан ўтказиш учун талабнома;

ҳуқуқ эгаси — муаллиф, унинг меросхўри, шунингдек қонун ёки шартнома асосида мутлақ шахсий ва мулкый ҳуқуқларга эга бўлган ҳар қандай жисмоний ёки юридик шахс.

2-боб. ЭҲМ учун яратилган дастурни ёки маълумотлар базасини расмий рўйхатдан ўтказиш учун талабнома

2. Қонуннинг 9-моддаси иккинчи қисмига мувофиқ талабнома ЭҲМ учун яратилган битта дастур ёки битта маълумотлар базасига тааллуқли бўлиши керак.

3. Талабнома қуйидагиларни ўз ичига олиши лозим:

а) ЭҲМ учун яратилган дастур ёки маълумотлар базаси муаллифи (ҳаммуаллифлари) ва номига ЭҲМ учун яратилган дастур ёки маълумотлар базасини рўйхатдан ўтказиш сўралаётган шахс (бундан буён матнда талабнома берувчи деб юритилади), шунингдек уларнинг манзили кўрсатилган, мазкур Қоидаларнинг 1-иловасига* мувофиқ шаклдаги расмий рўйхатдан ўтказиш тўғрисида ариза;

б) ЭҲМ учун яратилган дастур ёки маълумотлар базасини идентификация қиладиган депонентланган материаллар, шу жумладан реферат.

4. Талабнома берганлик учун Ўзбекистон Республикасининг «Давлат божи тўғрисида»ги Қонунида белгиланган миқдорда давлат божи тўланади ёки талабномага давлат божини тўлашдан озод қилиш, унинг миқдорини камайтириш учун асосларни тасдиқловчи ҳужжат илова қилинади.

Бунда, Ўзбекистон Республикаси жисмоний ва юридик шахслари томонидан давлат божи тўланганлигини қўшимча ҳужжат талаб қилмасдан Вазирлик томонидан ахборот тизимлари орқали мустақил равишда текширилади.

Чет эл юридик ва жисмоний шахслари томонидан талабномага белгиланган миқдорда давлат божи тўланганлиги тўғрисидаги тўлов ҳужжати илова қилинади.

5. Вакил орқали топширилган аризага талабнома берувчи томонидан берилган ва вакилнинг ваколатларини тасдиқлайдиган ишончнома илова қилинади.

* 1-илова «Қонунчилик маълумотлари миллий базаси»да эълон қилинган.

6. Талабнома ҳужжатлари давлат тилида тақдим этилади.

Агар талабнома ҳужжатлари хорижий тилда бўлса, у ҳолда талабномага уларнинг давлат тилидаги таржимаси илова қилинади. Талабнома ҳужжатларининг давлат тилидаги таржимаси нотариал тартибда тасдиқланиши лозим.

Хорижий исм-фамилиялар, ташкилотлар ва асарларнинг (ЭҲМ учун яратилган дастурлар ёки маълумотлар базаси) номлари давлат тилидаги транслитерацияда кўрсатилади.

7. Аризанинг (71)-коди остидаги «Хуқуқ эгаси (Талабнома берувчи)» графасида талабнома берувчи (талабнома берувчилар) тўғрисидаги маълумотлар (жисмоний шахснинг фамилияси, исми (отасининг исми), бунда фамилия исмдан аввал кўрсатилади, ёки юридик шахснинг расмий номи (таъсис ҳужжати бўйича), шунингдек тегишлича уларнинг манзиллари, шу жумладан мамлакатнинг расмий номи ва тўлиқ почта манзили ҳамда Бутунжаҳон интеллектуал мулк ташкилотининг (бундан буён матнда БИМТ деб юритилади) ST.3 стандарти бўйича мамлакат коди (агар у ўрнатилган бўлса) кўрсатилади.

Агар талабнома берувчилар сони бир нечта бўлса, тегишли маълумотлар уларнинг ҳар бири учун кўрсатилади.

ЭҲМ учун яратилган дастур ёки маълумотлар базаси муаллифлари бўлган талабнома берувчиларнинг турар жойлари тўғрисидаги маълумотлар аризанинг фақат (72)-код остидаги «Муаллиф(лар)» графасида кўрсатилади. Ушбу графанинг ўзида талабнома берувчи ЭҲМ учун яратилган дастурнинг ёки маълумотлар базасининг муаллифи, муаллифнинг иш берувчиси ёки уларнинг ҳуқуқий вориси эканлиги тегишли катакчада «X» белгисини қўйиш орқали белгиланади.

Номига рўйхатдан ўтказиш сўралаётган юридик шахсларнинг расмий номи (таъсис ҳужжати бўйича), СТИР ёки ЖШШИР, жойлашган ери манзиллари кўрсатилади.

Номига ЭҲМ учун яратилган дастур ёки маълумотлар базасини рўйхатдан ўтказиш сўралаётган Ўзбекистон Республикаси ҳудудидан ташқарида доимий яшовчи жисмоний шахслар ёки чет эллик юридик шахслар учун БИМТ ST.3 стандарти бўйича тегишли мамлакат коди (агар у белгиланган бўлса) кўрсатилади.

8. Аризанинг (54)-коди остидаги «Рўйхатдан ўтказилаётган ЭҲМ учун яратилган дастур ёки маълумотлар базаси номи» графасида рўйхатдан ўтказилаётган ЭҲМ учун яратилган дастур ёки маълумотлар базаси номи кўрсатилади.

«Аввалги ёки муқобил номи» графасида ЭҲМ учун яратилган дастур ёки маълумотлар базасининг аввалги ёки муқобил номи кўрсатилади. Ушбу графа рўйхатдан ўтказилаётган ЭҲМ учун яратилган дастур ёки маълумотлар базаси аввал «Рўйхатдан ўтказилаётган ЭҲМ учун яратилган дастур ёки маълумотлар базаси номи» графасида кўрсатилгандан бошқача номланган ёки айни пайтда бошқа номга (қўшимча равишда) эга бўлган ҳолларда тўлдирилади.

«Жамлама асар номи» графасида рўйхатдан ўтказилаётган ЭҲМ учун яратилган дастур ёки маълумотлар базасини қисм сифатида ўз таркибига

олган жамлама асар номи кўрсатилади. Ушбу графа рўйхатдан ўтказилаётган ЭҲМ учун яратилган дастур ёки маълумотлар базаси жамлама асарнинг бир қисми ҳисобланганда тўлдирилади.

ЭҲМ учун яратилган дастур ёки маълумотлар базасини рўйхатдан ўтказиш учун талабнома топширилгунга қадар рўйхатдан ўтказиш факти мавжуд бўлган ҳолларда тўлдириладиган «Аввал рўйхатдан ўтказилганлиги тўғрисида маълумотлар» графасида ЭҲМ учун яратилган дастур ёки маълумотлар базасининг аввалги рўйхатдан ўтказилган рақами ва санаси кўрсатилади.

«Рўйхатдан ўтказилаётган ЭҲМ учун яратилган дастур ёки маълумотлар базаси яратилган сана» графасида рўйхатдан ўтказилаётган ЭҲМ учун дастур ёки маълумотлар базасининг яратилган санаси кўрсатилади.

«Рўйхатдан ўтказилаётган ЭҲМ учун яратилган дастур ёки маълумотлар базаси биринчи бор эълон қилинган жой ва сана» графасида рўйхатдан ўтказилаётган ЭҲМ учун яратилган дастур ёки маълумотлар базаси биринчи бор эълон қилинган мамлакат номи ва сана кўрсатилади.

«Муаллифлик ҳуқуқи объектлари бўлган асарлар тўғрисидаги маълумотлар» графасида рўйхатдан ўтказилаётган ЭҲМ учун дастур ёки маълумотлар базасини яратишда фойдаланилган ва муаллифлик ҳуқуқи объектлари ҳисобланган асарлар тўғрисидаги маълумотлар кўрсатилади.

Аризанинг 98-кодли «Ёзишмалар учун манзил» графасида хат олувчининг тўлиқ почта манзили, номи (юридик шахс учун) ёки исми (жисмоний шахс учун), телефон рақами кўрсатилади.

Ёзишмалар учун манзил сифатида Ўзбекистон Республикаси ҳудудида жойлашган манзил кўрсатилади.

Аризанинг «Илова қилинаётган ҳужжатлар рўйхати» графаси илова қилинаётган ҳужжатларнинг варақлари сони кўрсатилган ҳолда тегишли каттачаларда «X» белгисини қўйиб чиқиш орқали тўлдирилади.

Ариза шаклида назарда тутилмаган илова қилинадиган ҳужжатлар «бошқа ҳужжатлар» каттачасида аниқ кўрсатилади.

9. Аризанинг (72)-коди остидаги «Муаллифлар» ва «Тўлиқ турар манзили» графаларида муаллиф (муаллифлар) тўғрисидаги маълумотлар (фамилияси, исми (отасининг исми), мамлакат номи ва унинг БИМТ ST.3 стандарти бўйича кодини ўз ичига олган манзил, шу жумладан почта манзили) кўрсатилади.

Агар муаллиф ЭҲМ учун яратилган дастур ёки маълумотлар базасининг рўйхатдан ўтказилганлиги тўғрисидаги маълумотларни эълон қилишда муаллиф сифатида кўрсатилмасликни (аноним ҳолда қолишни) ёки тахаллус остида кўрсатилишни сўраган бўлса, «Эълон қилинганида муаллиф эслатиб ўтилсин» графасида «X» белгиси қўйилади ёки муаллифнинг тахаллуси кўрсатилади.

10. Ариза Ахборот тизими орқали тўлдирилганидан сўнг ариза берувчи томонидан маълумотлар тўғри ва тўлиқлиги текширилади ҳамда тасдиқланади. Юридик шахс номидан топшириладиган ариза ташкилот раҳбари ёки бошқа вакил қилинган шахс томонидан унинг лавозими кўрсатилган ҳолда тасдиқланади.

Чет эллик юридик ва жисмоний шахслар аризани почта алоқаси орқали топширишда у имзолаш йўли билан тасдиқланади. Бунда тегишли маълумотлар қўшимча варақларда келтирилганда уларнинг ҳар бири имзоланади.

Ариза икки ва ундан ортик талабнома берувчилар томонидан топширилганда, ариза талабнома берувчиларнинг келишувига мувофиқ уларнинг бири томонидан тасдиқланади.

ЭХМ учун яратилган дастурни идентификация қилувчи материаллар бошланғич матни (муайян дастурлаш тилида ёзилган, муайян компилятор қайта ишламаган матннинг тўлиқ ёки фрагментлари) 10 МБгача ҳажмдаги .pdf форматда тақдим қилинади. Шу билан бирга, материалларнинг таркибига уни ишлаб чиқиш давомида олинган тайёрлов материалларини ҳамда унинг томонидан ҳосил қилинадиган исталган визуал ва аудиовизуал файлларни 10 МБгача ҳажмдаги .zip форматда киритишга йўл қўйилади.

Расмий рўйхатдан ўтказилаётган маълумотлар базасини идентификация қилиш мақсадида ундаги маълумотларни тақдим этишнинг объектив шакли ва мажмуавийлигининг ташкил қилганлигини ҳамда уларнинг бир тизимга келтирилганлигининг акс этиши учун мазкур маълумотлар 10 МБгача ҳажмдаги .pdf форматда тақдим қилинади.

ЭХМ учун яратилган дастур ёки маълумотлар базасини идентификация қиладиган депонентланган материаллар объектнинг номи, ҳуқуқ эгаси ва барча муаллифлар кўрсатилган титул варағини ўз ичига олиши керак.

11. Агар рўйхатдан ўтказиш учун талабнома топширилгунга қадар ушбу ЭХМ учун яратилган дастур ёки маълумотлар базаси эълон қилинган бўлса, ҳуқуқ эгаси аризада муаллифлик ҳуқуқини муҳофаза қилиш белгисини кўрсатиши мумкин.

12. ЭХМ учун яратилган дастур ёки маълумотлар базаси учун реферат қуйидаги маълумотларни ўз ичига олади:

а) ЭХМ учун яратилган дастур ёки маълумотлар базасининг номи (аризада кўрсатилган номи билан бир хилда);

б) ЭХМ учун яратилган дастур ёки маълумотлар базасининг вазифаси, қўлланилиш соҳаси ва функционал имкониятлари очиб берилган аннотация (ўртача ҳажми 700 белгидан иборат);

в) ЭХМнинг тоифаси;

г) ЭХМ учун яратилган дастур тили;

д) маълумотлар базасини бошқариш тизимининг тури ва версияси;

е) операцион тизим тури ва версияси;

ж) ЭХМ учун яратилган дастур ёки маълумотлар базасининг ҳажми (килобайтда).

13. Талабномада одоб-ахлоқ ва жамоат тартибига зид иборалар, расмлар, тасвирлар ва бошқа материаллар, бошқа шахсларнинг талабномалари ёки асарларига нисбатан асоссиз ва ноўрин фикрлар, талабномага бевосита тааллуқли бўлмаган ёхуд талабнома ҳужжатларини ушбу Қоидаларнинг талабларига мувофиқ деб эътироф этиш учун зарур бўлмаган маълумотлар ва фикрлар бўлмаслиги лозим.

14. ЭХМ учун яратилган дастур ёки маълумотлар базасининг аннота-

цияси ва материалларида илмий ва техникавий адабиётларда қўлланилган атамалар ва қисқартмалардан фойдаланилади. Бунда, илмий-техникавий адабиётларда қўлланилмайдиган атамалар ва қисқартмалар ёзилганда, уларнинг маъноси матнда биринчи марта қўлланилган ўринда тушунтириб ўтилади.

Илмий-техникавий адабиётларда илмий бўлмаган тушунчалар ва рефератда таърифловчи деб ҳисобланган терминлардан фойдаланишга йўл қўйилмайди.

Ҳамма шартли белгилар очиб кўрсатилиши лозим.

3-боб. Талабномани топшириш

15. Қонуннинг 9-моддаси биринчи қисмига мувофиқ ҳуқуқ эгаси талабномани топшириш ҳуқуқига эга.

Талабнома Вазирликка Ахборот тизими орқали топширилади.

16. Чет эллик юридик ва жисмоний шахслар томонидан талабнома Вазирликка почта орқали берилади. Бунда талабнома Вазирлик томонидан дарҳол Ахборот тизимига киритилади.

Талабнома топширилгандан кейинги босқичлардаги барча ҳаракатлар Ахборот тизими орқали амалга оширилади.

17. Талабнома бевосита талабнома берувчи томонидан ёки унинг вакили орқали топширилиши мумкин.

18. Вазирликка талабларни бузиб тақдим этилган материаллар бўйича Муассаса томонидан сўровнома юборилади ва унда сўровномада кўрсатилган муддатда тузатилган ёки етишмаётган материалларни тақдим этиш таклиф қилинади. Талабнома берувчи ёки унинг вакили бўлмаган шахслар томонидан тақдим этилган материаллар кўриб чиқилмайди. Бундай материалларни топширган шахсга тегишли билдиришнома юборилади.

19. Талабнома бўйича ишларни олиб бориш ва талабномани кўриб чиқишда ўз манфаатларини ҳимоя қилиш учун талабнома берувчи ишончнома бериш орқали вакил тайинлаши мумкин.

Вазирлик ва Муассаса олдида вакиллик қилиш учун Ўзбекистон Республикасида расмийлаштирилладиган ишончнома оддий ёзма равишда тузилади.

Агар ишончнома хорижий тилда берилган бўлса, унга давлат тилидаги таржимаси илова қилинади.

Агар ишончнома бир нечта шахс номига берилган бўлса, у холда ишлар уларнинг исталгани томонидан олиб борилиши мумкин.

4-боб. Талабнома ҳужжатларига қўшимчалар, аниқликлар ва тузатишлар киритиш

20. Расмий ахборотномада рўйхатдан ўтказилган ЭҲМ учун яратилган дастур ёки маълумотлар базаси тўғрисида маълумотлар эълон қилингунга қадар талабнома берувчи ўз ташаббуси билан талабнома материалларига талабнома берилган ЭҲМ учун яратилган дастур ёки маълумотлар базасининг моҳиятини ўзгартирмаган ҳолда ва тегишли давлат бојини тўлаш

шарти билан қўшимчалар, аниқликлар ва тузатишлар киритиш ҳуқуқига эга.

21. Талабнома материалларига қўшимчалар, аниқликлар ва тузатишлар киритиш талабнома берувчи томонидан тегишли аризалар ва алмаштириладиган варақларни Ахборот тизими орқали топшириш йўли билан амалга оширилади. Ариза шакллари ушбу Қоидаларга берилган 2- ва 3-иловаларда* келтирилган.

Талабнома берувчи аризани кўриб чиқиш натижалари тўғрисида 10 кун ичида хабардор қилинади.

Аризага талабнома материалларига ўзгартиришлар киритиш учун давлат божи тўланади.

Белгиланган миқдордаги давлат божи тўланмаган тақдирда юридик аҳамиятга молик ҳаракатлар амалга оширилмайди ва бу ҳақида талабнома берувчига хабар берилади. Тўланган давлат божининг суммаси белгиланган миқдорга тўғри келмаган ҳолларда талабнома берувчи давлат божининг етмаётган қисмини Муассаса томонидан билдиришнома юборилган санадан бошлаб уч ой мобайнида тўлаш ҳуқуқига эга.

22. Талабнома берувчи — юридик шахснинг номи ёки талабнома берувчи — жисмоний шахснинг фамилияси (исми, отасининг исми) ўзгартирилганда Вазирликка Ахборот тизими орқали ариза берилади ва ушбу ўзгартиришларни тасдиқловчи ҳужжат тақдим этилади. Ариза шакли ушбу Қоидаларга берилган 2-иловада келтирилган.

23. Вазирлик тегишли талабнома рақами ва унга киритилиши лозим бўлган тузатишлар кўрсатилган ҳолда талабнома берувчи ёки унинг вакили томонидан тасдиқланган тузатишлар киритиш тўғрисидаги аризани Ахборот тизими орқали қабул қилади. Ариза шакли ушбу Қоидаларга берилган 3-иловада келтирилган.

24. Талабноманинг депонентланадиган материалларига қўшимчалар, аниқликлар ва тузатишларни киритиш талабнома берувчи томонидан тегишли алмаштириладиган варақларни Ахборот тизими орқали топшириш йўли билан амалга оширилади.

5-боб. Талабномани кўриб чиқиш

25. Вазирликка келиб тушган талабнома материаллари, агар ушбу ҳужжатлар камида расмий рўйхатдан ўтказиш учун аризани ўз ичига олса ҳамда белгиланган миқдорда давлат божи тўланганда ёки тўловни тўлашдан озод қилиш ёхуд унинг миқдорини камайтириш учун асосларни тасдиқлайдиган ҳужжат тақдим қилинса, улар келиб тушган сана кўрсатилган ҳолда талабнома сифатида рўйхатдан ўтказилади.

26. Вазирлик талабномани қабул қилиб, рўйхатга олганидан сўнг талабнома берувчига талабноманинг рақами, келиб тушган санаси ва Ахборот тизимида талабнома бўйича кейинги хизматлардан фойдаланиш учун кузатув коди кўрсатилган хабарномани тегишли равишда Ахборот тизими орқали

* 2-3-иловалар «Қонунчилик маълумотлари миллий базаси»да эълон қилинган.

автоматик тарзда ёхуд почта алоқаси орқали юборди. Талабнома берувчига юборилган кузатув коди махфийлигини таъминлаш масъулияти унинг ўзига юклатилади.

Рўйхатдан ўтказилган талабнома материаллари қайтарилмайди.

27. Қонуннинг 9-моддасига мувофиқ талабнома келиб тушганидан сўнг керакли бўлган ҳужжатларнинг мавжудлиги ва уларнинг ушбу Қоидаларнинг талабларига мувофиқлиги текширилади.

Текширув ушбу Қоидалар талабларига мувофиқ расмийлаштирилган талабноманинг келиб тушган санасидан эътиборан ўн кун ичида амалга оширилади.

28. Агар текширув жараёнида талабнома ушбу Қоидаларнинг талаблари бузилган ҳолда расмийлаштирилганлиги аниқланса, талабнома берувчига аниқланган камчиликлар кўрсатилган ва етмаётган ёки тузатилган маълумотлар ва/ёки ҳужжатларни икки ой муддатда тақдим этиш таклиф қилинган сўровнома юборилади.

Талабноманинг текширув муддати сўровнома юборилган санадан бошлаб мазкур сўровномага жавоб келиб тушгунга қадар тўхтатиб турилади.

29. Текширув натижасида талабнома материаллари Қонун ва мазкур Қоидаларда белгиланган талабларга мувофиқ бўлса, ЭҲМ учун яратилган дастур ёки маълумотлар базасини расмий рўйхатдан ўтказиш тўғрисида қарор қабул қилинади ва шу куннинг ўзида талабнома берувчига юборилади.

30. Белгиланган миқдордаги давлат божи тўлангач Вазирлик Қонуннинг 9-моддасига мувофиқ ЭҲМ учун яратилган дастур ёки маълумотлар базасини Дастурий маҳсулотлар давлат реестрида ёки Маълумотлар базалари давлат реестрида бир иш кuni ичида расмий рўйхатга олади ва Ахборот тизими орқали талабнома берувчига унинг рўйхатдан ўтказилганлиги тўғрисидаги гувоҳномани электрон шаклда юборди.

ЭҲМ учун яратилган дастур ёки маълумотлар базасининг расмий рўйхатдан ўтказилгани тўғрисидаги маълумотлар Вазирлик томонидан автоматик тарзда унинг расмий ахборотномасида эълон қилинади.

Талабнома берувчининг хоҳишига кўра расмий рўйхатдан ўтказилганлиги тўғрисидаги гувоҳнома почта алоқаси орқали кўрсатилган манзилга юборилиши мумкин.

31. Текширув натижасида талабнома материаллари Қонун ва мазкур Қоидалар талабларига зид бўлса, ЭҲМ учун яратилган дастурни ёки маълумотлар базасини расмий рўйхатдан ўтказишни рад этиш тўғрисида қарор қабул қилинади.

Бунда, мазкур Қоидаларда (шу жумладан Муассаса сўровномасида) кўрсатилган ҳужжатлар тақдим этилмаган, шунингдек ҳужжатлар мазкур Қоидалар (шу жумладан Муассаса сўровномаси) талабларига мувофиқ тарзда расмийлаштирилмаган ҳолатлардагина зид бўлиши мумкин.

32. ЭҲМ учун яратилган дастурни ёки маълумотлар базасини расмий рўйхатдан ўтказиш ёхуд уларни рўйхатдан ўтказишни рад этиш тўғрисидаги қарорда тегишли қарорни қабул қилиш асослари кўрсатилади.

33. Хабарнома, текширув натижаларининг қарорлари ва ЭҲМ учун яра-

тилган дастур ёки маълумотлар базасининг расмий рўйхатдан ўтказилгани тўғрисидаги гувоҳнома электрон шаклда QR-код (матрик штрихли кодли) билан тасдиқланиб юборилади.

Ўзбекистон Республикаси
адлия вазирининг 2023 йил 29 майдаги
7-мх-сон буйруғига
2-ИЛОВА

**Ўз кучини йўқотган деб топилаётган идоравий
норматив-ҳуқуқий ҳужжатлар
РЎЙХАТИ**

1. Ўзбекистон Республикаси Давлат патент идораси директорининг 2004 йил 18 августдаги 45-сон «Электрон ҳисоблаш машиналари учун дастурларни расмий рўйхатдан ўтказиш учун талабномани ва маълумотлар базаларини расмий рўйхатдан ўтказиш учун талабномани тузиш, топшириш ва кўриб чиқиш қоидаларини тасдиқлаш тўғрисида»ги буйруғи (рўйхат рақами 1402, 2004 йил 6 сентябрь) (Ўзбекистон Республикаси қонун ҳужжатлари тўплами, 2004 й., 36-сон, 402-модда).

2. Ўзбекистон Республикаси Интеллектуал мулк агентлиги бош директорининг 2011 йил 26 августдаги 37-сон «Электрон ҳисоблаш машиналари учун дастурларни расмий рўйхатдан ўтказиш учун талабномани ва маълумотлар базаларини расмий рўйхатдан ўтказиш учун талабномани тузиш, топшириш ва кўриб чиқиш қоидаларига ўзгартиришлар киритиш ҳақида»ги буйруғи (рўйхат рақами 1402-1, 2011 йил 30 сентябрь) (Ўзбекистон Республикаси қонун ҳужжатлари тўплами, 2011 й., 40-сон, 426-модда).

3. Ўзбекистон Республикаси Интеллектуал мулк агентлиги бош директорининг 2013 йил 15 апрелдаги 68-сон «Электрон ҳисоблаш машиналари учун дастурларни расмий рўйхатдан ўтказиш учун талабномани ва маълумотлар базаларини расмий рўйхатдан ўтказиш учун талабномани тузиш, топшириш ва кўриб чиқиш қоидаларига ўзгартиришлар ва қўшимча киритиш ҳақида»ги буйруғи (рўйхат рақами 1402-2, 2013 йил 7 май) (Ўзбекистон Республикаси қонун ҳужжатлари тўплами, 2013 й., 19-сон, 243-модда).

ЎЗБЕКИСТОН РЕСПУБЛИКАСИ
СОҒЛИҚНИ САҚЛАШ ВАЗИРИНИНГ
БУЙРУҒИ

190 Алоҳида ҳолатларда тиббиёт муассасасида беморлар томонидан олиб келинган дори воситалари ва тиббий буюмларни ишлатишга рухсат бериш тартиби тўғрисидаги низомни тасдиқлаш ҳақида*

*Ўзбекистон Республикаси Адлия вазирлиги томонидан 2023 йил
30 майда рўйхатдан ўтказилди, рўйхат рақами 3437*

Ўзбекистон Республикаси Президентининг 2022 йил 26 октябрдаги ПҚ–411-сон «Аҳолини сифатли дори воситалари ва тиббий буюмлар билан таъминлаш юзасидан қўшимча чора-тадбирлар тўғрисида» қарорига мувофиқ **буюраман:**

1. Алоҳида ҳолатларда тиббиёт муассасасида беморлар томонидан олиб келинган дори воситалари ва тиббий буюмларни ишлатишга рухсат бериш тартиби тўғрисидаги низом иловага мувофиқ тасдиқлансин.

2. Мазкур буйруқ расмий эълон қилинган кундан эътиборан кучга киради.

Вазир

А. ИНОЯТОВ

Тошкент ш.,
2023 йил 25 май,
13-сон

Ўзбекистон Республикаси
соғлиқни сақлаш вазирининг 2023 йил
25 майдаги 13-сон буйруғига
ИЛОВА

**Алоҳида ҳолатларда тиббиёт муассасасида беморлар томонидан
олиб келинган дори воситалари ва тиббий буюмларни
ишлатишга рухсат бериш тартиби тўғрисидаги
НИЗОМ**

Мазкур Низом алоҳида ҳолатларда тиббиёт муассасасида беморлар томонидан олиб келинган дори воситалари ва тиббий буюмларни ишлатишга рухсат бериш тартибини белгилайди.

1-боб. Умумий қоидалар

1. Мазкур Низом Ўзбекистон Республикаси Президентининг «Соғлиқ-

* Ушбу буйруқ «Қонунчилик маълумотлари миллий базаси»да 2023 йил 1 июнда эълон қилинган.

ни сақлаш соҳасида ихтисослаштирилган тиббий ёрдам кўрсатиш тизимини янада такомиллаштириш чора-тадбирлари тўғрисида» 2021 йил 28 июлдаги ПҚ–5199-сон қарорига мувофиқ Давлат тиббий суғуртаси жамғармаси орқали молиялаштириш тизимига ўтказилган республика даражасидаги давлат стационар тиббиёт муассасаларида (бундан буён матнда тиббиёт муассасаси деб юритилади) алоҳида ҳолатларда беморлар томонидан олиб келинган дори воситалари ва тиббий буюмларни ишлатишга нисбатан татбиқ этилади.

2. Ушбу Низомда қуйидаги асосий тушунчалар қўлланилади:

алоҳида ҳолатлар — тиббиёт муассасасига даволаниш учун келган беморлар томонидан уларнинг тегишли асосий касалликларини, шунингдек уларда олдиндан мавжуд бўлган ёндош сурункали ва атрофдагилар учун хавф туғдирадиган касалликларни даволаш учун шифокор томонидан ёзилган рецепт асосида шу кунга қадар қабул қилаётган дори воситалари ва тиббий буюмларнинг тиббиёт муассасасига фойдаланиш мақсадида олиб келиниши;

ёндош сурункали ва атрофдагилар учун хавф туғдирадиган касалликлар — сил, ўсма касалликлари, жинсий йўл билан ўтадиган касалликлар, ортирилган иммунитет танқислиги синдроми, мохов, руҳий касалликлар, юрак-қон томир касалликлари, эндокринологик ва наркологик касалликлар.

3. Тиббиёт муассасасида беморларни дори воситалари ва тиббий буюмлар билан таъминлаш харажатлар сметаси бўйича ажратилиши кўзда тутилган маблағлар ҳисобидан кафолатланган тиббий хизматлар ва дори воситалари пакети доирасида бепул, қолган ҳолларда пулли асосда шифохонага кирим қилинган нархларда амалга оширилади.

Бунда, беморлар тиббиёт муассасасига даволаниш учун келганда, улар ўзларининг асосий касалликларини, шунингдек уларда олдиндан мавжуд бўлган ёндош сурункали ва атрофдагилар учун хавф туғдирадиган касалликларни даволаш учун шифокор томонидан ёзилган рецепт асосида шу кунга қадар қабул қилаётган дори воситалари ва тиббий буюмларни (бундан буён матнда дори воситалари ва тиббий буюмлар деб юритилади) тиббиёт муассасасига фойдаланиш мақсадида олиб келиши мумкин.

2-боб. Беморлар томонидан олиб келинган дори воситалари ва тиббий буюмларни ишлатишга рухсат бериш, уларни сақлаш ва қўллаш

4. Беморлар томонидан тиббиёт муассасасига олиб келинган дори воситалари ва тиббий буюмларни ишлатишга рухсат беришда даволовчи шифокор томонидан:

ушбу дори воситалари ва тиббий буюмларнинг шифокор томонидан ёзилган рецептда кўрсатилганлиги;

дори воситалари ва тиббий буюмларнинг ўрамида кўрсатилган яроқлилик муддати, бирламчи ва иккиламчи ўрамдаги маълумотларнинг мос келиши, ташқи кўринишининг бутлиги;

беморнинг хозирги ҳолатидаги касалликнинг тури ва оғирлик даражаси, касалликнинг кечиши, беморнинг ёши, вазни, шунингдек дори воситалари-

нинг тиббиётда қўлланилишига доир йўриқномаларида кўрсатилган қарши кўрсатмалар, ножўя таъсирлар ҳамда дори воситаларининг ўзаро таъсирлашуви тўғрисидаги маълумотлар текширилади.

Бунда, беморлар томонидан тиббиёт муассасасига олиб келинган дори воситалари ва тиббий буюмлар ушбу банднинг иккинчи — тўртинчи хатбошиларида назарда тутилган талабларга жавоб берганда, даволовчи шифокор томонидан шу тиббиёт муассасасининг тор мутахассиси билан маслаҳатлашилган ҳолда мазкур дори воситалари ва тиббий буюмларни ишлатишга рухсат берилади.

5. Бемор томонидан олиб келинган дори воситалари ва тиббий буюмлар мазкур Низомнинг 4-банди иккинчи — тўртинчи хатбошиларида назарда тутилган талабларга жавоб бермаса, ушбу дори воситалари ва тиббий буюмларни ишлатишга рухсат берилмайди.

6. Беморлар томонидан олиб келинган ва алоҳида сақлаш шароитларини талаб этмайдиган дори воситалари ва тиббий буюмлар бемор жойлаштирилган хонада сақланади.

Алоҳида сақлаш шароитларини талаб этадиган дори воситалари ва тиббий буюмлар эса тиббиёт муассасасининг муолажа хонасида (шу жумладан ушбу хонадаги музлатгичда) сақланади.

7. Тиббиёт муассасасининг даволовчи шифокори беморлар томонидан олиб келинган дори воситалари ва тиббий буюмларнинг сарфланиши бўйича маълумотларни ҳар куни касаллик тарихига қайд этиб боради ҳамда киритилган маълумотларнинг тўғрилиги учун жавобгар ҳисобланади.

3-боб. Тиббиёт муассасаси ходимлари (даволовчи шифокор, бўлим ҳамшираси) ва беморларнинг дори воситалари ва тиббий буюмларнинг тиббиёт муассасасига олиб келиниши ҳамда ишлатилишидаги ҳуқуқ ва мажбуриятлари

8. Қуйидагилар тиббиёт муассасаси ходимлари (даволовчи шифокор ҳамда бўлим ҳамшираси)нинг ҳуқуқлари ҳисобланади:

беморлар томонидан тиббиёт муассасасига олиб келинган дори воситалари ва тиббий буюмлар алоҳида сақлаш шароитларини талаб этадиган бўлса, ушбу дори воситалари ва тиббий буюмларни тиббиёт муассасасининг муолажа хонасида (шу жумладан ушбу хонадаги музлатгичда) сақлаш учун беморлардан талаб қилиб олиш;

беморлар томонидан тиббиёт муассасасига шифокор рецептида кўрсатилмаган дори воситалари ва тиббий буюмлар олиб келинган тақдирда, ушбу дори воситалари ва тиббий буюмларни тиббиёт муассасасига қабул қилмаслик ҳамда ишлатишга рухсат бермаслик.

9. Қуйидагилар тиббиёт муассасаси ходимлари (даволовчи шифокор ҳамда бўлим ҳамшираси)нинг мажбуриятлари ҳисобланади:

бемор томонидан олиб келинган дори воситалари ва тиббий буюмлар алоҳида сақлаш шароитларини талаб этадиган бўлса, ушбу дори воситалари ва тиббий буюмларни тиббиёт муассасасининг муолажа хонасида (шу жумладан ушбу хонадаги музлатгичда) сақлаш;

бемор томонидан олиб келинган дори воситалари ва тиббий буюмлар тиббиёт муассасасининг дори воситалари ва тиббий буюмлари, шунингдек бошқа бемор томонидан олиб келинган дори воситалари ва тиббий буюмлар билан аралашиб кетмаслигини таъминлаш;

10. Беморларнинг ҳуқуқлари қўйидагилар ҳисобланади:

мазкур Низомнинг 4-банди иккинчи — тўртинчи хатбошиларида назарда тутилган талабларга жавоб берадиган дори воситалари ва тиббий буюмларни ўзлари билан тиббиёт муассасасига олиб келиш;

ўзлари билан олиб келган дори воситалари ва тиббий буюмлар алоҳида сақлаш шароитларини талаб этадиган бўлса, ушбу дори воситалари ва тиббий буюмларни тиббиёт муассасасининг муолажа хонасида (шу жумладан ушбу хонадаги музлатгичда) сақланишини тиббиёт муассасаси ходимлари (даволовчи шифокор ҳамда бўлим ҳамшираси)дан талаб қилиш;

ўзлари билан олиб келган ҳамда тиббиёт муассасасининг муолажа хонасида (шу жумладан ушбу хонадаги музлатгичда) сақланган дори воситалари ва тиббий буюмларни тиббиёт муассасаси ходимларидан (бош шифокор, бўлим ҳамшираси) талаб қилиб олиш.

11. Беморларнинг мажбуриятлари қўйидагилар ҳисобланади:

ўзлари билан олиб келган дори воситалари ва тиббий буюмларни (агар улар алоҳида сақлаш шароитларини талаб этмаса) тиббиёт муассасаси ходимлари (даволовчи шифокор ҳамда бўлим ҳамшираси)нинг текширувидан ўтказган ҳолда муолажа хонасида сақлаш чорасини кўриш;

ўзлари билан олиб келган дори воситалари ва тиббий буюмларни (агар улар алоҳида сақлаш шароитларини талаб этса) тиббиёт муассасасининг муолажа хонасида (шу жумладан ушбу хонадаги музлатгичда) сақлаш учун тиббиёт муассасаси ходимлари (даволовчи шифокор, бўлим ҳамшираси)га топшириш.

4-боб. Яқунловчи қоида

12. Ушбу Низом талабларининг бузилишида айбдор бўлган шахслар қонунчилик ҳужжатларига мувофиқ жавобгар бўлади.

ЎЗБЕКИСТОН РЕСПУБЛИКАСИ
РАҚОБАТНИ РИВОЖЛАНТИРИШ ВА ИСТЕЪМОЛЧИЛАР
ҲУҚУҚЛАРИНИ ҲИМОЯ ҚИЛИШ ҚЎМИТАСИНING
ҚАРОРИ

191 Табиий монополия субъектларининг давлат реестрини тузиш ва юритиш тартиби тўғрисидаги низомнинг 2-бандига ўзгартириш киритиш ҳақида*

Ўзбекистон Республикаси Адлия вазирлиги томонидан 2023 йил 31 майда рўйхатдан ўтказилди, рўйхат рақами 2147-3

Ўзбекистон Республикаси Президентининг 2022 йил 21 декабрдаги ПФ–269-сон «Янги Ўзбекистон маъмурий ислохотларини амалга ошириш чора-тадбирлари тўғрисида»ги Фармонига мувофиқ Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитаси **қарор қилади:**

1. Ўзбекистон Республикаси Монополиядан чиқариш ва рақобатни ривожлантириш давлат қўмитасининг 2010 йил 6 октябрдаги 14-сон қарори (рўйхат рақами 2147, 2010 йил 11 октябрь) (Ўзбекистон Республикаси қонун ҳужжатлари тўплами, 2010 й., 40-41-сон, 357-модда) билан тасдиқланган Табиий монополия субъектларининг давлат реестрини тузиш ва юритиш тартиби тўғрисидаги низомнинг 2-бандидаги «Монополияга қарши курашиш қўмитаси» деган сўзлар «Рақобатни ривожлантириш ва истеъмолчилар ҳуқуқларини ҳимоя қилиш қўмитаси» деган сўзлар билан алмаштирилсин.

2. Мазкур қарор Ўзбекистон Республикаси Иқтисодиёт ва молия вазирлиги билан келишилган.

3. Мазкур қарор расмий эълон қилинган кундан эътиборан кучга киради.

Раис

Ш. ШАРАХМЕТОВ

Тошкент ш.,
2023 йил 23 май,
04/05-05/01-сон

Келишилди:

Иқтисодиёт ва молия вазири

Ш. КУДБИЕВ

2023 йил 18 май

* Ушбу қарор «Қонунчилик маълумотлари миллий базаси»да 2023 йил 1 июнда эълон қилинган.

ЎЗБЕКИСТОН РЕСПУБЛИКАСИ
РАҚОБАТНИ РИВОЖЛАНТИРИШ ВА ИСТЕЪМОЛЧИЛАР
ҲУҚУҚЛАРИНИ ҲИМОЯ ҚИЛИШ ҚЎМИТАСИНING
ҚАРОРИ

192 Истеъмолчиларнинг ҳуқуқларини ҳимоя қилиш ва реклама тўғрисидаги қонунчилик ҳужжатлари талабларига риоя этилиши юзасидан таҳлил (ўрганиш, кўрик) ўтказиш тартиби тўғрисидаги йўриқноманинг 1-бандига ўзгартириш киритиш ҳақида*

*Ўзбекистон Республикаси Адлия вазирлиги томонидан 2023 йил
31 майда рўйхатдан ўтказилди, рўйхат рақами 2196-3*

Ўзбекистон Республикаси Президентининг 2022 йил 21 декабрдаги ПФ–269-сон «Янги Ўзбекистон маъмурий ислохотларини амалга ошириш чора-тадбирлари тўғрисида»ги Фармониغا мувофиқ Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитаси **қарор қилади:**

1. Ўзбекистон Республикаси Монополиядан чиқариш ва рақобатни ривожлантириш давлат қўмитасининг 2011 йил 10 февралдаги 1-сон қарори (рўйхат рақами 2196, 2011 йил 18 февраль) (Ўзбекистон Республикаси қонун ҳужжатлари тўплами, 2011 й., 7-8-сон, 73-модда) билан тасдиқланган Истеъмолчиларнинг ҳуқуқларини ҳимоя қилиш ва реклама тўғрисидаги қонунчилик ҳужжатлари талабларига риоя этилиши юзасидан таҳлил (ўрганиш, кўрик) ўтказиш тартиби тўғрисидаги йўриқноманинг 1-банди иккинчи хатбошисидаги «Хусусийлаштирилган корхоналарга кўмаклашиш ва рақобатни ривожлантириш давлат қўмитаси» деган сўзлар «Рақобатни ривожлантириш ва истеъмолчилар ҳуқуқларини ҳимоя қилиш қўмитаси» деган сўзлар билан алмаштирилсин.

2. Мазкур қарор Ўзбекистон Республикаси Савдо-саноат палатаси билан келишилган.

3. Мазкур қарор расмий эълон қилинган кундан эътиборан кучга киради.

Раис

Ш. ШАРАХМЕТОВ

Тошкент ш.,
2023 йил 25 май,
06/05-05/01-сон

Келишилди:

**Савдо-саноат
палатаси раиси**

Д. ВАХАБОВ

2023 йил 22 май

* Ушбу қарор «Қонунчилик маълумотлари миллий базаси»да 2023 йил 1 июнда эълон қилинган.

ЎЗБЕКИСТОН РЕСПУБЛИКАСИ МУДОФАА ВАЗИРЛИГИ
ЎЗБЕКИСТОН РЕСПУБЛИКАСИ ИЧКИ ИШЛАР ВАЗИРЛИГИ
ЎЗБЕКИСТОН РЕСПУБЛИКАСИ
ИҚТИСОДИЁТ ВА МОЛИЯ ВАЗИРЛИГИНИНГ
ҚАРОРИ

193 Ядро полигонларида ва бошқа радиация-ядро объектларида хизматни ўтаган, Ўзбекистон Республикаси ҳудудида яшаётган фуқаролар рўйхатини шакллантириш тартиби тўғрисидаги йўриқномага ўзгартиришлар киритиш ҳақида*

*Ўзбекистон Республикаси Адлия вазирлиги томонидан 2023 йил
31 майда рўйхатдан ўтказилди, рўйхат рақами 2749-2*

Ўзбекистон Республикаси Президентининг 2022 йил 21 декабрдаги ПФ–269-сон «Янги Ўзбекистон маъмурий ислохотларини амалга ошириш чора-тадбирлари тўғрисида»ги ва 2023 йил 25 январдаги ПФ–14-сон «Республика ижро этувчи ҳокимият органлари фаолиятини самарали йўлга қўйишга доир биринчи навбатдаги ташкилий чора-тадбирлар тўғрисида»ги фармонларига мувофиқ Ўзбекистон Республикаси Мудофаа вазирлиги, Ички ишлар вазирлиги ҳамда Иқтисодиёт ва молия вазирлиги **қарор қилади:**

1. Ўзбекистон Республикаси Мудофаа вазирлиги, Ички ишлар вазирлиги ва Молия вазирлигининг 2015 йил 16 декабрдаги 20, 39 ва 105-сон қарори (рўйхат рақами 2749, 2016 йил 6 январь) (Ўзбекистон Республикаси қонун ҳужжатлари тўплами, 2016 й., 1-сон, 9-модда) билан тасдиқланган Ядро полигонларида ва бошқа радиация-ядро объектларида хизматни ўтаган, Ўзбекистон Республикаси ҳудудида яшаётган фуқаролар рўйхатини шакллантириш тартиби тўғрисидаги йўриқномага иловага мувофиқ ўзгартиришлар киритилсин.

2. Мазкур қарор расмий эълон қилинган кундан эътиборан кучга киради.

Мудофаа вазири

Тошкент ш.,
2023 йил 22 май,
10-сон

Б. КУРБАНОВ

Ички ишлар вазири

Тошкент ш.,
2023 йил 20 май,
27-сон

П. БОБОЖОНОВ

* Ушбу қарор «Қонунчилик маълумотлари миллий базаси»да 2023 йил 1 июнда эълон қилинган.

Иқтисодиёт ва молия вазири**Ш. КУДБИЕВ**

Тошкент ш.,
2023 йил 16 май,
13-сон

Ўзбекистон Республикаси
Мудофаа вазирлигининг 2023 йил 22 майдаги
10-сон, Ички ишлар вазирлигининг
2023 йил 20 майдаги 27-сон, Иқтисодиёт ва
молия вазирлигининг 2023 йил 16 майдаги
13-сон қарорига
ИЛОВА

**Ядро полигонларида ва бошқа радиация-ядро объектларида
хизматни ўтаган, Ўзбекистон Республикаси ҳудудида яшаётган
фуқаролар рўйхатини шакллантириш тартиби тўғрисидаги
йўриқномага киритилаётган ўзгартиришлар**

1. 3-бандда:

а) «в» кичик банднинг учинчи хатбошисидаги «ва Молия вазирлигининг» деган сўзлар «ҳамда Иқтисодиёт ва молия вазирлигининг» деган сўзлар билан алмаштирилсин;

б) «в» кичик банднинг тўртинчи хатбошисидаги «ва Молия вазирлигига» деган сўзлар «ҳамда Иқтисодиёт ва молия вазирлигига» деган сўзлар билан алмаштирилсин;

в) «г» кичик банддаги «Молия вазирлиги» деган сўзлар «Иқтисодиёт ва молия вазирлиги» деган сўзлар билан алмаштирилсин.

2. 6-банд куйидаги таҳрирда баён этилсин:

«6. Ўзбекистон Республикаси Мудофаа вазирлиги, Ички ишлар вазирлиги ҳамда Иқтисодиёт ва молия вазирлигининг Фуқаролар рўйхатига ўзгартириш ва қўшимчалар киритишни назарда тутувчи қарори кучга киргандан сўнг, у 2 кун ичида Ўзбекистон Республикаси Мудофаа вазирлиги томонидан Ўзбекистон Республикаси Ички ишлар вазирлиги ҳамда Иқтисодиёт ва молия вазирлигига, шунингдек мудофаа ишлари бошқармалари ва бўлимларига юборилади.»

3. 4-илова матнидаги «Молия вазирлиги» деган сўзлар «Иқтисодиёт ва молия вазирлиги» деган сўзлар билан алмаштирилсин.

ЎЗБЕКИСТОН РЕСПУБЛИКАСИ МУДОФАА ВАЗИРЛИГИ
ЎЗБЕКИСТОН РЕСПУБЛИКАСИ ОЛИЙ ТАЪЛИМ, ФАН ВА
ИННОВАЦИЯЛАР ВАЗИРЛИГИНИНГ
ҚАРОРИ

194 Ўзбекистон Республикаси олий таълим муассасаларига
«Чақирикқача ҳарбий таълим» йўналиши бўйича қабул
қилишда касбий (ижодий) имтиҳон ўтказиш тартиби тўғрисидаги
низомнинг 17-бандига ўзгартириш киритиш ҳақида*

*Ўзбекистон Республикаси Адлия вазирлиги томонидан 2023 йил
31 майда рўйхатдан ўтказилди, рўйхат рақами 2995-2*

Ўзбекистон Республикаси Президентининг 2022 йил 21 декабрдаги ПФ–269-сон «Янги Ўзбекистон маъмурий ислохотларини амалга ошириш чора-тадбирлари тўғрисида»ги ва 2023 йил 25 январдаги ПФ–14-сон «Республика ижро этувчи ҳокимият органлари фаолиятини самарали йўлга қўйишга доир биринчи навбатдаги ташкилий чора-тадбирлар тўғрисида»ги фармонларига мувофиқ Ўзбекистон Республикаси Мудофаа вазирлиги ҳамда Олий таълим, фан ва инновациялар вазирлиги **қарор қилади:**

1. Ўзбекистон Республикаси Мудофаа вазирлиги ҳамда Олий ва ўрта махсус таълим вазирлигининг 2017 йил 5 декабрдаги 34 ва 27-2017-сон қарори (рўйхат рақами 2995, 2018 йил 5 апрель) (Қонун ҳужжатлари маълумотлари миллий базаси, 06.04.2018 й., 10/18/2995/1020-сон) билан тасдиқланган Ўзбекистон Республикаси олий таълим муассасаларига «Чақирикқача ҳарбий таълим» йўналиши бўйича қабул қилишда касбий (ижодий) имтиҳон ўтказиш тартиби тўғрисидаги низоมนинг 17-бандидаги «Давлат тест марказига» деган сўзлар «Ўзбекистон Республикаси Олий таълим, фан ва инновациялар вазирлиги ҳузуридаги Билим ва малакаларни баҳолаш агентлигига» деган сўзлар билан алмаштирилсин.

2. Мазкур қарор расмий эълон қилинган кундан эътиборан кучга киради.

Мудофаа вазири

Б. КУРБАНОВ

Тошкент ш.,
2023 йил 24 май,
12-сон

**Олий таълим, фан ва
инновациялар вазири**

И. АБДУРАҲМОНОВ

Тошкент ш.,
2023 йил 23 май,
4-қ/қ-сон

* Ушбу қарор «Қонунчилик маълумотлари миллий базаси»да 2023 йил 1 июнда эълон қилинган.

ЎЗБЕКИСТОН РЕСПУБЛИКАСИ ИЧКИ ИШЛАР ВАЗИРИНИНГ
БУЙРУҒИ**195** Маъмурий қамоққа олинган шахсларни қабул қилиш ва сақлаш учун мўлжалланган махсус қабулхоналар ҳудудидан маъмурий қамоққа олинган шахсларнинг четга чиқиш тартиби тўғрисидаги низомга ўзгартиришлар киритиш ҳақида*

*Ўзбекистон Республикаси Адлия вазирлиги томонидан 2023 йил
31 майда рўйхатдан ўтказилди, рўйхат рақами 3026-1*

Ўзбекистон Республикасининг 2023 йил 15 мартдаги ЎРҚ–823-сон «Ўзбекистон Республикасининг айрим қонун ҳужжатларига қўшимча ва ўзгартишлар киритиш тўғрисида»ги Қонунининг 5-моддасига мувофиқ **буюраман:**

1. Ўзбекистон Республикаси ички ишлар вазирининг 2018 йил 15 майдаги 135-сон буйруғи (рўйхат рақами 3026, 2018 йил 26 июнь) (Қонун ҳужжатлари маълумотлари миллий базаси, 27.06.2018 й., 10/18/3026/1408-сон) билан тасдиқланган Маъмурий қамоққа олинган шахсларни қабул қилиш ва сақлаш учун мўлжалланган махсус қабулхоналар ҳудудидан маъмурий қамоққа олинган шахсларнинг четга чиқиш тартиби тўғрисидаги низомнинг 2 ва 3-иловалари матнидаги «шаҳар-туман маъмурий ишлар бўйича судининг» деган сўзлар «жиноят ишлари бўйича туман (шаҳар) судининг» деган сўзлар билан алмаштирилсин.

2. Мазкур буйруқ расмий эълон қилинган кундан эътиборан кучга киради.

Вазир

П. БОБОЖОНОВ

Тошкент ш.,
2023 йил 19 май,
263-сон

* Ушбу буйруқ «Қонунчилик маълумотлари миллий базаси»да 2023 йил 1 июнда эълон қилинган.

ЎЗБЕКИСТОН РЕСПУБЛИКАСИ
СОҒЛИҚНИ САҚЛАШ ВАЗИРИНИНГ
БҮЙРУҒИ

196 Давлат тиббий суғуртаси жамғармаси орқали молиялаштириладиган республика даражасидаги давлат стационар тиббиёт муассасаларида беморларни дори воситалари ва тиббий буюмлар билан таъминлаш тартиби тўғрисидаги низомни тасдиқлаш тўғрисида*

*Ўзбекистон Республикаси Адлия вазирлиги томонидан 2023 йил
31 майда рўйхатдан ўтказилди, рўйхат рақами 3438*

Ўзбекистон Республикаси Президентининг 2022 йил 26 октябрдаги ПҚ–411-сон «Аҳолини сифатли дори воситалари ва тиббий буюмлар билан таъминлаш юзасидан кўшимча чора-тадбирлар тўғрисида»ги қарорига мувофиқ **буюраман:**

1. Давлат тиббий суғуртаси жамғармаси орқали молиялаштириладиган республика даражасидаги давлат стационар тиббиёт муассасаларида беморларни дори воситалари ва тиббий буюмлар билан таъминлаш тартиби тўғрисидаги низом иловага мувофиқ тасдиқлансин.

2. Мазкур буйруқ Иқтисодиёт ва молия вазирлиги билан келишилган.

3. Мазкур буйруқ расмий эълон қилинган кундан эътиборан кучга киради.

Вазир

А. ИНОЯТОВ

Тошкент ш.,
2023 йил 30 май,
15-сон

Келишилди:

Иқтисодиёт ва молия вазири

Ш. КУДБИЕВ

2023 йил 30 май

* Ушбу буйруқ «Қонунчилик маълумотлари миллий базаси»да 2023 йил 2 июнда эълон қилинган.

Ўзбекистон Республикаси
соғлиқни сақлаш вазирининг 2023 йил
30 майдаги 15-сон буйруғига
ИЛОВА

**Давлат тиббий суғуртаси жамғармаси орқали
молиялаштириладиган республика даражасидаги давлат
стационар тиббиёт муассасаларида беморларни дори воситалари
ва тиббий буюмлар билан таъминлаш тартиби тўғрисидаги
НИЗОМ**

Мазкур Низом Давлат тиббий суғуртаси жамғармаси орқали молиялаштириладиган республика даражасидаги давлат стационар тиббиёт муассасаларида беморларни дори воситалари ва тиббий буюмлар билан таъминлаш тартибини белгилайди.

1-боб. Умумий қоидалар

1. Мазкур Низом Ўзбекистон Республикаси Президентининг «Соғлиқни сақлаш соҳасида ихтисослаштирилган тиббий ёрдам кўрсатиш тизимини янада такомиллаштириш чора-тадбирлари тўғрисида» 2021 йил 28 июлдаги ПҚ–5199-сон қарорига мувофиқ Давлат тиббий суғуртаси жамғармаси орқали молиялаштириш тизимига ўтказилган республика даражасидаги давлат стационар тиббиёт муассасаларида (бундан буён матнда тиббиёт муассасаси деб юритилади) беморларни дори воситалари ва тиббий буюмлар билан тиббиёт муассасаси орқали таъминлашга нисбатан татбиқ этилади.

2. Ушбу Низомда қуйидаги асосий тушунчалар қўлланилади:

дори воситалари — касалликлар профилактикаси, уларга ташхис қўйиш ва уларни даволаш, шунингдек одам организмнинг ҳолати ва функцияларини ўзгартириш учун тиббиёт амалиётида қўлланилишига рухсат этилган дори моддалари (субстанциялар) ва ёрдамчи моддалар асосида олинган воситалар, дори моддалари (субстанциялар), дори препаратлари;

ижтимоий аҳамиятга эга дори воситалари ва тиббий буюмлар — ижтимоий аҳамиятга эга ва атрофдагилар учун хавф туғдирадиган касалликларнинг олдини олиш ҳамда даволаш учун талаб юқори бўлган ва аҳоли, тиббиёт ташкилотлари томонидан кўп фойдаланиладиган, Ўзбекистон Республикаси Соғлиқни сақлаш вазирлиги тасдиқлайдиган Ижтимоий аҳамиятга эга дори воситалари ва тиббий буюмларнинг рўйхатига киритилган дори воситалари ва тиббий буюмлар;

тиббий буюмлар — касалликлар профилактикаси, уларга ташхис қўйиш ва уларни даволаш учун, шунингдек одам организмнинг ҳолати ва функцияларини ўзгартириш учун тиббиёт амалиётида қўлланилишига рухсат этилган буюмлар;

тиббиёт муассасасининг Доимий фаолият кўрсатадиган комиссияси (бундан буён матнда Доимий фаолият кўрсатадиган комиссия деб юритилади) — тиббиёт муассасасида ташкил этиладиган ва ижтимоий аҳа-

миятга эга дори воситалари ҳамда тиббий буюмларга бўлган эҳтиёжни ҳисоблаб чиқадиган ва тасдиқлайдиган, уларни харид қилиш, ҳисобга олиш, тақсимлаш ҳамда қўллашни назорат қиладиган комиссия.

3. Доимий фаолият кўрсатадиган комиссия тиббиёт муассасаси раҳбарининг буйруғи билан мазкур тиббиёт муассасасининг малакали мутахассисларидан камида беш кишидан иборат таркибда шакллантирилади.

4. Тиббиёт муассасасида беморларни дори воситалари ва тиббий буюмлар билан таъминлаш харажатлар сметаси бўйича ажратилиши кўзда тутилган маблағлар ҳисобидан кафолатланган тиббий хизматлар ва дори воситалари пакети доирасида бепул, қолган ҳолларда пулли асосда тиббиёт муассасасига кирим қилинган нархларда амалга оширилади.

2-боб. Тиббиёт муассасаларида дори воситалари ва тиббий буюмларга бўлган эҳтиёжни аниқлаш

5. Тиббиёт муассасаларида дори воситалари ва тиббий буюмларга бўлган эҳтиёж ҳар йил учун алоҳида ҳар бир дори воситаси ва тиббий буюм бўйича шакллантирилади.

6. Дори воситалари ва тиббий буюмларга (бундан ижтимоий аҳамиятга эга дори воситалари ва тиббий буюмлар мустасно) бўлган эҳтиёжни аниқлаш қуйидаги босқичларда амалга оширилади:

а) биринчи босқич — тиббиёт муассасасининг ҳар бир бўлими ўз фаолият туридан ҳамда ўтган давр учун беморларни таъминлаш мақсадида сарфланган дори воситалари ва тиббий буюмлар миқдоридан келиб чиқиб, ўзининг келгуси йил учун эҳтиёжини аниқлайди ҳамда ҳар йили 30 ноябрга қадар тегишли тиббиёт муассасасининг Доимий фаолият кўрсатадиган комиссиясига тақдим этади;

б) иккинчи босқич — Доимий фаолият кўрсатадиган комиссия ҳар йили 20 декабрга қадар бўлимлардан олинган эҳтиёж тўғрисидаги маълумотларни умумлаштиради ҳамда тиббиёт муассасасидаги шифо ўрни, даволанган беморлар ҳамда уларнинг ўртача даволаниш кунлари, даволаш стандартлари, клиник қўлланмалар, шунингдек кўрсатилаётган тиббий ёрдам ҳажмидан келиб чиққан ҳолда тиббиёт муассасасининг йиғма эҳтиёжини шакллантиради.

Тиббиёт муассасаларида дори воситалари ва тиббий буюмларга бўлган йиғма эҳтиёж ҳар йили 25 декабрга қадар тиббиёт муассасасининг раҳбари томонидан тасдиқланади.

7. Тиббиёт муассасаларида дори воситалари ва тиббий буюмларга (бундан ижтимоий аҳамиятга эга дори воситалари ва тиббий буюмлар мустасно) бўлган эҳтиёж қуйидаги формула бўйича аниқланади:

$$\text{Э} = \text{С} \times \text{Б} \times \text{В} \text{ бунда:}$$

Э — дори воситалари ва тиббий буюмларга бўлган йиллик эҳтиёж;

С — бир нафар беморга бир кунлик даволаш учун сарфланадиган дори воситалари ва тиббий буюмлар миқдори;

В — бир нафар беморда ўтказиладиган даволаш курслари давомийлиги;

В — даволаш учун дори воситаси ва тиббий буюм қўлланиладиган беморларнинг йиллик сони (касалланиш).

8. Ижтимоий аҳамиятга эга дори воситалари ва тиббий буюмларга бўлган эҳтиёж Вазирлар Маҳкамасининг 2017 йил 18 сентябрдаги 741-сон қарори билан тасдиқланган Ижтимоий аҳамиятга эга дори воситалари ва тиббий буюмларга эҳтиёжни аниқлаш тартиби тўғрисидаги низомга мувофиқ аниқланади.

Бунда, ижтимоий аҳамиятга эга дори воситалари таркибига кирадиган наркотик ва психотроп моддаларга бўлган эҳтиёж Вазирлар Маҳкамасининг 2003 йил 29 октябрдаги 472-сон қарори билан тасдиқланган Ўзбекистон Республикасининг гиёҳвандлик воситалари, психотроп моддалар ва прекурсорларга бўлган эҳтиёжини аниқлаш тартиби тўғрисидаги низомга мувофиқ аниқланади.

3-боб. Тиббиёт муассасаларида дори воситалари ва тиббий буюмларни харид қилиш ва сақлаш

9. Тиббиёт муассасалари томонидан дори воситалари ва тиббий буюмлар мазкур тиббиёт муассасаларида аниқланган йиллик эҳтиёждан келиб чиққан ҳолда Ўзбекистон Республикасининг «Давлат харидлари тўғрисида»ги Қонунига мувофиқ харид қилинади.

10. Тиббиёт муассасаси томонидан яроқлилик муддати 12 ойдан кам бўлмаган дори воситалар ва тиббий буюмлар харид қилинади.

Бунда, харид қилинадиган дори воситаларининг нархи белгиланган улгуржи референт нархларидан юқори бўлмаслиги лозим.

11. Харид қилинган дори воситалари ва тиббий буюмлар тиббиёт муассасасининг дорихонасида СанҚваН-0337-16 «Дорихоналар тузилмаси, жиҳозлари ва фаолият юритиши учун санитария қоидалари ва меъёрлари» талабларига мувофиқ сақланади.

4-боб. Тиббиёт муассасаларида беморларни дори воситалари ва тиббий буюмлар билан таъминлаш

12. Тиббиёт муассасасининг дорихонасидан дори воситалари ва тиббий буюмлар тиббиёт муассасасининг бўлимларига мазкур бўлимларнинг эҳтиёжидан келиб чиққан ҳолда, уларнинг талабномаси асосида уч кунлик ҳажмда берилади.

13. Тиббиёт муассасасининг бўлимларига дори воситалари ва тиббий буюмларнинг тақсимланиши бўйича ҳар бир ҳолат Доимий фаолият кўрсатадиган комиссия баённомаси билан расмийлаштирилади.

14. Беморларга Давлат тиббий сугуртаси жамғармаси маблағлари ҳисобидан қопланиши кўзда тутилмаган дори воситалари ва тиббий буюмларнинг қиймати беморнинг ўз маблағлари ҳисобидан тиббиёт муассасасининг разнасига тўлов қилиш орқали қопланади.

15. Тиббиёт муассасасининг дорихонасидан тиббиёт муассасаси бўлимлари эҳтиёжи учун олинган дори воситалари ва тиббий буюмларнинг ки-

рим-чиқими ва ҳисоби бўлим катта ҳамшираси томонидан компьютерда махсус электрон дастур ёрдамида юритилади.

16. Бўлим ҳамширалари шифокор тавсияси бўйича бемор учун сарфланган дори воситаси ва тиббий буюмлар миқдорини ушбу дори воситалари ва тиббий буюмлар беморга қўлланилган вақтнинг ўзида беморнинг фамилияси, исми ва отасининг исми ҳамда касаллик тарихининг тартиб рақами бўйича махсус электрон дастурга киритиб қўяди.

17. Дори воситалари ва тиббий буюмларнинг кирим-чиқими ва сарфланиши бўйича маълумотларнинг махсус электрон дастурга ўз вақтида киритилиши учун бўлим мудури шахсан жавобгар ҳисобланади.

18. Тиббиёт муассасаларида харид қилинган дори воситалари ва тиббий буюмларнинг кунлик қолдиғи ҳамда нархлари манбалар кесимида тиббиёт муассасаларининг расмий веб-сайтларига жойлаштирилади ҳамда мунтазам янгилаб борилади.

5-боб. Яқунловчи қоидалар

19. Тиббиёт муассасаларида беморларга белгиланган тартибда тиббий ёрдамни ташкил этиш, уларни тиббиёт муассасаси томонидан дори воситалари ва тиббий буюмлар билан талаб даражасида таъминлаш учун тиббиёт муассасасининг раҳбари ва ушбу муассаса дорихонасининг мудури жавобгар ҳисобланади.

20. Мазкур Низом талабларининг бузилишида айбдор бўлган шахслар қонунчилик ҳужжатларига мувофиқ жавобгар бўлади.

ЎЗБЕКИСТОН РЕСПУБЛИКАСИ МУДОФАА ВАЗИРЛИГИ
ЎЗБЕКИСТОН РЕСПУБЛИКАСИ КАМБАҒАЛЛИКНИ
ҚИСҚАРТИРИШ ВА БАНДЛИК ВАЗИРЛИГИ
ЎЗБЕКИСТОН РЕСПУБЛИКАСИ
ОЛИЙ ТАЪЛИМ, ФАН ВА ИННОВАЦИЯЛАР ВАЗИРЛИГИ
ЎЗБЕКИСТОН РЕСПУБЛИКАСИ
ҚУРИЛИШ ВА УЙ-ЖОЙ КОММУНАЛ ХЎЖАЛИГИ ВАЗИРЛИГИ
ЎЗБЕКИСТОН РЕСПУБЛИКАСИ ТРАНСПОРТ ВАЗИРЛИГИНИНГ
ҚАРОРИ

197 Курилиш соҳаси малакали мутахассисларини тайёрлаш
марказларига фуқароларни қабул қилиш ва ўқитиш тар-
тиби тўғрисидаги низомга ўзгартиришлар киритиш ҳақида*

*Ўзбекистон Республикаси Адлия вазирлиги томонидан 2023 йил
2 июнда рўйхатдан ўтказилди, рўйхат рақами 3371-1*

Ўзбекистон Республикаси Президентининг 2022 йил 21 декабрдаги ПФ–269-сон «Янги Ўзбекистон маъмурий ислохотларини амалга ошириш чора-тадбирлари тўғрисида»ги ва 2023 йил 25 январдаги ПФ–14-сон «Республика ижро этувчи ҳокимият органлари фаолиятини самарали йўлга қўйишга доир биринчи навбатдаги ташкилий чора-тадбирлар тўғрисида»ги фармонларига мувофиқ Ўзбекистон Республикаси Мудофаа вазирлиги, Камбағалликни қисқартириш ва бандлик вазирлиги, Олий таълим, фан ва инновациялар вазирлиги, Қурилиш ва уй-жой коммунал хўжалиги вазирлиги ҳамда Транспорт вазирлиги **қарор қилади:**

1. Ўзбекистон Республикаси Мудофаа вазирлигининг 2022 йил 4 июндаги 19-сон, Бандлик ва меҳнат муносабатлари вазирлигининг 2022 йил 2 июндаги 5-Қ/Қ-сон, Олий ва ўрта махсус таълим вазирлигининг 2022 йил 2 июндаги 11-2022-сон, Қурилиш вазирлигининг 2022 йил 2 июндаги 2-сон, Транспорт вазирлигининг 2022 йил 3 июндаги 06-сон қарори (рўйхат рақами 3371, 2022 йил 13 июнь) (Қонунчилик маълумотлари миллий базаси, 13.06.2022 й. 10/22/3371/0519-сон) билан тасдиқланган Қурилиш соҳаси малакали мутахассисларини тайёрлаш марказларига фуқароларни қабул қилиш ва ўқитиш тартиби тўғрисидаги низомга иловага мувофиқ ўзгартиришлар киритилсин.

2. Мазкур қарор расмий эълон қилинган кундан эътиборан кучга киради.

Мудофаа вазири

Б. КУРБАНОВ

Тошкент ш.,
2023 йил 13 май,
8-сон

* Ушбу қарор «Қонунчилик маълумотлари миллий базаси»да 2023 йил 2 июнда эълон қилинган.

**Камбағалликни қисқартириш
ва бандлик вазири****Б. МУСАЕВ**

Тошкент ш.,
2023 йил 12 май,
10-2023/ққ-сон

**Олий таълим, фан ва
инновациялар вазири****И. АБДУРАҲМОНОВ**

Тошкент ш.,
2023 йил 3 май,
2-қ/қ-сон

**Қурилиш ва уй-жой коммунал
хўжалиги вазири****Б. ЗАКИРОВ**

Тошкент ш.,
2023 йил 1 май,
2-сон

Транспорт вазири**И. МАҲКАМОВ**

Тошкент ш.,
2023 йил 5 май,
3-сон

Ўзбекистон Республикаси
Мудофаа вазирлигининг 2023 йил 13 майдаги
8-сон, Камбағалликни қисқартириш ва бандлик
вазирлигининг 2023 йил 12 майдаги
10-2023/ққ-сон, Олий таълим, фан ва инновация-
лар вазирлигининг 2023 йил 3 майдаги
2 қ/қ-сон, Қурилиш ва уй-жой коммунал
хўжалиги вазирлигининг 2023 йил 1 майдаги
2-сон ва Транспорт вазирлигининг 2023 йил
5 майдаги 3-сон қарорига
ИЛОВА

**Қурилиш соҳаси малакали мутахассисларини тайёрлаш
марказларига фуқароларни қабул қилиш ва ўқитиш тартиби
тўғрисидаги низомга киритилаётган ўзгартиришлар**

1. 3-банд қуйидаги таҳрирда баён этилсин:
«3. Талабгорлар танловда туман (шаҳар) Камбағалликни қисқартириш
ва бандликка кўмаклашиш бўлими (бундан буён матнда Камбағалликни
қисқартириш ва бандликка кўмаклашиш бўлими деб юритилади) томонидан
берилган йўлланма асосида иштирок этади.»

2. 4-банд қуйидаги таҳрирда баён этилсин:

«4. Талабгорлар танловга йўлланма олиш учун доимий яшаш жойи бўйича рўйхатга олинган жойидаги Камбағалликни қисқартириш ва бандликка кўмаклашиш бўлимига ариза билан мурожаат қилади.

Бунда, ариза Камбағалликни қисқартириш ва бандликка кўмаклашиш бўлимининг масъул ходими томонидан Ўзбекистон Республикаси Камбағалликни қисқартириш ва бандлик вазирлигининг меҳнат органларига мурожаат этган жисмоний ва юридик шахсларга кўрсатилган хизматларни ҳисобга олиш учун мўлжалланган «Бандлик хизмати» ахборот тизимига киритилади.».

3. 5-банднинг биринчи, иккинчи ва учинчи хатбошилари, 12-банднинг биринчи ва иккинчи хатбошиларидаги «АБКМ» қисқартмаси «Камбағалликни қисқартириш ва бандликка кўмаклашиш бўлими» деган сўзлар билан алмаштирилсин.

4. 6-банддаги «Бандлик ва меҳнат муносабатлари вазирлиги» деган сўзлар «Камбағалликни қисқартириш ва бандлик вазирлиги» деган сўзлар билан алмаштирилсин.

5. 14-банднинг тўртинчи хатбошиси қуйидаги таҳрирда баён этилсин:

«**комиссия аъзолари** — тегишлилиги бўйича Қорақалпоғистон Республикаси Камбағалликни қисқартириш ва бандлик вазирлиги ҳамда вилоят Камбағалликни қисқартириш ва бандлик бош бошқармаси вакили, шунингдек Марказнинг масъул ходимлари.».

6. 35-банднинг иккинчи хатбошиси қуйидаги таҳрирда баён этилсин:

«Бунда, ҳар бир йўналиш бўйича ўқув дастури Ўзбекистон Республикаси Камбағалликни қисқартириш ва бандлик вазирлиги, Олий таълим, фан ва инновациялар вазирлиги ҳамда Қурилиш ва уй-жой коммунал хўжалиги вазирлиги томонидан тасдиқланади.».

7. 40-банддаги «АБКМнинг» қисқартмаси «Камбағалликни қисқартириш ва бандликка кўмаклашиш бўлимининг» деган сўзлар билан алмаштирилсин.

8. 50-банднинг иккинчи хатбошисидаги «АБКМларга» қисқартмаси «Камбағалликни қисқартириш ва бандликка кўмаклашиш бўлимларига» деган сўзлар билан алмаштирилсин.

**Ўзбекистон Республикаси Адлия вазирлигининг
вазирликлар, давлат қўмиталари ва идораларнинг
норматив-ҳуқуқий ҳужжатларини давлат рўйхатидан
ўтказиш ҳолати тўғрисида
МАЪЛУМОТИ**

1. Давлат рўйхатидан ўтказилди:

1. O'zbekiston Respublikasi Oliy ta'lim, fan va innovatsiyalar vazirligining 2023-yil 24-maydagi 5-q/q-son hamda Adliya vazirligining 2023-yil 27-maydagi 2-son "Toshkent davlat yuridik universitetida o'qitishning modul tizimi sharoitlarida talabalar bilimni nazorat qilish tartibi va baholash mezonlari to'g'risidagi nizomni tasdiqlash haqida"gi qarorga o'zgartirish va qo'shimchalar kiritish to'g'risida"gi qarori.

2023-yil 29-mayda ro'yxatdan o'tkazildi, ro'yxat raqami 2780-5.

2. Ўзбекистон Республикаси иқтисодиёт ва молия вазирининг 2023 йил 20 майдаги 14-сон «Алкоголь маҳсулотлари учун энг кам улгуржи-сотиш ва чакана нархларни қайта кўриб чиқиш тўғрисида»ги буйруғи.

2023 йил 30 майда рўйхатдан ўтказилди, рўйхат рақами 3435.

3. Ўзбекистон Республикаси Марказий банки бошқарувининг 2023 йил 10 майдаги 11/2-сон ҳамда Иқтисодиёт ва молия вазирлигининг 2023 йил 5 майдаги 11-сон «Хўжалик юритувчи субъектларнинг банк ҳисобварақларидан пул маблағларини ҳисобдан чиқариш тартиби тўғрисидаги йўриқномани тасдиқлаш ҳақида»ги қарорга ўзгартиришлар ва қўшимча киритиш тўғрисида»ги қарори.

2023 йил 30 майда рўйхатдан ўтказилди, рўйхат рақами 2342-11.

4. Ўзбекистон Республикаси адлия вазирининг 2023 йил 29 майдаги 7-мх-сон «Электрон ҳисоблаш машиналари учун яратилган дастурлар ва маълумотлар базасини расмий рўйхатдан ўтказиш қоидаларини тасдиқлаш тўғрисида»ги буйруғи.

2023 йил 30 майда рўйхатдан ўтказилди, рўйхат рақами 3436.

5. Ўзбекистон Республикаси соғлиқни сақлаш вазирининг 2023 йил 25 майдаги 13-сон «Алоҳида ҳолатларда тиббиёт муассасасида беморлар томонидан олиб келинган дори воситалари ва тиббий буюмларни ишла-тишга руҳсат бериш тартиби тўғрисидаги низомни тасдиқлаш ҳақида»ги буйруғи.

2023 йил 30 майда рўйхатдан ўтказилди, рўйхат рақами 3437.

6. Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитасининг 2023 йил 23 майдаги 04/05-

05/01-сон «Табиий монополия субъектларининг давлат реестрини тузиш ва юритиш тартиби тўғрисидаги низомнинг 2-бандига ўзгартириш киритиш ҳақида»ги қарори.

2023 йил 31 майда рўйхатдан ўтказилди, рўйхат рақами 2147-3.

7. Ўзбекистон Республикаси рақобатни ривожлантириш ва истеъмолчилар ҳуқуқларини ҳимоя қилиш қўмитасининг 2023 йил 25 майдаги 06/05-05/01-сон «Истеъмолчиларнинг ҳуқуқларини ҳимоя қилиш ва реклама тўғрисидаги қонунчилик ҳужжатлари талабларига риоя этилиши юзасидан таҳлил (ўрганиш, кўрик) ўтказиш тартиби тўғрисидаги йўриқноманинг 1-бандига ўзгартириш киритиш ҳақида»ги қарори.

2023 йил 31 майда рўйхатдан ўтказилди, рўйхат рақами 2196-3.

8. Ўзбекистон Республикаси Мудофаа вазирлигининг 2023 йил 22 майдаги 10-сон, Ички ишлар вазирлигининг 2023 йил 20 майдаги 27-сон, Иқтисодиёт ва молия вазирлигининг 2023 йил 16 майдаги 13-сон «Ядро полигонларида ва бошқа радиация-ядро объектларида хизматни ўтаган, Ўзбекистон Республикаси ҳудудида яшаётган фуқаролар рўйхатини шакллантириш тартиби тўғрисидаги йўриқномага ўзгартиришлар киритиш ҳақида»ги қарори.

2023 йил 31 майда рўйхатдан ўтказилди, рўйхат рақами 2749-2.

9. Ўзбекистон Республикаси Мудофаа вазирлигининг 2023 йил 24 майдаги 12-сон ва Олий таълим, фан ва инновациялар вазирлигининг 2023 йил 23 майдаги 4-қ/қ-сон «Ўзбекистон Республикаси олий таълим муассасаларига «Чақириққача ҳарбий таълим» йўналиши бўйича қабул қилишда касбий (ижодий) имтиҳон ўтказиш тартиби тўғрисидаги низомнинг 17-бандига ўзгартириш киритиш ҳақида»ги қарори.

2023 йил 31 майда рўйхатдан ўтказилди, рўйхат рақами 2995-2.

10. Ўзбекистон Республикаси ички ишлар вазирининг 2023 йил 19 майдаги 263-сон «Маъмурий қамоққа олинган шахсларни қабул қилиш ва сақлаш учун мўлжалланган махсус қабулхоналар ҳудудидан маъмурий қамоққа олинган шахсларнинг четга чиқиш тартиби тўғрисидаги низомга ўзгартиришлар киритиш ҳақида»ги буйруғи.

2023 йил 31 майда рўйхатдан ўтказилди, рўйхат рақами 3026-1.

11. Ўзбекистон Республикаси соғлиқни сақлаш вазирининг 2023 йил 30 майдаги 15-сон «Давлат тиббий суғуртаси жамғармаси орқали молиялаштириладиган республика даражасидаги давлат стационар тиббиёт муассасаларида беморларни дори воситалари ва тиббий буюмлар билан таъминлаш тартиби тўғрисидаги низомни тасдиқлаш тўғрисида»ги буйруғи.

2023 йил 31 майда рўйхатдан ўтказилди, рўйхат рақами 3438.

12. Ўзбекистон Республикаси Мудофаа вазирлигининг 2023 йил 13 майдаги 8-сон, Камбағалликни қисқартириш ва бандлик вазирлигининг 2023 йил 12 майдаги 10-2023/ққ-сон, Олий таълим, фан ва инновациялар вазирлигининг 2023 йил 3 майдаги 2-қ/қ-сон, Қурилиш ва уй-жой коммунал хўжалиги вазирлигининг 2023 йил 1 майдаги 2-сон ва Транспорт вазирлигининг 2023 йил 5 майдаги 3-сон «Қурилиш соҳаси малакали мутахассислари-

ни тайёрлаш марказларига фуқароларни қабул қилиш ва ўқитиш тартиби тўғрисидаги низомга ўзгартиришлар киритиш ҳақида»ги қарори.

2023 йил 2 июнда рўйхатдан ўтказилди, рўйхат рақами 3371-1.